

過

宜

言

過宜言卷四

明鄭華 夏吉甫 著

明鄭楊晦遵大介較集

寧郡許公德政碑記

今天下輿地當聖天子東南臂者無若留都與汀浙而甬上尤稱要害特假大將軍重鎮之然不能戢民究亦未嘗戢暴旦夕思良郡守爲撫循蓋幾疲童歌舌矣茲何幸而獲借雲翁許公祖來殿此圉也夫甬地斥鹵其土礪而民健悍然亦知率令故易化特以宅處海隅與

過宜言 卷四

一四明叢書  
續編刊本

魚鼈爲伍往苦倭今苦賊數年來更苦狐虎天倖不使腹魚鼈而亦無所避舞法者於是甬誌所載侯牧凡治能懲弊者稱最上焉然用雉治而不獲乳若中用兔治而不獲縱若京兆用稻治而不獲明若召陵用澗治鑪治而不獲安若上地靜若淮陽則安得望之廣漢稚圭希文輩以社稷才出爲刺史安枕而政自清耶始公成進士爲計部尙書鼠庫蚊固自遠矣豈不忠信敢灼灼炳天壤哉則聲名先無損於治郡而夷攷先世固太岳之後奕著顯哲闔封公祖嘗一爲邑宰不數桐

鄉愛民及先生身真兩山大小馬諸傳也先生後從春秋起斷獄以麟自漢世業隆重之允元明保發奸柔遠  
際盡十二牧五千州悉以來蘇後后焉句甬方祝得天  
而耆老士民咸曰天何暮我叔度哉將謂甬不得歲而  
賴公之粒食我也甬塗無瑞而賴公醇飲我也海市不  
蠶而賴公之縱壑我也假非公而戍烏乎癸之齒烏乎  
釋之而羣不逞讐伏否龜鼈其煦否雉馴圃虎渡北鳳  
凰集潁川否譜著虔公食實否夫環五邑民祈歡好其  
婦子歌呼烏烏而反思畜租搗茶甚拮据以瘠我公驅  
馬馳騰極於羽譙尾傷百瘁至我者而惟以齊是圖則  
太守真元后父母矣夫今日藉公若疇不可一人無覆  
頃之必藉公若離裏又懼一日去公則澤國咸庇公若  
命也今慶公下車而耆老則脛集而迎董諸生爲公祀  
門下士若某某咸予姻族使予得盡言如此雖然記稱  
成族化民必先於學先生從春秋起斷獄以經漢世已  
隆重之況復衙高赤僕杜胡何必賴楊得意言然後知  
人間有長卿耶則已置身於鄭玄橋公超市戴憑坐  
重五十矣先生又爲徽國之祁門人慕法孔子者誠無

若徽國考亭而淑考亭爲宋沈端憲公煥爲勝國許文  
正公衡澤何能斬知先生教多士必不絕孔壁聲爲彬  
彬起魯諸生禮樂豈惟使重譯來王以靖海燧卽大將  
軍無所用其武哉予又將頌於朝曰聖天子化自東南  
矣

寧波府學碑

寧郡學之建創興葺載諸先哲碑記者甚詳且悉然必  
經濟巨公惠忠廉敏者乃獲惟大猷而舉之故致人材  
蔚而士亦多出爲名臣後人遂以郡大夫卜君聖文華

遊宦言 卷四

三四明叢書  
新園刊本

之選近因學荒而不治頽圯於因循者多歷年所且得  
某林公繇計部尙書郎出守吾郡精鍊夙著入境視學  
釋奠舉環視黌序而憫焉因同博士弟子商所以自捐  
俸外益以贖鍰委心計直諒之耆而復身爲之鳩工審  
執公餘卽詣不嫌與操人爲伍凡新者因者埽而更者  
拔穢棘而潔且色者務無苟且以奏功而必永永之是  
圖雖百度具舉丁夫雨集未嘗議輸派以起釁僅歷寒  
暑而殿齋祠舍靡不崇宏壯麗雲蒸霞變輝煌雄古諸  
多士沐作人之盛舉相率乞余言勒麗牲之石以垂不

朽余檣往誌吳公治平第一偉兆賈生文翁化蜀俊挺  
犬子我公嘉乃政績得乂安東南臂以答明天子耆如  
屠妖龍法猶賊雖悍不災雖荒克濟雨雪應於祈弁職  
哉於宇凡事與民休息幾於不毀一廬而淮陽政清者  
及今所未見也曾聞試校矢日屏黜他進使呈身營倖  
者趨而知恥而博檣有道之士必不苦舍爾靈以觀我  
爾乎則葺學特其一事已然前此不乏任是事者何以  
多方獎勵自上部使及寅位以至義耆助有差而未聞  
已而竣卽竣亦竟毀有如公之忠厚簡易無擾無率教  
足尊而澤可思乎諸多士以時習禮顧瞻穹奕能不替  
乃公鼎新翬翼之雅意入學舍而鄙馬融王弼之爲進  
射圃而酢公裘序點之解敦廉恥而崇節義修身好學  
不倦濟濟寧文邦國用光公固以萬世作人一朝而諸  
多士寧不可以飭報上罔極哉何必如杜公碑必俟水  
立然後徵不朽耶

上魯國主疏

重地必須得人乞因才簡任以安內攘外事臣思主上  
御紹面省枕寧今虜猶踞杭扼江邊禦則面猶彰蔽也

而避難者狡奸者橫將悍兵思打糧者俱破浪至寧以弱之內而奪之食則枕險且重甯也民不聊生何可固圉武不馴性何可禦武自非彈壓得賢撫綏得穎東南鎖鑰實疑懼今荷主上陞道臣某專任巡撫誠用當其材戢靖得宜矣而加銜署寧波府事臣某社稷大器矜情執法懲鎮差而杜噬民之害肅驕伍而救從律之威綜核名實寬恕小微務持大體喜崇休息其持身御下安邊裕本祇期明斥埃詰奸細而毋好事滋擾真激濁扶危之憲臣也加銜署寧波府同知事臣某發奸摘

總宣言 卷四

五 四明叢書

約園刊本

伏如神勸耕諭業如父或曰古之遺直或曰眾人之母威恬鯨波法黜狐社惟野馴禽惟河渡虎真馮翊京兆重臣所謂刺史卽相太守卽將也今臣某奉旨以知府攝道事臣某以偉幹列同知不免掩能抑智未可展驥項騶合無竟授臣某兵巡海道特予敕印解謝府事而陞同知臣某任知府定川舊有軍門府署原爲撫臣巡邊祀江之所祖設汎地整飭鎮臣戎務似應移撫臣某遵祖出鎮而道署又可仍居道臣則憲章不忘體統無紊干城凶壘兆民安席矣又臣思昔日文強武弱迄今

武強而文不肯弱遂致相持起釁識時務者爲俊傑調  
養氣質首在養序培風育才之化并藉臣某協督一方  
是又多人士所願奔走者也臣標下將卒多厲寧人每  
聞訛謠動凜顧室家道府得賢自足消其恐懼而一心  
勦虜矣

會弔忠烈陳公啓

國制首重養士尊隆篤摯而今日乘輿凡有胸者不忍  
以崩聞伊屬誰罪同社蹇不獲蚤遇知人快隨忠節同  
難貪無可散捐結客奔與義憤同仇接讀邸報知吾鄉

過宜言 卷四

六四明叢書

約園叢本

陳袁日先生以臺中死國從者時氏以下妾死主兩木  
磊磊一朋烈烈臣誠垂帛妾實可冠逝心如焚孤柱濁  
流瞑目猶視指髮漢章齧舌惟泣日呼穹芥軀獨愛梓  
祝節沒無愧墓中夫子生堪稱王國寧人敬檄同心於  
某月朔日辰刻齊集府學明倫堂設位瞻拜仍議公請  
選地特祀噫皇上十七年勞惕神瘁民艱億萬心拊育  
報享身禍去奸振落從善轉圜罪已敷詔有耳皆瑱亦  
能言奉天慟奮袂之忠慕道默思通籍頌聖肯誰爲天  
寶貞不舞之象惟公得死猶歸覺己已猶無公等捐軀

赴難入甲申幾見伊人有母不顧孝既仕朝祇樂刀膏  
有類不依違卽居鄉寧難旗誓天開領袖嶽降甫申肆  
敢懸檄俟標何如頌攀公舉請言血誠尸告不同佞諛  
生祠

啓王園長宗師

天藻偉人不律燄劉黎之火國綿麗運石倉長農口之  
孫是以敷腹對於伊舉應如鳳侶梧而天自與語況當  
轉腕舒於魏邠乃若春生雪而國悉揚芬故曳絃映桃  
花煙霞色宰相之器而垂紳抱桐葉麒麟圖文士之容

過官言 卷四

七四明叢書

約園刊本

園長王老公祖下帷思神穿牀亡集位周秦漢晉而第  
其價昂薄不冤呼賈陸董揚而引作朋否可俟寵立論  
燦九流之液搖筆禿四海之鋒博厚出自王風富豔全  
無霸氣雄則崩山立浪覆傾天地之心怪則飛電流霞  
驚眩星辰之日閒若停雲靜樹去去如來清若彩石文  
魚歷歷可數人云墳可四而籍可七遂知世應萬而葉  
應千豈僅賦欲同時徒致花恆植禁大抵理勝者文薄  
薄則介貞色濯傳謨典之首功惟夫文勝者理消消卽  
意巧言繁媿燕許之大手嗟當世紛澤而成黼藻乃以



風雅革浮侈悲今日繁鏤而爲象形是獨波瀾廣弘茂庚  
中丞不墜輕清之目盧黃門寧流重濁之風捧腹縱橫  
樓船汾水三都宜僞父之辱停毫顧盼羽獵長楊九辨  
誚騷咨之愚雖雀日相尋未敢與李杜齊名而得讀公  
文九圍猶如挾纜卽雞談滿席咸願與札僞交貺而必  
接公語千里渾似流丹所以闢地曹王拜禮樂於思孟  
佇看口天賈馬想經術於契夔六合殊材蔚興意匠八  
方奇傑標建文樞幸當屬鑰東隅得借練兵海上文星  
見於澤國紫氣聚於句章慈風孚解辯之夷詔英與鉦

蓮宜吉 卷四

八四明叢書

約園刊本

鼓相襲壯氣肅朝靈之瑞鯨鱷尾蛟蜃共馴曹欽方酣  
二豕葬蚩尤之骨安某奏局一方釋李昊之驚八極治  
如是枰十萬師賢一祗虎座之神威旣展螢窗之光氣  
聿新拈括而至巖廊偉業自昭史冊勳伐而有儒術旒  
辰不負車書某摹稿有得憂世方深重理舊言讚諭恐  
後登不枯之岸榮葉增繁處無價之場深流彌廣

鄔母某孺人五十壽文

始予爲諸生時與齊雲先生豕君某相嚮慕願居限一  
衣帶水未嘗登其堂記偶於交衢識其儀狀軒圓而奕

奕光起然亦時或見之旋聞仙去國中休杵呼臯以著  
爲佳公子臯及予問牀得持三董子愛弟緣知持三卽  
其快婿也因獲聞其外母某甚悉邈某孺人失天之年  
歷今十有六祀矣向固頌其孝淑也偶以艱厥子爲孺  
人慮忽而朝夕拊諸膝者清雅弘遠詞麗器妙使鄔宗  
復見此寶焉乃知孺人曾爲置側室且安其誕育而特  
珍之若所自出也某又清白裔未嘗饒賞也孺人矢中  
道志服浣衣至做匪勤辛切作苦以裕有負郭而佐嗣  
子讀於是爛其盈門俾持三慶尙罄旣沒無易古藤几

通書

卷四

九四明叢書

約園刊本

而爲聖小兒廣褥被以與氣類接故聲不墜東族而觀  
政應名象母不誠稱賢婦鶴哉予稽前志魏任城云當  
爲外氏成此宅王太尉奇其婿裴散騎謂君輩勿謂爾  
將受困寡人婿武子與衛玠明珠在側朗然照人張玄  
之顧敷爲司空中外州司空越席而提其耳今孺人五  
十稱艾持三率其子某其婿某乞言於予以佐觴而左  
清通右簡要以次獻椒於孺人前休哉曷不令其外舅  
某見之則孺人德彌劭矣予復謂持三予能言孺人甚  
肖試言持三所與偕觴者曰某亦惟祈不朽吾外母耳

豈敢供餘若致願固有之黃蛇之卵可銷疾翔雞之菱  
可生羽馬丹折蝦鬚爲杖路公食龍肝瓜去尺而不口  
瑕巨挂醪舉體如金薤膏一粒千歲所不憚竭餘力以  
津之也亦知西那汗國之聲風木七百歲未一損三千  
歲未一折乎其以是爲孺人柏浮忻國之蘭金泥而鏤  
其色變白有光如銀燭封函匣而鬼魅不敢干乎其以  
是爲孺人石世界有盡昆明水尙黑也相傳滄海不盡  
爲桑田口六廣洋萬古如怒乎其以是爲孺人竹孺人  
亦烏可朽亦何論子姓方隆貴甥接起今日者孺人持  
子輩之厄動念彼天意不能無愀然其速持吾之所以  
壽孺人者以往或亦爲予言而加爵矣

盟窪山祭關聖文

維神生厲臣弟沒爵帝王累錫非榮選言莫謚讀  
麟堅一三之節數欲挽於存心乘馬遇六二之屯剛敢  
婚其不守寸心永矢合天道地道人道以著尊兩願平  
持統儒宗道宗釋宗而成大義聲齊世赤衷萬年夏等  
憫人心之作巧歎古厚之莫敦風氣莫可以散懷賢聖  
由今而日遠告善胸甲規非耳瑱袖手敗乃公旁睨修

私隙誰則復生知不媿方且聚首與肯言同志惟悲友  
聲特戒是用瀝肝作誓剖腹不移以薑桂銷入山以楓  
琴萼用世以揮金暮夜握節霜晨甘司馬之四壁信吾  
朋以櫻鱗社里居捫蠶麗天日止成都之八百桑答千  
主而總以耿耿不寐謝皇矣上帝以然諾不欺出入不  
悖爲幽贊明神自今伊盟虔後莫替毋黨同伐異迹標  
榜而取譏毋我石彼戈竊貌交而傷類毋自怨而責人  
太難毋顧恩而求多無已毋形嫌而性昧使盟好不終  
毋尙容而長過使縱匪敗正達窮靡聞梟首咸遵飯依  
今日之帝君忠貞重及於曹奸復慕昔代之亭侯仰止  
莫弛於國豈有逾此盟神人互極

同盟祭張震吾文

維祖抱孫祝孫成立孫拊祖鬚求歡索食將啼笑以當  
鼓吹而言言朝夕況頂摩鳳雛手攜燕翼晚識阿翁實  
百孔節登堂茗戰欽翁齊稷翁性孤高藝苑培植謂孫  
幼衰身同棲息謂孫儉寒慎簡出入謂孫美秀妙選津  
梁謂孫強記博求友匹因父道尙嚴純用慈督快伊子  
有兒笑客時掬憶晚過從翁不扶藜揖晚升階道範整

肅神健氣王迎人朝爽表史裏經織孫錦腹晚賴函丈  
之佳朋覺形穠珠玉伊南極之明星猶服歷炳蔚分含  
飴以潤滋不僅餘光之竊鄰壁而遜登榮於重慶無非  
世綵之傳考室故天慘悽威相促迫尙未及龜臺竟不  
慙遺一老而無許須臾卽震斂魂魄孰分賢愚而天聽  
應卑慙不疼我勝友之向隅卽永絕大夫於夜臺或未  
必蒿里之闕無人而況寬假翁以日月何不可享厥孫  
之非家食食而相與祿養於于于吮髀孫吮棘曷不  
留翁而甘蜜子食瞻孫食蠶曷不留翁而齏芥子茹荼  
孫茹連曷不留翁而樂鮮雖子賢則孫令而孫以悅其  
父者悅其祖然子孝則孫順而父又以資於事父者而  
慈厥父之孫則曷不留翁而使書扇慘視手澤慘思一  
旦孫隨子以慟哭於中庭嗚呼晚與孔飾學則同盟痛  
則分體耳聆翁訓箴規中禮哲人忽殞典型誰起莫贖  
百身紫涕如雨

祭某文

桃源歇春柏房霰夜雪海淚崩錦山咄謝風黑天迷夫  
人莫贖遊寶瑤池登大悲閣齊休里白整輟筵歌或立

或慰各諺同愀慰夫人德允篤眷靈作配太翁東府蒐  
英公車蚤對臺端著聲借貳西江政聲赫赫敷肅萬夫  
寅曹辟易再理鹽筴握綱持紀墨吏風解狎商茅靡旋  
榮憲臬曰刃無全犴鮮孳纍圖饒母錢不爲飢餓權門  
杜跡論訛交扇尤能操飭拂袖扁舟杜門丸石頌曰有  
伉並老燕翼參伍近運貴恆絃易紡紉侶讚紫金菱折  
夫人布袞香諧姑一象服魚軒拾如歸券口則世恆非  
惰則倚夫人端肅不逸不倦韋布自如貴莫我變太翁  
矜廉夫人是甘太翁績奏夫人是將太翁解組夫人是

適宜言

卷四

十三四明叢書

約圖刊本

箴太翁林樂夫人是寧德傳譜誌龍綏鼎俎臧戴獲銘  
令終仙伍論夫人壽僅踰六秩芝階蘭砌天夭緝緝中  
原鳳麟高堂熊荻淵躍眉臨塔題指屈倏奪太翁含悲  
讀禮暫緩推輪奉慈藤儿夫人胡愬繼爾沈湮石煙電  
火焦山竭川德積何淑臺耄膏年慘及子嗣哀徹重泉  
卽忝馥誼抱痛呼天雖然林澤知盡滄波亦竭蘭萎霜  
零桂枯月缺焜煌封語偕老釋責羣龍疑角累錫恩輝  
夫人康哉萬福咸綏某也無些可招有頌是寢暫憩仙  
遊來嘗予臆

哭沈岳生文

嗟嗟岳生其呱異地麟耶其借博士魄耶其守臥者爽  
七日戒而遂迫作西山起耶豈若人言岳生不屑屑與  
世競豔利而永樂長吉遊耶夫岳生邁心道志篆腸籀  
胄玉體鐵肝泉仁山義出則使州牧之柏松咸悅甌脫  
之墳鹵俱毛處則令相勵之盟諾不寒地隔之流言莫  
信以領振同社之衣以氣鍊共人之骨以識砥瀾學之  
狂以袖拂交塗之土負郭無壤而甘菽以怡親色硯田  
將穫而蕭壁以弄家私羞囊不事資彥聚國族觴其父

通書

卷四

西四明叢書

粹園刊本

曰得此可兒投羊未足製衣走鄰媪樂其闕曰幸哉有  
子謂宜騰鳳輝凌鶴羽胡爲偶受知於歲校以魁多士  
而一不得志於卯闈棘席神疲廷趨身萎卽岳生之勁  
挺落磊謂四方上下之不可歸來而予且謂積情曩志  
覺父母朋徒之不可頓愬顏生彌子讚孔明後身胡信  
說金粟借現供奉才子瞻乃同仙史寂鄙者孩術家星  
士之言謂天定人莫勝曠者撫風下人卑之誕謂浙者  
南面樂陋者迂彭顏石范之盡謂祕器不宿怨達者誇  
映雪磨杵之志謂後必有恢演而予等獨悲夫節志

許與文章帶礪日月矢心久要莫棄今其已矣何處再  
得一岳生相視而肝忠氣義興言及此潄酒滴淚神必  
有知咸同嗷噓嗚呼尙享

祭某文

冰清暑燥瑀筭霜凝舌萬膾邑歷千鄉福泣翁伊昔介  
諾烝髦指揮石襟大小山臆米日出甲草帶淫書痛翁  
茲今時艱慘目蒼生囑起朝野望騰視木投錢入楚莫  
鼎捐身許國嘔血答闔睡側釐蔡臥庭淚柏天不殲益  
人莫贖翁敏武峴羊口碑壽石式歌州鶴心桂焚金異

邊書

卷四

十五四明續書

約圖刊本

邑茂桐載塗脩竹騷些號屋賦皋沛流矧抱忱私從同  
漚獨舅惟毀滅母慟未亡型身孰儀枯室無父視彼食  
寵誰鄰誰匪視彼乘危曷巡曷遠瞻言尸素壘恥增郊  
更觀肉謀地荒廣治翁著不朽郡誌旌功翁餘未懷嗣  
葦繼志喀喀泉暝煌煌土榮旅櫬歸來升魂降祉與薦  
頤簋滌陳潔危情深咨泐闡如歎息尙享

祭葛海門文

日者卮辰孤且少長登瞻頤齋肅懿視衿摹範譽鬯文  
誦師開淑揚剡屢不鳩端襟尙羊和凝講席齊稷啐鄉



慰孝寧順邦家藹祥更式型典能昆宗伯直忠著節袖  
風解組膺雪晝荻獲以譴歸公歡慶席繼膺寵召公囑  
報國存奠天鼎沒榮墓石公實終始襄哉廣勅介福百  
年躋耄頃刻老人不耀譴乃在歲哲士云殄勵天曷濟  
惟予小子長公兄弟願言身贖禮集□□恢演未竟崢  
嶸需選況有奇操差次令子曰貴曰富人然公唯公方  
不朽猶勞形悅惠于師儀慘言神壽拜繪焚孟如聞實  
解助我畏友躡踊血濺縹緲神來歆茲悃奠尙享

莫徐母張宜人文

通言 卷四

十六 四明叢書

約園刊本

始某輩登堂拜母也母稱未亡人矣恪共遺命暑統冰  
絲忍焚凍以益兩嗣讀我盟兄碩客時甫蓄髮錦心玉  
立篆胸軒舉長公韶齡俊雅兄軾弟轍慘遭長公不年  
母折左肘之祠泣天之戶泣子復撫深閨悲慟依倚聲  
手軋軋聲喉喀喀姑松媳柏影形晨夕而不禁碩兄人  
勸色養以爲母歡出美名高以彰母譽善事三嫂珍惜  
兄裔慰安逝魂不忍頻隕嫂涕以滋母感於是里中方  
正有道者借是唁母碩兄曠奇其抱芟腐撤朽天者格  
孝神者佑友挈悔內領蒸國典鬢凡具千古心及能文

有當世名願鄰之面之過而市合寓而旅聚出鬻卽與  
計偕而棲枝上林年同聘誼於是士大夫疏戚遠近深  
知耳熟者又無不慶母篤念女弟謝媪秦姬慎選妹壻  
峻岸柱砥眉彩膽照丹披腹奇表儀萬世呷唾朝芝於  
是不世俗榮親而賢聖奉親者又無不卓母苟歲非漿  
酒碩兄近陞輔展頌母胎儲專城樹棠功母識慮當日  
口碑沒焉鑄石祿養百年嗣徽宗祏有子一人駕彼男  
百祇懼未洽碩兄之永思何旦丁運變空城播遷颺狂  
龜蔽咀咬失權奪頂移踵殃母溘仙苦莫甦碩兄人子  
之滅性而寧不相繼而癡然况某等共辜合疚憤泣莫  
言爲歎子子媿恃便便獨憶碩兄孺慕稱孤青年通籍  
陟作殷逋倏丁哀泣父不卒養母因國奪誌諸年譜悲  
慘交集再憶某輩拜母訂交壽母揚蟬榮母章服奠母  
香炷匪今伊今改星換序目睨從同賦騷觸忌敢拔血  
淚以寄母乞摻入碩兄阮嘔之數斗而或則封翁再來  
或則長公復起以教陳帝京歷都之昔母亦或遊蓬島  
或在祇林呼鄒衍招一行問其立說作乎述乎誰僞誰  
貞以確余輩窮經攻史之不墜母熊母荻蒙分篤學母

機母杵蒙分堅志母几母扇蒙惠作儀母笄母繖蒙鼓  
敵佩倖得竊附碩兄不合時宜之腹而柰無可贖母於  
斯際薄言潤泣和淚陳辭煙雲縹緲魂無不之嗚呼尙  
享

哭許玉斧宗師文

龍燭慵銜蛇珠厭餌翠菱斂碧明莖熄鐙痛裂關楊皋  
浮楚屈歸來夫子降假徐孺帝育一天文衡兩浙赭繩  
束枉匠漠滌汗咆騰莫囊莞聳盡隴變日出甲吐舌澄  
湖何蝗不蝦易葱而蒞鯨輪光赤雷斧雲蒸虎班碎金

絕言 卷四

十六四明叢書

約園刊本

龍鬚撥錦叱歐芳札起嗜良篇通神玉壺笑電口口枕  
安無患拊歌如何山竭西藏氣逢庚害休杵奚里悲閣  
軾書手口握兵臂海駐節蹶張已豆躍治能並恩造幕  
烏口蠶蜜鄉躬預柴穀澤泳茨簷而況性奇冰操計部  
樂郊忌鼠春野賓鴻孕則拊車政成河羈戴星戴月堯  
柳舜梧天鑿天蒙魯梓尼檢非萊咸竹有邵皆棠五嶽  
同摧萬海一淚某等入穀知躍懷芹聿勤澤動木寸恩  
看草小攀髻灑雨附翼悲風筆舌辭膚鬯卮血熱無貳  
爾情降格宜謀尙享

七期哭龔鄰士

屈指鄰士之死蓋七日矣卽諺稱首七也富而知禮者每舉祭不知禮者則崇佛事其次亦備物作飯而已耳不依夏祇持兩行淚惟向靈牀而作孺子泣旣媿不能效古人服成又不得若世俗修舉一切鄰士當亦痛我空具此七尺軀也噫原擬開靈受弔而貧不能具巾帛以答姻友之貺賻且旌像俱力弗有辦特黏情稟於門以辭辱臨者文之美名雖曰藏頭其實露尾也謹錄於左夏罪過山積不知修省而天降之罰殞厥拙荆之命

適宜書卷四

九四明叢書  
初編刊本

用懲怙惡政當長跪專求老成賢達之警指庶得補惕以謝譴告特因老母愛媳殷深重痛初歿日挈艸女病兒哀涕殯宮夏懼傷慈闈心急謀厝地肅封題湊獨身冗遠未敢拜受弔哀尙擬擇日率齊功弟姪進姻友於靈几前俾夏得安受教誨則不口存逝惠澤甚渥也披淚陳情惟祈大君子允俞且銘且謝嗚呼其十有四日矣不獲一盡哭泣之禮哀哉今已二十有二日矣冥日甚多瞻思靡盡尙不得開靈受弔知予窮甚矣陳眉公云凡遇喪而窮者必省去繁文多行哭泣予慮以哭泣致

人謂我之窮也然而假成大笑又非所宜只默默終日  
飲孺子泣耳先一日始懸掛旌影而猶未敢表棗於門  
以迎姻友之弔慰也然爲七計則四矣噫何逝者之日  
若斯迅也豈生者息故久也噫延至二十有八日而柩  
不發聲屍載立舉其徒勞兮些無益與吾賢妻終決絕  
矣噫

葛仞上稿序

吾於堇邑得仞上氏焉迹其勁綺殆與燕衛比烈矣夫  
墓向以能文雄天下予獲遊其地所見如昌明博大風

遺書 卷四

三四明藏書

約圖刊本

雅興贈茲落欵寄精深惇練俱可指屈而不免以己之  
候與人之候未獲相迎因尙嗟櫪下耳仞上以少年道  
骨酣寐於駭編怪志中而定準畫典使氣不受潛心不  
他買脛不外聲相顛一旦籟發蘊展爲能舒徐縱斂快  
行意之所至以徵吾量之滿俾天下人睢玉之賈乘之  
瓌陵之亦混樵之恍乎日五色也而眼者欲眩采五施  
也而繪者取工而無不餒瞪虎冰沸鏤也乃獨向溪窈  
營寂無行爲之體與度取衷焉庶幾哉方諸古或惟祀  
孺子之籌帷而勿彊項折昵戚乎東山布衣某墅而僅

猾秦狎鷲惇乎亦或參政提風學士上壁而以平執拗者之信無他且併下詩學者之自謂不如平寧謂入股中僅吸呼轉變實虛含吐之是精必待異時事然後微品證哉江令子曾爲予盛推友仁一社錯舉林盧王葛爲昔今不再得因以出山事業期之未屑屑齒盛唐四才翰林四諫已也而元祐四賢豈當肩擬耶然予於委季試時若已射覆及焉每多令子之心折爲不誣令仞上復奪纛爲同社先世必將欽予之所言仞上者字字不可塗乙俾予將珍千金不擲矣夫仞上之腹誠邊也

馮真言

卷四

三四明敏書

新圖刊本

掌膝於正邪要害縮盈沿革矻扶治忽閒靡若南陽龍也惟未選乃便便而眠耳得起而相助爲理寧不赴仞上之所自評論盛朝遲午驗諸隨陸靡不武驗諸何參靡不文仞上所簡練爲揣摩者不僅稱雉矢贊也位置古文辭爲頌說稱一代大作手又寧不若予之爲仞上許然則董士誠雄前仞上者以茲大其蠶後仞上者以茲爲堅其統而耦俱仞上者又以茲爲己之候足而人之候亦相迎也

任社序

寢處蟲腹者不憚學墨十挺而看屋梁而著書思欲作  
雉贄得一當司士以同大君膳則任誠不啻鼎矣乃帝  
未必若鬼而齒兒目短口穿鼻鼻穿頰無能日苟雲陸  
一聞三都有賦思得酒甌以覆之誕且至昇海濟江焉  
坐失驢師而扶鳴臬於東徒不禁體弱者之滋惑何終  
鮮任人識耶夫夢社作注曷若蒙叢作吟蕭賁劉卿矜  
慎不傳而甜焉與雞談玄鳥傳語非好稱非是也其任  
固甚卓耳余輩把柔翰持油素四尺鉛摘異語迫欲知  
人國家事而狀若貨鬻未免遙擲戶外雖麈尾脫滿餐

做中亦徒勞淨衣之易意者日與外事相關而不獲落  
眉人張鬻血於案頭蓮以象籀其腸胃耶夫會市創於  
環橋寧煩伐汲而思誤有得幾至與鬼爭議則廣肌願  
疲也曲折盡意而平生樂事無踰此則課篇不必三焚  
也片石可語坐臥不忍去復思插身虞樂中平分支語  
七百許謝言萬餘之席而親與洛下諸名士敘致超玄  
爲裴僕射爲張茂先爲安豐夷甫則雅會真今日事也  
雖然人亦有言瘦已勝肥狂已勝癡亞惡襄袞上官彌  
誠無如下官口卽顛亦何容辨夫知是非有任之矣李

益稱盛名之下果有斯文繁組經緯得之於內必有漢  
武其主且急宰夫膳上林之擊而寧使滌器向當壚婦  
老哉顏之任社亦曰不可勝以待可勝也同志其謂我  
何

贈參軍說衡王先生遷居序

余讀史至僧虔年入立境何處復得下帷其乘時甚迅  
也及觀純犢各還丹寧無因而德位相繼者七葉豈休  
徵其祖耶何天之昌爾熾也然則人不可知天固易卜  
也余鄞治東說衡先生余弟翁王兆奇先生宗姪也影

遷居言卷四

三四明叢書  
續編刊本

亂頓挫咸謂當肩人家國事乃不若其皇大父大父起  
家弟子員而以邑丞著則豈金陵之貽教元澤哉兆奇  
先生爲余言仰川公四子說衡最幼諸郎各植其私而  
說衡歲舌耕佐父舖膳且壯年未婚不以傷厥考心惟  
積歟行勤苦吟以歡彊父於是仰川公慶有子卽族間  
亦無不爲仰川公得子說衡慶也未幾丁外艱家益壁  
立尙然糠粝髮自課至篤予同宗起部尙書郎心齋華  
先生獨見而憐之時以孝廉卜鄰焉服闋應邑宰沈公  
童子試覆拔前列卒又不售歸見其母治饗補弊衣遂



大號曰古人三十登壇戴若思何如人哉吾不早知窮  
達有命而徒苦逆母乎始娶櫟社李令勉力事姑而獨  
身仗劍之燕燕有氣力者薦爲執金吾掾說衡意不可走  
商華起部公公勉之就時駱大將軍未之奇也值神宗  
賓天京師訛言洵變潛伏奸犯御事將不測大將軍皇  
遽失措謀諸參軍事經歷何公亦無以應說衡進曰是  
不難凡從入者例有急檄取勳戚大臣及諸部寺  
爲牌鈴衛印尾預戒司門譏之鈴則令入撓者下於理  
仁自戢明日光宗卽位大小臣以次成禮而朝廷肅  
灑於是何公才爲大將軍不奇之及熹宗朝受知於代  
何公之令督撫甘肅劉云急劾凡大婚邊捷土木封祀  
莫不與焉因未假歸而日夜苦母以未嘗君羹爲念時  
起部華公率廣東三巧檄以行懇欲同載歸省公辭曰  
不可于誠孝于有婦能言事姑孀寧必身膝下爲且子  
奉親養者矣于少時緣夜遺金守至丙得失者還之  
失者且謝以爲伊父元日羞讖中唐姓者窘甚攜愛  
女易金于多與之錢其女囑令嫁良寧不可爲伊母在  
家壽吾試事竣當假歸告爾母言慕望狀于後歸未晚

也不自意起部公道殞而說衡亦遇恩畧邑丞行且受  
職矣以爲吾出外久吾母果臞腴否忍急腐嚇而絕裾  
也以故癸亥來家至壬申母逝其閒喪葬長兄併殯長  
兄夭折之子悉以身肩而親養餘年幾十載華公壽其  
母詩有懷橘負糧卑祿食之句盪洞說衡裏也今說衡  
五十矣得入京就職念故里澆不可以訓子計江北醇  
謹里暫就中表而居焉諸親友因繪圖稱祝乞言於子  
予夙知心齋華公之無溢美兆奇先生之不佞因序其  
詳如此夫張平子爲賦自慰歐陽永叔作高隱美劉渙

昔說衡年也說衡後之哉宋趙師民當仁宗朝年五十  
始登第歷太平節度判官御書寵行則樹績方茂耳况  
施牛犇鄰母與放龜江中說衡行之素矣不僅若孔愉  
趙狄至中年幸一遇也韓退之縣丞廳壁記憤其職噤  
不得盡用謂力勢反出簿尉下夫丞誠貳令於一邑亦  
孰不當問從此佐大吏毋與利毋長弊協和乃心以用  
吾幼學于公高大誠可拭目俟也

奉賀誥封淑人林母楊太夫人六秩壽序

駑合以裕其母而帶者膏爲附者滋焉故歷殷生商著

路史猶齒耳必葉周誕昌而麟乎鱗乎鱗乎廣關關韻爲國  
系鶴迺嗣微於家而飼雀臥鯉爲家姓鶴人脰或爽趾  
則顛矣讚屣美愬肩不寒歟四明唯林氏爲首望枝繁  
裔衍而風播□□特封翁玉翁林太老先生是式及某  
詣堇值封夫人誕辰同盟謀侑卮不律相屬而愈知我  
封翁且跨荀踰李也始封翁一娶舉巨公子三封翁固  
賢家長者久有聲譽序而受世狷白惟賜書外室不掛  
纖塵賴夫人辛苦佐讀未幾得長公霞舉耽異臧矢口  
令能文大人願周時雖耶面之榮耶鄰之而霞舉擇交  
最謹審故交不必博所與游皆當世知名士予嘗聞夫  
人樂翦髮剝草以匡益嗣子也凡問客通名必速之殷  
勤驅接而未嘗不躬到屏風後側耳聽時而謁長公而  
勁挺潔介性嚴正不移純粹易醇度渾厚不刻夫人色  
怡甚時而謁大行公殿颺先生人欽先生小韓子取高  
第最早閑己飭人不苟同時好適歸里服方闕紳而進  
者品品視其泉石矜而進者骨骨齒其遼穆胄而進者  
氣氣礪其赤丹夫人色怡甚其與次公穀男相周旋乎  
淹贍孤冷者武若接也則曰惟公質秀典雅莊愨者戶

可編也則曰惟公誼篤夫人色怡甚他日或拂然意似  
有不得諸賢嗣各長踞請所咎而夫人又怡甚蓋諸嗣  
眞率極衷各引分擔如而歸於式先軌報國恩提推後  
舉若渴文正已任天下令公再造社稷卽遇未卽遇而  
悉符合也殆夫人胎訓培其天而儲教鑄其人歟夫發  
封翁之祥不於身於之人大封翁之報願爲忠更願爲  
良夫人蓋以萬世相夫子而以自古在昔經選之事業  
期後胤夫人殆不凡矣奎山同盟而指予曰登堂而拜  
林母咄咄逼人敢云他耀歸而各侍其母淡焉茅褐亦

自可心在母在身許雖千金不奪今山臥非義矣重勦  
復則戀私親爲鄙念兇恥則勤旨甘亦未濫母不識大  
適以絕裾累子彼閭門母倚何如故林母當視辰惟顏  
解勉正告以出圖吾君急爲之母我慮則未必不手諸  
嗣冠危地日所不同仇戮力以獻馘執醜告歸省樂三  
日醮者有如此酒寧渠夫人得算實大繁衍眾不禱而  
夫人多福矣余曰信俾授簡焉於家婦鵠於國母鵠敢  
併誌同盟莊言補路史所未逮以爲後券時弘光乙酉  
歲之菊月也

勸振序

浩浩者敷疾威於下土而野草盡赤幾使牧無魚蓼民  
蠹鳩形不啻磬嗟瓶恥而猶若有恃無恐則賴道尊許  
從新之救讓難議振器府事林署縣事李曲體上意以  
恤民呼而後枵丁餒婦爰知旬食護居幾於色菜而塗  
尙無殍予輩念重維桑目慘半菽旣不獲效敬叔榜門  
得米二千八百石以代輸租亦不能如令狐屈指平諸  
倉米價若干以發富蓄使文學不愛釜以饋子然子敬  
指困拯貧坐視今疚徒令長有此土者犬羊不坐馳道

通言 卷四

天 四明叢書

約園刊本

不除慮無不軫隱而瘳體是痛爲眾父父者復及眾子  
子而曷不分痛以善處人父子乎敢爲吾里先無論紳  
衿義俠凡慷慨若子敬意雅若文學或展錫焦或  
推噉粥咸付壽昌寺使得爲糜食飢非敢曰作第一功  
德亦聊慕沿市買飯效濟變之吉宰以釋蠹姑爲私之  
鳴也謹因寺僧大慈執募簿來而義之特爲弁其言於  
首

雀書序

只拓落侍郎到得腐司馬而世或淺之謂字特千鎚耳

夫深而蕪何淺而淨舉案蓮以益苦思禿眉入覲不啻  
自課三焚的於濯則色介則嚴懼則醇參軍疏其壅關  
關其莠蕪尙已然予思句意神骨處處著鍊莫若西漢  
賈太傅而賈文從儀禮來如子長述虞夏以來必言孔  
子洵非崇經不足重矣嗜古者未能高據上游樂於趙  
之便易而名亦易獵率一時輕巧佻儻之資以赴遂薄  
視臨川子固謬稱僂耳飽腐朽而不自知其手之穢蔡  
則奈何不頡覆太玄耶予與貞一每言及此未嘗不痛  
文章視世爲高下一語併訝經生藐不可以古文辭詞

適宜言 卷四

手 五 西 朝 叢 書  
新 國 刊 本

者貞一甫週卽解書易稍長乃旁通諸經史當就舍之  
年而汲冢爾雅碑官野乘已無不精取篤以練材穆氣  
走筆都城謨典千古唯石鼓嶧山刻或幾焉遷雄遜莫  
及也而獨嘖嘖向予多擅白氏骨識道上心手險奇不  
數次山子厚予雅知擅白燥髮耽異尤酷戀藏焚兩集  
其性植固靈迴矣元美序宗子相公相合而不相下氣  
有所不相入而相爲用予因識豪傑於辭者其傳原以  
類當今質肫樸而聲戛擊溟溟乎太古自然輝煌若周  
公制度後世莫及者眞時雍主聖洋洋盛朝典也貞一

足稱矣捕龍蛇搏虎豹急與之角而力不敢暇其驚起  
爲背水冷澆空靈爲玉碾玲瓏變幻爲看成峯嶺天下  
不免始怪中排而後翕然定真吾擅白氏也今喜與白  
一韻頗矣擅白才大如海如彼向日自無不博矧更良  
經入化耶至闕神通以合變眾色俱演若上處者覆寅  
合所有而幻結清虛不煩烘墨光怪閃鑠爲從昔從今  
第一乘則現身海岸師是已海岸師善鑄人不拘一格  
要在毋芝菌白媚毋涪醴味諂而尤不忍蠻素天下動  
效迎嫗言以誌售擅白窺見獨深故每動色戒予白一

又爲予言輕詛人者其文必惡西漢體裁極備史才更  
著後惟清節孟嘉傳稱引俱見妍媸退之傳宗元與順  
宗日錄雖知契不妄私獲吾輩斟酌六經不待面形而  
膚當以萬世換人一朝豈但馳三十里閒形容未敗哉  
孫可之云文章如面又云說要害宜一二百言者數十  
字輒盡情狀及意窮事際反若有千百言在筆下夫簡  
練於學捐棄故伎至於不贅不鄙則峻潔截止腐司馬  
效法矣何必拓落侍郎然後沈博絕麗參軍豈欺我哉  
此又白一藥石之論予以著於衷而擅白謂白一賈太

傳不是過夫有奇文乃有奇識擅白識箇一也

二沈子合稿序

南北不相及一旦稱知己而事之而淑之而勲業期之則表著不在立言乎乃循周迄漢以稽今代有所尙卽代傳不朽錯舉顧陸眉蘇啓之繼禹也鄭馬濂洛孟之宗孔也而以遇論使孔子生今應從制科起四皓雖高亦出留侯門下矣沈端憲公得徽國正傳而庭趨相接奕葉以古文詞起故相業稱文恭高節稱嘉則而方伯學憲如三嘏五劉悉萃一門不啻宣帝所讚珠弟玉昆

通言

卷四

三四明徵書

約圖刊本

也今上特重顯申夫子居翰苑矣非以其儀身軌物儀世典謨也哉然而文成字落海內不吝千金易之又再睹當年課藝慮無不頌祝而願出門下是驚天下人而編其戶以相絃也某幸早膺末座之齒併得憲教諸難勗明憲孺兩叔氏文使快意而讀之激盪者噴薄者天朗氣清者崩風屑雨者髮其心而石出膚合鐵其骨而鑿蜀代山者捕龍蛇搏虎豹與之角而力不敢暇者而流風迴雪落花依草者意激而言不質思澹而辭不迂天拔出於自然骨氣奇高詞彩華茂者各樹幟於八柱



中使世不敢奪其纛而舞直壓倒新書新語非特奴隸  
卿雲衛官屈宋也夫世之爲靡靡也其病在趨時然趨  
時亦何病當今崇重經傳揮斥道釋禁不許申商管晏  
混詮孔孟而一惟疏註之是式他如義易之不以焦京  
盭也書詩之不以內外傳賊也尊一統而大居正可再  
見成周宇宙特庾任資則薄枯學則復摹古則迂特悟  
則譎以致氣習壞而風虞不競於此有懼心焉用單心  
於讀古經翼諸選而示之律以挽頽耳兩先生文鬻革  
難清之弊甚盡是以文懸國門國以式里里以式家使

長安紙貴而暫爾抱膝者特需時而起耳行與吾師接  
武而作聖朝柱石舍兩先生其誰且聞兩先生翩翩英  
俊坐擁書城其王大父方伯公自賜書而外蕭然四壁  
而王父承焉以傳聞有道著兩先生復身爲太史公介  
弟足不出戶外性復好施凡里中能文而貧者力爲周  
急稟性孝友爲通都最則其器不可多得矣夫當事者  
孰不欲其弟之爲文忠而亦欲受文忠之目於其弟罔  
役至矣乘運奮飛則知兩先生不僅如夫子之知子某  
樂而淑之事之以勲業期之是從其文其學其品可一

一卜之不爽也敬弁其言於前而風之十五國以爲他日券

某集序

夫慈以鑄心則口憾忽怡於想霧情能閔目斯聖憂頓釋於言膏是以卿雲晨露之詞雖麗開目曜而表光猶夜梅裝柏酒之韻卽籟發山于而隅泣不春故惟邱壑夔龍曲曲輪鞅國典而視几庭禽伎絲絲締結民綸此非清濁制深世紛體解因與圖揆興利造物施伴者其孰能橫襟而披日中之照捫蝨以澤萬世之枯如斯乎某

遊言卷四

三四明徵書  
約圖刊本

公某鄞邑人也四七之宿胎凡昂角吐堯於堇野十五之風納國機杼成織于沈心德則廣淵學非章句敷音溫雅平人短併失己長飲世恬醇冰利衿且推義抱純孝立巖於貴胄煥寒不簡至三敦雍留構於厥疆花萼安非起十破產而他人父怛若不代之字拂榻而迎孺子賓獨願爲之童人思起安石以爲蒼生國望重路公而弭邊隙乃嗣龍驤首庸廣師臣因雛鳳捧恩勳移布素笙合綵峯之舄錦開蜀水之機螢飛下帷之書鶴籠小山之桂莫不懷邦養道厚志薄身安土貞心流波砥

石夫何梁崩洛竭星隕櫪驚不孤帝釋和羹頓塵天王  
輟食長公奔訃歸處披麻駐節骸竹停杵聲悲歌蹈於  
是撫柩欲絕懼傷慈母之顏出與介弟揮淚飲泣曰音  
容不再子澤何存首得其篋中存稿如義田記再見希  
文放生文帝蹤居易五歌弘釋老之旨六議作于徐之  
師再搜點額之珠□□□□統刻行世以不朽先生  
而囑子某爲之序夫恕已而行換子而撫卑乞我庾護  
雀鼠赫燄人珍視雨風則公之襟量也坐重五十而不  
藍忤于璠眉化百千而忽黍遊于海毋容蛙紫鷓潤闕  
濂獨辨粹辭正名荀孟目聰不蔽其垆體弱獨起其文  
則公之學術也勛丹霄之價魚鰲雞睨纂青冥之燭  
禽馴鳥視呼就掌食寧驚遠而息牙點折壁珠豈狎騎  
而墮髻則公之忘機也搖墨而硯作魚龍之衽發言而  
管諧律呂之鏗思報太平冠冕英俊則公之文章也家  
有賜書居無完屋肇喪而口八百之桑著訓而陳三十  
之腋風遠流高物疏道親則公之家乘也某幸見知寧  
辭縷述緝其種類昭山中宰相之才概其生平峻雲路  
羽儀之色使後之聞紹武而思慕者讀書知要撫康熙

而悼恩者尙論不誣云爾

范眉翰先生傳

先生諱天翼字眉翰甬上堇邑人也本定海人鄭姓母朱氏甫合眉翰而失所天更適陳某先是陳某亦從其母長於范因冒范姓眉翰遂哺焉故亦稱范天翼居甬許爲堇邑人未蓄髮腹臍斬善讀先秦西漢及歷代史過口輒棄去非當今真實知名士氣骨的駕古人而爲能文有血性之巨公大人熱目竭者決不與面或果然強項方行卓犖乎磊落不羣甘困厄以賸時閒亦

遺言卷四

三四四明叢書

約園刊本

過從之以故學愈峻潔品便招忌尤痛損軀美及夜行籬噪而竊時聲之輩而世得望瞻眉翰顏色又不啻醇醪既焉故一時畏之慕之喜出眉翰座右以爲眉翰御眉翰初名飛鵬字仲鷗與袁季穆宗文髫年時俱深沈寡嗜刻苦務節覽受有唐員李之目而一紙成舉國辟易走季穆自以爲不及仲鷗也癖好春秋有創解不守師說人亦莫知眉翰所自而時以己意登麟壇發難識與不識咸拊腹大快海內互相駕說卽素號子慎亦遜心焉而競不欲顯言眉翰以掩身譽是以著作可伴天

壤而名不踰甬蛟川有氣力者嘗言之邑令公偶一受  
知而卒亦不售日事聊落聚同志商訂古今集數十里  
爾夫廝養使與知忠義事而同居諸范乃自務服美斬  
眉翰出入戶眉翰因忿忿多避之高家長嘯閣靜坐側  
首憑几不語夫以百歲高翁寄傲處也綠以山接山  
有池而閣獨翼其北若亭然朝夕坐周穆公汝昌百歲  
翁令孫高鶴直斗標及鯨大樞金宸天樞亦文雄惜齋  
志天江間穆公負俠骨重然諾胸街天地與眉翰深相  
契而中老成每喜眉翰爲穆公所友併喜穆公之友眉  
翰則兩人欲不朽矣崇禎己巳歲江右海岸師以迎葉  
再世孟侯甬上因阿難天翼與周汝昌宋高及徐嘉麟  
張浴日某某齒眉翰益自奮一日爭雄飛觥慷慨談忠  
孝節義娓娓張目不倦持觴勸王生隆勳等曰人生肝  
膽有數毋輕之俾中道浩歎也悲夫今人間里嬉戲相  
徵逐出入動肝膽矢誓若嬰離文季吾優爲之而毛髮  
有涉理勢必可爲者力思避諉毋敢面焉況功名高已  
分利多自與不念擠陷阱哉卽一二十古自期亦喜待  
下石而一引手救以爲己功卒未嘗恤其身心時位或

好惡弗與諧合萬或一乖隱願而醉舞諧笑公歎私評  
靡所不忍反眼矣此今日聖賢間眉翰不湧汗乎王家  
勤貞一讀掣糾社藝爲夏言眉翰溫克可親照見肝膽  
貞一智若郭嘉齊物甚奇每每獨出心限賞罰斷不能  
易而推許眉翰眉翰憾不從事焉異日中土蠻貊不吝  
鎰金易貞一字必得貞一所言眉翰以思眉翰肝膽  
有數之語眉翰當與上處同墜雖落寞一時實人薰灼  
一世次壽夭天也遇不遇時也功業文章惟吾所樹假  
使眉翰不自持品而好與俗醜訢洽尙覺小人願欲難

通直官 卷四

三十四明徽譜  
約園

彌況大君子正視卽眉翰處地不奇不比孤孽特甚數  
盡沒沒亦朝露挂草耳安得國人願然曰幸哉范氏有  
子而鄭叛族謀之而陳聚族謀之若眉翰惟不遠其年  
眉翰遠其年居鄭鄭重居陳陳重居范范重慮不獲人  
有眉翰而惟恐一不當以失眉翰歡徒令二十八載奄  
忽春秋甬上咸誦范天翼以陰利萬而萬未之福也孰  
知異時事披眉翰肝膽隆崇其品格煥然光氣大顯必  
有恨不及見以爲生辰恨以爲眉翰悲以爲念日之甬  
澣惜則視彼壽而遇與孤孽之始不遇而終遇孰垂孰

朽遇不極品不著天固不足慟眉翰也眉翰既死見嫉者益譏議之范族之悍指眉翰先世以虐侮忿及旁視眉翰雖知爲鄭出然時尚未遇卽其母未不忍告以父葬處益不勝侮雙眉直起時突露氣滾滾上出引刀大呼自截其髮傷左手鮮血迸地自是奴視流輩雖股忘睡下一字非壓折眾心不輕筆歌詩慕長吉然決無泣訴聲神用成疲范氏之鯁直而孤子頻慘痛焉究亦無可奈何嗣母朱氏一旦以無疾終眉翰失舍殮地志大挫滅性失聲怒目而逝時崇禎五年仲春四日矣貧不

遊宦齋 卷四

三 天四明叢書

初閣刊本

能殮殮皆出周穆公汝昌先一日眉翰自定死期簡生平著作及箱帙手錄盡付穆公眉翰又不特鄭去居已矣夏定海人也識眉翰最後居墓與禹服交禹服盡悉其詳因四明大社獲親眉翰屢聞見規譏論其座過車之痛爲其有極謹採攷迹意綜緝終始懼久而乖謬至拱木已積使後之思眉翰者不無傅會以重傷眉翰之心且聞眉翰室人紀氏閒靜異穆痛夫子甦而復絕者三所生禎官方五歲穎異絕倫又得死者復生生者不悖之穆公爲友君子欲以知眉翰之善後也時大明崇

禎壬申歲二月上戊日

與聞年玉書

窮苦不肖之人天降之罰實亦自作自受承尊諭懇懇直是念及螻蟻矣扁舟往來三吳勝概日豁胸襟賢友知心聚談晨夕翻古論今走筆懸河直大福利也舊年所懇亦是一時無聊幸勿在懷譬如如期到手惠我今日卽五穀輪迴之所亦無從覓矣弟久久忘此盟諾何曠連胸次反猶挂抱也愈重弟罪矣妻母高年不耐憐女三旬九食時數致愁乞勸慰爲囑楊大介倩君久無

過書

卷四

三五四明叢書

約園刊本

音信近況如何令岳大人萬福

與陸康侯書

冬末之廿九日爲家慈陡病半夜延醫弟魂不附體直至今初五日纔有起色急切於十二日修齋禳祝那當措置百苦交心所以林友來書無頭無緒想老舅定已知之悉矣館在江井巷勝於空過日子看家慈一則以懼之年出路不成益發淡薄奈何批事求路公批摺到府不若懇囑陸糧道批銀已解司批迴既失該府不便補印仰官吏存案此照數字寫壽君一張鈔呈託路公



囑批行府此最上一乘也批摺似爲不必惟老舅裁酌  
聞年事廿一二宵虹出來當有的報也草佈不書

### 與陸康侯書

某歸知宅上一路福星恭喜賀喜岳母因憶令郎染鬱  
伏牀各藥鮮效目今服家弟之方稍有起色尙未脫然  
可行坐耳家下爲人逼移初意欲借大舅一眉粗卜數  
椽苟安所以一家分寄只曇兒出家一節令妹不肯今  
亦帶至宅上前某歸知老舅尙在可否則家產未可輕  
搬單留弟一人宿家躬爨以不能善煮學范文正公割

墨香齋卷四

四十四明叢書

初編刊本

粥故事苟且度日徐美緣其叔死前往承繼陡得田產  
可四百金不能再來作僕是以弟獨自管家誠恐盜賊  
正多萬有疏虞絲毫皆老舅所惠之脂膏也何忍輕棄  
意欲接令妹暫歸柰宅上今日似不可少此一人況岳  
母又在牀褥弟安能使老舅母卽歸仍返令妹寒舍也  
語云富貴不離故鄉又云錦衣歸故里老舅高明自然  
念及只可憐弟若喪家之狗柰何柰何弟自正月閒以  
令妹之病過苦過勞二月又爲舍姪考試東奔西走費  
盡心計目下上病胃腕下病濁淋一字不可入目昨廿

八日應本府考試倩友幫扶自己竟不能成篇不知與  
選不與選儻僥倖得一名又調往紹興在三月半會齊  
此身此心豈能奪得大物憂苦亦自知耳寧波米甚貴  
而喜有雨只苦太多府考童生歷死十餘人弟因病不  
能挨擠隨勢跌倒失去木屐紅鞋苦可知矣陳處舊年  
賃價尙少一兩向以借老舅之說權詞應之今逼迫甚  
緊且身到湖州水次萬一相晤乞挪與之弟蒙惠其四  
金豈敢得靡望蜀然事出無奈時舊破格相亮故敢爾  
爾考卷無一篇在家容印來四舅誕辰初擬寄詩扇一  
過省問候亦未可知也

與陸康侯書

大舅不知何日歸省一番虛驚卽時超散眞岳父母闔  
門洪福也弟在紹興時爲四舅令愛完姑卜一眞婿不  
虞其竟爲入學首名此雖完姑自己命運亦二位老舅  
天作之好也坦郎姓聞名琪字年玉其尊翁諱絃字恭  
武坦郎溫柔樸讓恂恂君子與完姑女貌郎才天生一

對與四舅真翁壻也弟初意欲請大舅之命而爲之  
柰令妹再三作主催速遂奉岳母許可纔敢斗膽做媒  
者乃做盟弟名聞璋者又與坦君同祖兄弟也弟再三  
議定四舅不責聘親翁同令坦不敢望裝資實素風一  
團意氣相與處所以十六日過約而襴衫等項仲秋二  
位老舅色色美且送去矣所少者黃羅道袍一件及紗  
鞋襪耳弟已訂四舅補來雖然多費是亦歡喜破財又  
兼成全婚姻大事亮不罪弟輕舉妄動也首名入場七  
月閒弟陪坦君拜見岳翁伯翁翩翩廿一歲之美少年

遊宴書

卷四

三十四明徽書

梅園刊木

萬口稱賢不知四舅如何作東使弟大嚼也令妹自稱  
大媒又到宅思量白得媒錢柰何柰何餘不盡便遶  
與友人書

以端木而居奇殆先爲楚國陶朱而後爲霸越少伯也  
且呂氏春秋一部真陽翟不朽事業社翁返棹時淫淫  
書帶草弟早滌肺候讀矣弟守困到今豈尙幸逢年而  
荒陋狠鄙又不能窮愁著書以自見耿耿不寐草木齊  
腐亦惟社兄以法收拾俾弗終糞壤也初擬送某入壤  
適當內兄行日則弟抱難處之懷兼有一難合人在寓

又無顏其朝夕而某方揚鞭看花更不可以弟沒時運  
者在傍因此遲遲解維耳當同吾兄看新貴榜也舊謂  
山中一百五韻政避難時居鄉所撰者夙擬請教實不  
敢大匠前弄斧鑿幾番欲出而中止今弟到省中賀某  
戰勝後卽過茗禾上金陵謀作富貴家傭奴而手無可  
藉特先附訂削此時刊工應閱甚況正謀硃卷稿是  
某撚指下無敢不恪恭愼勤者敢煩社兄爲弟商與  
問刊家擇善書者用橫九行直下二十六字精寫照原  
圈評賤名卽刻題下著底應空二字不令齊地刊板數  
字或四塊或三塊單面刻弗用筐格中縫蓋欲分卽則  
可成本而合卽則可成幅目下當用成幅送人而所刻  
之背俟續補然後訂本其字眼圈評統祈爲弟攷訂使  
無差謬至於工價宜先付者煩轉達某挪放些更妙儻  
其不便乞轉肩之岳老統容弟補償其價多不過五錢  
焉知不可作令兄鹿鳴宴中討喜之惠則弟仍無容出  
自己也餘不盡悉

與白下孫如驥書

三江息烽自蛟海至燕磯者軋鴉如織弟獨不能問竊

船伸忱記室去冬曾藉手斲研友王天棐兄通數行恭  
候而天棐兄又自武林返棹轉託便羽未識果不致浮  
沈否也眷仲偶乘便過訪閱兄達生癸未之秋與台翁  
周旋日下時盟臺方坐禮廬高居非舊弟一一抱慙弗  
遑慶弔然如面侍左右矣讀兄課試兩刻多出大手  
筆典雅穆豔靈爽層接有才如此而不卽聯躍併使人  
謀否臧則知天誠有大任兄翁矣捷秋拾唾特後胥  
許兩貴人一比耳舍親王直一以拔貢赴京偉人奇彥  
當使牛首雞鳴生色胸羅天地襟織古今而坦衷惠容

過直隸 卷四

聖西四明叢書  
符國刊本

遊其門者不啻飲醇自醉且使瓦礫盡爲珠玉海內咸  
奔走願稱弟子恨晚兄翁慧目見之自縷縷識弟言非  
誣目下乞爲之謀一寓所悅其卽次至過廷試遇能文  
弘誼如午社盛雅者不妨留之翻閱異祕以其秋闈是  
亦兄翁爲有心上進人造福也否則直一必東歸就試  
本省矣虛觀紫氣出關想我輩決不媿讓令尹喜也新  
刻已有幾種乞賜教以藥狂瞽仍望綸音慰弟枯目空  
槭之忱無任戰慄之至

陟明文歸與選姓氏

宋

濂

字景濂坐孫慎累安置茂州卒於夔

劉

基

字伯溫佐命功

王

字子充使雲南不屈死節

葉

伯巨

字君升平遙教諭上書分封求治用刑下獄死

練

子寧

字口口靖難死節

方

孝孺

字希直一字希古靖難死節

解

縉

字大紳征交趾寵漢王出爲廣西參議後中讒逮死獄

于

謙

字廷益土木之變擁立景陵力止南遷敗北虜迎還太上下獄死

劉

球

字求樂正統八年應詔陳事作王振矯詔逮公害於獄

孫

燧

字德成宸濠反死節

羅

倫

字彝正劾甯陽奪情謫提舉

李

夢陽

字獻吉疏論壽寧下詔獄

胡

世寧

字永清泉江西時劾寧王下獄

過書

卷四

四

四明叢書

諱

成

楊

慎

字川修諫大禮兩被廷杖謫戍

雲

南承

王

守仁

字伯安劾劉瑾廷杖謫龍場驛

昌

衛

舒

芬

字國常諫阻南巡廷杖謫提舉

南

贛

康

海

字德涵脫李夢陽於甌爲忌者

哀

濠

夏

言

字公謹禮垣議郊祀稱旨凡四

爭

大

張

敬

字茂恭初名璵字大禮稱旨凡

再

廷

沈

煉

字純甫縣令遷錦衣衛經歷疏

所

中

相

四

拜相主復河套被譏死西市

相

四

督

臣

楊順殺之併二子劾嚴嵩廷杖謫塞外復忤

高

棋

字肅

張

居

正

號太岳

楊繼盛 字仲芳 諫開馬市 逮獄 訊

余寅 字僧果

王世貞 字元美

高攀龍 號景逸 死瑤禍

李攀龍 字子驥

韓爌 號象雲

楊博

曹學佺 字能始

徐潤 字文長

楊璉 號大洪 死瑤禍

桑悅 字民擇

鍾惺 字伯敬

趙用賢 字廷于 劾張江陵 奪情廷杖為

民

文翔鳳 字天瑞

繆昌期 號西谿 死瑤禍

周宗建 字季侯 死瑤禍

適宜書 卷四

吳國明 敬書 粉園刊本

李應昇 字仲達 死瑤禍

魏大中 字孔時 死瑤禍

朱大典 號未孩 丙戌抱聖 牌全家自焚 死節

文震孟 字文起 以言事忤 瑤削籍

陳仁錫 字明卿

倪元璐 字玉汝 甲申死 節

黃道周 字幼玄 閩中起義 死節

魏學伊 字子敬 死孝

楊廷樞 字維斗

陳子龍 字臥子 起義 全家死 節

左懋第 字仲及 留都遣 主和 議不屈 死

黜明文歸與選姓氏

李東陽 茶陵人

盧柟 直隸人

王思任

山陰人

陶宗道

會稽人

姚希孟

吳縣人

鄭鄂

武進人

許士柔

常熟人

李雯

過宜言 卷四

罕七四明叢書  
約函刊本

過宜言卷四



過宣言卷五

明鄭華 夏吉甫 著

明鄭 楊晦遵大介較集

正義

百爲身謀疆父可他人姓矣况父眾父古人無已而背墳墓棄親戚夢寐猶思遇也匍匐被纓於喪關更見情性或不甘詠棠棣禦侮乃向啄室食子之鴟鴞而問綢繆以予已伯有曷克包羞而厲噫父誠毒矣子實禍之意非圖當時榮歟身後名歟則皆重謀身者也重謀身

過宣言 卷五

一四明叢書  
約園刊本

必左右睨左右睨惟馬牛風而鼠雀豕已國賊是操非權也讀書知大義操賊必討濟則君之靈也漢廷二三子齒各耆艾練事智長豈應置君如弈棋乃不務匪躬協伸大義而承偽進書崇竦稱莽且操已喪關中地志挫身折逆丕篡位怨怒彰熾堂堂帝胄承統朔以討賊煥若日星二三子滅絕旦心已耳復逞詭靡說進滔天辭欲誣毀唐帝諷解禹稷何甚不利爲漢家臣而顛倒中乖耶當日柴桑之役火井未噓舍權固無可與爲援也設是時操馘矣獨權軀耳荊州臣恪守治命惟謹公

子琦無恙昭烈負辰得無慮恐既生瑜亦灰死赤壁不然矣惟荊州臣忌昭烈之士荆而迫蹙賊操以厥主子琮首阨窮之俾纍纍如喪家狗僅信倔而收辱蜀傳統二世漢脈不絕如綫亦幸耳令荊州臣弗甘心昭烈昭烈獲從荊州起昭烈從荊州起社稷人民權與瑜安敢反脅而視卽不願犄角共圖關中討凶逆祇坐大江東北賊亦未必得計矣且景升撫有荆土值四方多事不宏遠謨袖手高枕雖昭烈地無尺闊寤寐不忘賊操重念景升同沛祖枝無逼而圖之之忍假令壽景升而觀

不逆草草正位號若淮陽更始時吾知昭烈惟協輔悶蹙一意討不以馘告莫恐後矣則孤窮志義數腹四方甚卓也荊州臣當日嫉昭烈無他讒祇以得民心與有海內英雄名耳終逞拗而餌君父賊曷屑汙刃迎斬荆臣舌哉益州臣先謀迎操操不受因迎昭烈屏藩益以無俾成壞柰何益州臣播弄忠智疑阻聲囂反授昭烈以隙念國賊爲重者固然耶漢廷二三子非篤荊州寵則膺益州眷者也操父子足薰炙其險殘奸僞未嘗不聰充耳也聚族而逆期全軀保妻子或賜爵通侯與

還付鄉里品名位無失州郡及下曹從事耳必剝削高  
帝出腹系於奄奄氣息之候高帝何罪漢胄亦何罪猜  
猜然從昭烈非忠背昭烈爲忠遵昭烈非義殞昭烈則  
義罔恤恥仇罔傷脣輔罔審重緩被焚矣佐之薪膏刃  
矣授之鈇荆盡益盡漢盡而誓不碩果以予意所未悅  
安之種卽世有武侯正議懼墜先帝討賊志慎持重器  
盡節捐軀討罪之檄方布仇國之論已著逞辨恤私以  
覆殞累葉之七鬯而不一歎息云

與王樞曹書

過宣言 卷五

三四明叢書

約園刊本

奴罪貫盈天亦悔禍義旗雲聚老盟臺領袖各鎮夏等  
可勝橫戈之奮敵府布置已定越舉隨舉定越之日萬  
祈麾下急指一旅到寧協倡恢勦毋使虜蹄漏返幸甚  
儻蒙允諾乞示舍宿地以便壺漿也臨風布悃曷旣神  
往

與王樞曹書

昨揚口自躋老處問津來謁附有公札想達記室矣承  
楊瑤老傳盛意許於定越之後急發一旅助成寧舉甚  
濟水火但定越之後急切得到寧府尤爲渴仰萬一稍

愆時日敝府發不待時矣乞提師合慈旅直擣定海敝地亦從東直下與抵關師合攻亦要著也懇著示以便知會囑囑來提塘官陳姓幸指示其與姚江塘報其寓使得通慈水魚溪至慈城達定地更初其事之雅相晤不遇未盡一二

弘演納肝

衛懿位祿鶴而左右乘軒其肝舛甚翟食公肉不盡肝意畱有主肝而令非寵如公者律耶如此則其臣實難耳臣何論貴賤大小戚遠惟凡百知君爲極苦耳君有

過言

卷五

四四明叢書

續編刊本

失德匡弼是資君質不樂聞譴夫亦臣毒之使然黠者窺國事之非肥遁市哲欺襲察幾至譎快其言之不幸中而熟視面顏無愀色祖宗奕葉之生育寧無一日之澤於下而旣不同積愛憐反若有累世之怨焉何置肥瘠不相關乎夫言知幾言明哲於長安浮蔽百里日蹙女謁寺宦奸相倚則有託而逃誠卓卓也姓更矣社屋矣吾君實慘而臣子袖手惜軀稍知倫義者慮應不若此弘演生懿公時不岌岌殆乎有所於使奉君命也非計急全身而駕彼駱也就世俗言之聞國被兵道此一

介飾說歸節而享有鄉土樂使後日惜身不君側耳公  
受凶折當臣去國時可無從死而養隆望以俟譽自是  
人生一快卽不言無道而隱亦不言願久設此坐以待  
君將令德亦自無已演乃慷慨歸衛告終事畢命於肝  
無同仇悲思無雪恥憤思雖震矜之齊庭亦無容往依  
牆哭君死死耳寸肝渥赭特莫問潔土以瘞未瞑靈而  
毀終露處死猶徒耳曷克滌辱君垢耶計惟請爲禭葬  
君肝臣腹而先出己肝肝主肝遂用自殺報庶幾不辱  
也不幾潔貞斬蔓哉設是時衛或繁枝可從成旅起宜

輔之以造邦而還康叔之命祀演不顧也以爲善奉主  
肝固臣事也彼盈庭君子旣已君禍罔痛矣併若君之  
枝胄不足與圖而藐我而輔君枝胄之人又甚鄙山頭  
望廷尉隱情節已焚溺之拯視爲無益祇謀利祿耳而  
蒙譏一輩又果智已聖己以己不能者賊主而又謂人  
之不能必若己以賊人吾知弘演死而猶視已至又有  
不獲同君死社稷反撫前事短長聖明謬錯評詆君過  
日彰臣賢□□甚者誦生成之大德於讎不憚貶尊隆  
之號於我演能不嗔呼天乎夫布衣親戚有急必能奔

赴豈其主蒙塵而傲焉高枕介士當密友之逝血淚藐  
諸且噢咻焉卵翼焉期他日成立終先人畝至丹至構  
以幸已可無密友地下媿豈周道親親相及一君亡復  
立一君彼土毀此土可堅緒猶足延臣志不絕嚙猶足  
灌臣心不寒典型恃賴也德澤踵頂也演卽百歲炳炳  
乎正告四方者亦惟恪股肱以衛心腹耳衛存而演適  
他國衛亡而演獨身殉乘軒三百竟無一敢收葬君肝  
者亦何知演腹中柏竹互峙赤血淵源鬱蔥乎衛城佳  
山水也懿公爲不朽矣懿公樂不正其終似有臣如演  
故演樂不自永天年以君實有肝故然則演得傳至今  
公議在人乎敬慕在狄乎抑待諸楚邱乎自古亂離戰  
爭之際節義輩出忌之而不使表著忌且扼扼且擯擯  
卽動得謗且速禍耳弘演捐身扶主可告無罪於懿公  
併以上答懿公先世而更不羅狄人之毒已

書宗譜後

當雁宕之地週迴皆水也而祖廟卽浮其上中列孝子  
神位左原泉公右百祿府君次左季六省元次右在八  
處士五主沒世不祧崇創業也榜其堂曰忠孝裔子孫

居於下日益繁茂焉萬曆丙子大父葺是堂而新之子  
父董其事得墨漆匣於神廚之左積塵盈尺封識漫滅  
不可識相傳以爲在八處士時物也蓋處士之自施山  
來贅也首營宗祀而併祀木匣於上以擬周家陳寶大  
訓之意以故予父得百祿府君所自言其生平者與季  
六省元之書後再五秀才之敘述然後知非謬也攜入  
郡城而懸置危梁者有日矣時夏尙未生也歲乙卯出  
以示季大父起部公起部公題以詩且贊焉夏始得讀  
之今又十有七年而錫之隆亭宗叔祖某某叔從時相  
會於吾山甫叔處考定海支派所由來以爲百祿府君  
稱孝子之後原泉孫暎子載在明譜者昭昭足據也尙  
何可疑予遂歸而發櫝錄上數篇敬詳述其梗概以佐  
修譜時之彙入亦以徵百祿府君之自述在八處士之  
崇祀予父得於丙子起部公贊於乙卯而及予夏之身  
一旦與叔山甫晤梅李鄉隆亭之的派俱非無故也敬  
奇而附言於左

海憲王公壽序

代

國不甚需材矣而運才以識然歸重在養焉唐張公器

云吾未嘗以元氣增喜怒使氣海常溫耳則誠善養已  
矣故治天下寧不可若攝生希夷隱士幸遇太平而徒  
以鍊老卽壽八千何足爲世有余每慕畱侯籌帷決勝  
子長記其狀爲美好婦而卒得從遊赤松子今不可再  
見其人矣乃今惠遇我公祖王老先生而大足徵信者  
始公成進士時甫弱冠而歷清曹入領儀部尙書郎時  
渴樹人意且慶無土不爛有洛如花耳當事者蒿目於  
編版內外處處見告至勤宵旰輟食而熟視浙東要害  
之鑰無以踰公遂爲海隅民請命而急公越夫論今日

之上籌重兵重餉耳餉半出自浙或海氛不靖莫可恃  
野草以無恐其誰裕飛輓奴賊不一授首每提浙兵往  
禦雖募有烏合孰任精練而可與其邊防況全浙地勢  
急在四明大將軍身鎮靖海憲臣卽坐寧郡城以庀飭  
收弁下輯卒內撫黎外察島皆賊上壓債悍師中儲胥  
簡閱以應公家不時之檄雖逡巡惕息早暮孜孜豈以爲  
事不得其領則困而公之來御也曰吾得所以爲治矣  
伍空不難召而訓耳餉匱亦堪多方處耳卽所宜嚴繩  
者彼惰驕輩寧不可法而整耶因用摘伏之神得逞昔



誤聽撫以屢中其奸者蔡賊之陰事併黨與盡輸情僂服以除十餘年陰蝕之蠹奪海鬼布帆無恙之膽而藥因循不戒旦夕猝發之不可救於是浙之紳士若民族而觴詠於家曰賴公之靈區隅不倖安枕矣卽甬年來不傷潦卽苦旱名賢痛扼赤子困征自得循良守正之林公來爲守而無弊不滌天人祥慶偶不快於甬毅然決去不可留國人如失父母狂奔走痛莫能得而公力持之當道且慰勸莅事以利此一方民於是甬之紳士若民趨而頓首於庭曰賴公之靈使良太守綏佑吾儕

總督言

卷五

九四朔望書

續國朝本

矣他如禁左道懲奸猾杜倉鼠渡河虎文法蝟集而公以寡解虛心澄慮順時融跡境而天始見者又無不春薰春潤焉予旁覽載籍召公畱陝下稱太保畢公保釐入稱太師二公夾輔周室幾致刑措而眉壽百餘歲蘇軾稱文潞公綜理庶務雖精練年少有不如貫穿古今卽專門名家有不逮契丹使拱手謂天下異人而其壽七十有八夫宇內視公爲重輕者已歷有年矣今日巡海而海隅不波者公爲一隅命也海宇得晏而四垂可以次不中兵是公爲四垂命也公方壽躋天下旦夕膺

綸封之命賡揚盛治以籌帷決勝愈知氣海之當溫何不視攝生於爲治以徵其壽歟予嘗謁公於都門每與聞末議熟察公偉略遠嫻畱侯敢泚筆縷陳敬從諸君子後以侑觴祝云

代序百祿府君生平蹟爲明居緣起

余不習他長頗善識能言已往事不謬亦不遺猶記在金撤離喝軍時多居鳳翔四太子以撤離喝軍與劉夔攻宋和尙原余始從兀朮挫衄余隨南人投金者俱北頃之有談朝事者曰南朝遣使臣議和自今可弋息無

事矣其一曰都元帥未許也劉豫請師已命都監將前軍南下左副元帥調軍繼進時宋人不之覺耳於是投北者謂余曰不去必飽羶腹挈余至淮上四太子屯軍竹塾鎮得淮人橋茗還兵而投北之人與金別將已爲宋韓將軍所擒予遂寥落無寄幸稍慧知趨避生死依南人以居誦讀聖賢經義兼習夷言易姓氏爲阿里當宋皇帝崩於金有馬角龍髯雪窖水天之句而宋屢遣通問使伺辭乞和金方代蒙古而所立劉豫又爲宋將岳飛等所敗四太子戒嚴宋又遣行人王倫至撻懶處

求河南地且道秦張二樞密之意將奪岳飛荆湖宣撫  
職另議監軍使恩主成大事也時余已通書史託身於  
撻懶部下甚見親信故得與聞其詳是年金晉國黏沒  
喝卒岳飛等復屯江州四太子聞劉豫欲貨已馳白金  
主金主以東拔撻不爲左右都監四太子撻懶爲左右  
副元帥執劉豫於汴選用有勇略者而汴人華旺爲眾  
所推居四太子下副元帥遣王倫還曰爲我語秦檜之  
和議若成異日當以石晉相待出一金盒寄檜之妻王  
氏曰好作事行此盒不逾月而王倫復至右副元帥所

謂且緩盟宋尙未相檜耳苟得舉兵以相脅惠甚然不  
宜深入俄謀報秦檜爲尙書右僕射同平章事兼樞密  
使矣撻懶遽欲以河南廢地啖宋且將弱金阿懶不允  
而蒲盧虎之位在於幹木上撻懶附焉由是從撻懶議秦  
檜復令王倫至撻懶所問梓宮諱日定和議申明立豫  
之約撻懶應諾俄報撤離喝爲宋少年將李世輔所苦  
金主乃使其侍郎張通古偕王倫至宋以詔諭江南爲  
名歸河南陝西地要帝以客禮見通古於是胡銓上封  
事而通古錄之以歸四太子拂脣咋舌復聞岳飛韓世

忠大怒各請報效四太子遂自祁州渡河去撻懶陰使人再以金盒與檜妻王氏曰可令檜奪將權弗使居要地會撻懶同蒲盧虎謀反蒲盧虎伏誅四太子曰撻懶無故而割地必有陰謀王倫至可弗遣八月金殺撻懶於祁州予走還汴時宋紹興九年金天眷二年也明年夏五月四太子兀朮與監軍撒離喝分道陷宋河南陝西等州郡撒離喝爲宋吳璘所敗走鳳翔兀朮爲宋劉錡所敗走汴宋岳飛駐師偃城其子雲大破兀朮拐子馬兀朮勢面大慟益兵而來岳飛敗之於潁昌又敗之

通鑑書

卷五

十二四明叢書

約閣刊本

於朱仙鎮兀朮走還中原大振宋岳飛忽奉詔班師初余之走汴也前汴人華旺亦爲兀朮將率所部從征至朱仙鎮余漸長以同姓故竄入其軍而旺亦不余疑也余乃告以來時事且言家居無錫去孝子墓里許故孝子祠是吾先世也吾祖行三一爲爲官吾父行四一余爲吾父之長子向因鞞子至錫余爲虜入撒離喝軍中後歸撻懶困苦萬狀百死於一生偷至今日而尙未得定魂夢以與吾祖吾父相見也余亦何以爲人哉旺曰勿憂行且相見矣因與金將王鎮崔慶李覬崔虎乞查

韓常等定謀各詣少保乞降而少保一日奉金字牌十二百姓遮馬慟哭聲振原野少保畱五日不去以俟民徒而旺亦棄職與余雜奔至淮金師已渡淮余兩人疾走鎮江趨無錫詢孝子墓謁之經里許旁人指曰此隆亭梅李鄉華氏里也余因得至家拜吾祖吾祖康好尙在拜吾父父曰子何爲者余長跪道所自吾祖淚淫淫下父曰嘻建炎時金阿里蒲盧渾迫今上至明州次年北還至平江湯知府走遁兀朮焚掠入常州鎮江府遊騎擾余地民眾豕奔不及願余七歲子被虜俘掠此時

不兵死定應飢死豈有至今尙存之理余曰兒不肖不獲待大人甘旨然祖父及父母與諸叔之聲音容貌尙記憶無謬也大人何疑之太過吾父曰安知不得之遂人口以行詐乎宗人名旺者亦爲余請之哀乃父素嚴重不卽子余也時諸叔及次弟適至余呼名問訊一不爽吾父始憐之再拜請吾母吾母併祖母嬪矣父呼余五一呼弟五二而諸父亦各有弟楚楚濟濟先後相友時紹興十有一年矣一日祖呼余曰吾在汴時方幸爾父之生汝及家隆亭又嗟爾之被虜也今天送汝來

歸以永傳吾宗祧意者天實祿之人誰敢廢其令汝名永  
字百祿乎余拜受唯唯歲癸亥改臨安府爲太學余思  
以貲入而太學生張伯麟者怒相檜黥配吉陽軍因不  
果歸而娶同邑之女劉氏期年而生子先是第五二有  
子序千一余子應序千二而從弟五八亦於是年有子  
序千三俾爾熾而昌子孫殆繩繩起矣祖大喜未幾祖  
沒余以性喜遊復奔走於外出沒蠶湖采石及太行劔  
閣諸處余偕來稱兄旺者至帝都哭少保飛一慟而絕  
天平天平殲此良人紹興二十年庚午再入臨安秦丞

題名錄

卷五

十四國明徵書

約圖刊本

相礫施全於市大遂遊客余遂遞隲吳山想見越王句  
踐入吳沼吳巔扣劍而歌又聞金左副元帥撤離喝爲  
金主亮所族黏沒喝吳乞買俱無後朝廷拱手聽丞相  
之旨而丞相有疾則詔宰執赴其第議事進封丞相建  
康郡王加其子熿少師竝令致仕丞相死乃俟高湯思  
退陳康伯用事時事日非金虜蠢動懼以身膏斧鉞有  
宋雲溪先生耕令閩中仙去其孫德之聞在明州雪竇  
山上適遇余於吳山因其往歷其地有蜀僧言山後爛  
平山坐二居士一卽宋宣教也余遂同德之攀躋上爛

平山而丹竈徒存仙蹤杳渺德之憮然而悲余駭之德之別去余徧遊明州東至鹿山遙望一鬼於人蹤甚絕擬茅其下終樂也乃步人阿育王寺踰陳山直遊烏石瓶壺兩勝地而烏石之山黝黑有巨人跡闊可六寸長一尺五寸瓶壺土赤如丹砂傍列仙井左右二小壠中有小招亦一奇觀也逸邇至樂嶼山下余因與慈谿隱士主簿公姓顧者稱莫逆得買一麗色於樂氏樂憚於遷而余亦倦勤因乞其地而居焉未幾亦生子慮與錫山之序相淆索即從錫山猶子千三後以二千四行焉

過世書卷五

十五四明叢書

續圖刊本

水深魚肥葉鬪禽孽數年來積田可養五十指足不必入城府日與漁鹽樵牧爲鄰因思人生飛鳥耳寧必擇枝古不云有酒卽家乎日月不居歲辛巳是爲三十一年金大舉入瓜州劉汜敗績鎮江報急余整裝歸省道梗弗通易歲得至平江遇駕自建返得見余前子千二以承事從詢知余大父母及余父母俱告謝頓地哀號絕而復甦又知千二亦娶婦生子甫彌月而疫疫及子婦併殲我室人時當兵火之方熾欲至墓下慟哭而不可與諸季聚首又不能千二又以慮駕入臨安也悲夫

何使余之願首邱而不得也余將老明州矣余習慣於遊明州何可樂喪親殲室天實逼處余明矣今上淳熙十四年有臨安人談金事至今禁女真不得稱漢姓學南人衣飾迴思余冒姓阿里時幼不知務奔走虎口捋虎鬚塞外莫可與言止見荒塵土窖生骷髏渾慘不覩光昭之日月而復當金木風禿寒鴉露宿角動馬嘶鳴金嘯肉時余獨淒其坐地自知異域填溝壑望族而羣犬羊矣安望如今日之目張而不光齒掛而不韜邀有天幸自獲彼姝再育五子而前所生於錫行干二者亦

相聚而與樂所生子行二十四名慶者俱有子且得以兄故世其官慶又當承事入畿矣山河可易人壽寧幾後之視今亦猶今之視昔老者盡少者壯幼者長必然之事也余懼一旦逝息去使子孫無可考生不獲盡孝於大父與父後不知大父與父之有余不肖子也一生浪蕩視依依者罪當萬髮兒輩譜家世第曰百祿府君其先無錫人原泉孫暎子世居本邑梅李鄉隆亭去華孝子墓里許宋紹興末客遊明州遂家焉庶幾知我庶幾爲尊者諱爾時大宋淳熙十四年丁未冬十有二月



壬寅錫山三世孫久堅父永百祿氏呵筆述

公之生也實爲徽宗宣和七年乙巳而被虜也則高宗建炎四年庚戌歸錫則高宗紹興十有一年辛酉卒於寧宗慶元二年乙卯三月丙戌日未時卜葬樂家嶼山下華家匯然以紹興三十一年辛巳居明生子以寧宗慶元二年乙卯三月丙戌日未時卒於樂嶼山下華家匯卽卜葬焉知此序之成爲淳熙十四年丁未冬十有二月壬寅年已六旬有四矣時余年十有二歲矣猶見吾祖體龐白晢無雞皮老人蹒跚

過真書

卷五

十七四明叢書

一約園刊本

厖羸之態生於汴居於錫沒於虜卒葬於定海之樂嶼山華家匯難卒百萃萬死一生思之身凜凜然若割若痛不知其涕之無從也今上開禧元年乙丑又余以武學生上書得罪遠竄建寧府錄此一本以行因書此尾以俟異日子孫之毋相忘余也

遊石鏡山記

去楓湖可七里而遙眾峯列峙突起一山當其腹遠視之爲大山勢不可舍而反吐焉若繼若附然苦無甚怪亦不秀拔頑禿與眾培塿等耳從遊者爲余指曰此

石鏡山也有方正學先生墨蹟焉山舊有章氏居先生幼讀於此題詩壁上迄今灑翰如昨也余聞其言而心爲之動遙望山雲亦忽改色凡所見沙崩土立雲行鳥飛巔危徑險與石之敬者傾者盤者孟者走者止者與木之蓋而偃者橫而交者如東黃綺角箕踞而傲世如崔孟葛龐抱膝而待清如孤臣孽子悲思忉怛忍不啼猿如冠劍大臣交戟儀矜靜不爭虎又如天威震怒所至摧朽一二忠臣義士不敢言靖難時事夫止識山也不識山居之曾有先生而寥落岑寂萬卉俱腐及知有

先生而蒼翠欲滴淡宕欲睡榭枒而葩麗者爲博古而磊砢而英多者爲矢節蠶山何幸乃遇方先生不朽哉因紆蹤往矣其地望東南行踰二溪沿山後有一小溪以旱故砂石細出可緣崖而上喜不陡峻不數武卽平坦結小茅庵卽方先生讀書地也椽盡隙損隨風壞欲墮守庵者爲一老婦人詢先生所題老婦手指東首壁曰是也壁皆板且蔽滿以塵袖拂不可淨萬生以孟水滌之字皆漫滅止見甲子剛烈及後賢等數字而已雖難句讀大抵皆弔先生詩非先生筆也或云北泥壁面

南者舊聖以粉先生手書粉上先生赴義時家有藏先生一紙字者卽族滅故壁上詩字不可得至今也余歎息而出自庵稍東去山頂可半有石焉光彩閃爍麗日欲然炯炯刺射人目卽石鏡也山以此得名焉從石鏡下不盡山再得一小築日正亭午余命童子炊而四顧荒落無可得沽酒一佐悲弟惟向松下淨土稍憩耳須與一童子捧茶至獲解渴葛乃左右指所謂學坪狀元峯柯仙石井者大石井誠奇也峴原縷縷自高下注於井而井復有井焉潮溼泉聲深不見底戲以巨石投之

遊宦書 卷五

十九四明叢書  
約園刊本

無止聲自井逆而上迺至巔石理光膩無斧痕雖蠕蠕蠢動亦虞滑墜特以僻處村野爲人蹟罕到又苦無騷人韻士登臨詠賞遂致山亦不文聲名遂不他著柯仙三井亦甚異列而又以幼故不尊而況狀元學士沒則已焉奚足取貴於輿志卽如岔路之某吏部歷歷當年窮讀有詩有記頃不一瞬而草木反得以生生相傲也

明州定川華氏緣起第一世

府君名永字久堅又字百祿孝子實二十三世孫也係毗陵燕錫之梅李鄉人大父原泉公父名暎原泉公之

五世祖仕宋爲都尉自惠山移居汴梁父暎以宣和七年乙巳生府君於汴靖康閒原泉公扈駕南渡始家於鎮江府府君爲元朮遊騎虜之北去紹興庚申歲始還無錫娶同邑劉女生子一人名午會朝廷當中葉府君日貧賤以沒世遊隱吳山辛巳年遇闕中令宋耕之子德之同往明州得妾於定海樂氏之女因就樂嶼山下居焉其來歷巔末載之府君自述者昭昭可攷府君卒於慶元乙卯年三月丁酉日申時卽以是月葬其里華

通鑑書 卷五

二十四明 續圖刊本

家匯樂子五人曰慶曰度曰麻曰府曰庇與干二名午者遞爲承事子孫繁衍簪纓不乏傳余諸大父干三六秀才伯父五千一秀才父二上舍以儒業起而家始大宋祥興元年戊寅冬閏月丁未日再五秀才慶元府定海縣五世孫弼弼頓首謹

代記施公山起蹟

余名弘字魁遠行季六登元至元己卯科省元大宋己卯元求南人有材者甚急余遂舉浙東省元自分愚拙不欲爲知已用而定海縣治之西北九十里施公山向

係商舟出沒之區地極險要苦海寇達魯花赤張進創  
巡檢司以禦之余爲縣令馬含沙刺薦之達魯花赤阿  
里沙乃以萬戶鎮守寧至檄勉就是職遂家焉爲百祿  
府君第五世矣自余曾大父二千四序事至大父及諸  
父生年月日與所娶沈氏譜一而大父輩武學生十二  
六秀才名某者一而父輩太學篤信齊二上舍生名李  
者自祖某以言事得罪竄於建寧府攜譜以往而二上  
舍亦於德祐丙子二月被伯顏虜之北去湮滅莫記所  
幸者百祿府君自敘譜耳余嘗居施山始末於百祿府  
君自敘之後以示奕葉子孫無忘所自始也元元貞二  
年丙申秋八月上戈之吉四世孫筆記

存社序

聰明三十里不類乎而神氣絡萬里矣然千里思駕可  
一日命則志通天下凡推海橫宇入吾意而地不尺闕  
也故以力用而夸父愚以悟用而操鬼猶足智然銅鳴  
繹屬神物固不易傳也世之奇子建者雄稱步才不復  
疑其胸竹而典論論文獨置愛弟不道迄今追建安七  
子不終列子建自不泯泯乃知立社必不能使賢無

外遺而社文之出足稱準也蓋人持其識才精學與意  
杼相捷應也予嘗思兩文每操風會之先獨不與與異  
壤拔幟之幟是以世欲邊陲吾兩乃天若開之使後出  
愈奇遂起某闕而振六朝之盛矣夫正則騷子長史工  
部律荆國文代儀不朽而祖守者或習自種或臬自新  
蓋所動誠在風也王劉沈謝今始彪炳果誰爲之歟國  
初忠文濂溪青田諸子軼有宋而上奪文貞燕許之席  
似亦法六朝遺體而究釋選中賦頌蹤屈蹤枚耳其補  
亡且道三百矣安得簡忽其意而縉繁是咎卣一爲予

言某天才奔放目絕今古特以富腹麗心故肝肺皆若  
纂組耳然論文不鄙奇險貴嚴伍不外豪宕貴基厚不  
棄佞倖貴奧闢李廣寬之樂何如程不識之臥而禦警  
也汾陽不可及惟淮王之旗幟壁壘爲可師武侯所以  
天瑜而走懿也耳元結凝然如山尙矣孫可之何如人  
哉否則盈唐多煙霞痼何足重要使歐陽公不黜卽已  
而好作豔語豈果墜馬牛腹子雲有本耶退之束力令  
耶晉宋之際胡爲有彭澤耶同甫孰龍孰虎自謂獨長  
而人各有意原無庸一一格也惟子建甘不齒於兄丕

而亦不恥七子之不與卽若甬文不兢兢與天壤爭幟而亦嘗不俟生於甬者縉素之羽龐之故千里命駕萬里神符彼爭穎一舍者豈能百世不惑哉讀社一編當幡然起也

### 三禮序

陡焉圖書水出合義文且孔曰皓靡慰不幾令物足誘人悲哉兩氏言空豈若聖經言格因以知物博而大何緣幻而詔潛會自記乃見楮中橫見側出而悉陳以臬學梓者睡悟天度乎遂稱王弗錯等白鹿九華講學一

適宜書 卷五

三

四明叢書  
約圖刊本

輩元公制作悉盡倫制豈留此大缺漏以需後補要見仰思待旦作何籌算意者周家祖稷爲堯農師歷虞及殷皆侯服也豈敢妄僭天子於三恪各率其舊於本封可師也至冕獨尙周或亦如皋門應門社稷辟雍當時固諸侯之禮而後世遂以爲天子乎於徹田爲糧踵之而別法於夏殷可思也然則公且不法先王蓋不替忠貞世篤之遺而舊有此制卽以定昭代一王之盛夫子旣非殷邁亦非周頑祇爲萬世定經則準天測地罄古亮今無非克己以歸天下居朔周孔者獨窺兼修之祕

果然知人神得矣豈僅熟典故以備顧問

張又韓制藝序

代王芳洲

合宙山是又韓之文今令定海定海士復彙刻其前後  
行世者以諷詠之不休而併樂丐言於余以余與又韓  
同里且同社今所治又同隸於甬余惟甬澤國也定治  
與余鄞治相隔二舍許而要害特甚假大將軍重鎮之  
故地浮於鄞而耕止一隅民不勝鄞而居多譁伍一旦  
糗糧失峙踰垣而起者若馬牛風雖其邑幸無豪猾大  
家爲之輔而賢司牧每畜租持茶身之爲瘠而期羽譙

愚宜書 卷五

二西四明叢書

約園刊本

尾脩虺虺其馬以奪民之殿屎而甘以薺則不但戍烏  
平羈且舶烏乎帆蜃烏乎壑赤烏乎瑞用澗澗之不太  
峻否用稻稻之不傷察否用兔兔之不過蹤否用雉雉  
之不狎乳否是惟溫中厚貌得周書所稱誠智誠勇者  
斐忠信之忱以出而後敷心腹腎腸於百姓以歷告爾  
志則明命卽黔首則也蚩蚩者且顧爲舅若父矣坦懷  
以讐服諸健悍而債帥固奉趨謹也卽有衛霍不樂畏  
孺爲揖客乎因以拊循三軍而溫之若挾纊百姓愈用  
是得堵席矣春秋稱夫子以天自處以理服人性命之



文敦於不息今日非又韓其誰與歸詩云侯誰在矣張  
仲孝友夫祉吉甫之歸鎬而必樂與張仲共飲非武功  
告竣又治伊始乎定海固倭艫賊艘乘颶出沒所見皆  
旛旄鉦鐸大半用武時也又韓可彈琴揮麈而淮陽政  
清以方文翁化蜀吳公治行第一非天之眷命用懋乎  
人心惠而日多采語曰人性奇者掌文爍炳宣公文正  
何必不奏績於爲令非社稷臣亦可百里材乎又韓東  
髮履藝余奇之於里所著文冠冕宇內余卜之於社今  
釋褐而奉職循理余且信之於同屬漢人舉士以文行

通鑑書 卷五

三三四明叢書  
紛園刊本

卓茂近日吾南國之得籍者恆首是地而亦恆以治行  
徵讀又韓文毋論定多士彬彬淑法異日又韓功業爛  
焉則今日固著書自見矣

同工異曲 上黎傳庵

退之從六朝駢麗後一翻新曲以合古樂工之論倫從  
律而於子雲相如曰同工異曲夫樂作縣興天子諸侯  
以及卿大夫士凡事於朝祭燕享者工其首尙也工人  
并歌而天作維清騶虞豳首魚麗嘉魚南臺湛露非一  
端也夫亦各有當焉後世從軍招隱孟門城傍至落梅

淋鈴且不及武溪深鴻飛鼓雁矣豈教工者之過耶制  
如合纂組以成文賦誠絕唱然上林大人已闢玉樹烏  
樓而況美人兆子夜長明光闈怨卽謂經緯宮商非所  
貴而清廟闕宮安尙此纖麗哉沒後而奏封禪幾於屍  
諫豈自悔其曲之誤而知顧乎子雲太玄擬易法言準  
語廣騷解嘲明志甘泉羽獵長楊規時事身碧馬金雞  
而心沈博絕麗成帝誦其縣邸王俱四隅等銘頌以爲  
相如也而子雲又言長卿賦不從人聞來高文典冊用  
相如於是賦都者稱相如之才揚雄之美賦西征者述  
卿雲之文子雲甚以良工欽法相如而後乃列之若樂  
府十五曲無可芟置也世之穢相如以俳優畜於帝子  
雲以劇美頌於新至謂文人無行亦獨何歟夫與王莽  
劉歆董賢竝立者非子雲乎而雄獨三世不遷官及莽  
篡漢又以耆老失次遷大夫慘且至投閣矣秦聲楚聲  
誰爲苟助幸不若廣陵散之絕響耳其心酸傷其致窈  
窕而語因發爲艱深鎚鍊攻苦亦以中世之忌而善藏  
其用也至於相如相引致卓女之和子虛與漢武之歎  
白澁器以迄持節飄飄乎氣若凌雲以擅天下之絕勝

而發大聲於宇宙不幾與子雲志相合而不相下氣有所不相入而相爲用耶然則鈞天廣樂而快張奇麗者相如也龍吟別鶴而動邁呼羯者子雲也終身之寤而無長卿一日知遇者退之也退之崇重經術爲百代冠冕是又笙鏞散祝之奏典樂教胄者折衷焉終身尙白何必包括天地總攬人物之非工鑿輓哉典論論文以氣贊皇云鼓氣以勢壯爲美司馬揚韓或亦可分竹肉矣

聞母李夫人六秩壽序代

過宜書

卷五

三七四明叢書

約園刊本

猶子之祝若母無不若其母而必久有母以葩荻訓之俾在昔徵天眷不誣準還運於凝冰而衷矢日耀其考祥之鵠則稽子譜多因母得聲於盟兄霄虹未能阻陟帖趾也霄虹幼而孤長於母夫人李氏李爲里中先賢鵬蒼公愛女蕭蕭清宦惟守內則一部贈盡資來作冢宰石塘莊簡公會孫婦莊簡公介節歸世雖位高寵厚依然儒素所後孫以恩蔭不獲壽子畱弱室瘁其媳李夫人膳而李夫人復身寡家徒壁立舅不繁有枝於是上潔朝夕舖下劬哺在凡歲時寢墓及饋遺輸資靡不挺

十墨拮据惟謹嘗遡其稱未亡人來幾二十五朔矣廩  
慎惟衾影知之恆痛惟霜月憫之艱辛惟檠匣痛之而  
孝穆嚴肅亦惟紉紉巾悅櫛澗盂盤議之口絕不自狀  
難以煩大母勞苦大母悅康若不暇隱其暮獨然者致  
郡喙一聲曰賢哉婦而母日思所以大吾初仍莫若讀  
度可供束脩羊者輝力舉赴舉丈夫子二長公瑚璉之  
器麟鳳之姿而次公霄虹髮未燥晷誦踰寸淹電十行  
一瞬受當世小韓子之目頃蓋五千言毫尖閃爍勢若  
萬秩能文巨公動以不廉戲之謂卽膺殊寵勁業後日

過堂言

卷五

天四明叢書

約園刊本

意練神陡如其文骨矯姿峻如其度春溫秋栗如其節  
今未越宗瀟灑而坐重憑座恆滿戶外問經履非我母  
謨謀實匡輔歟樂有子之博遊諸名士爲陶家母陳宗  
祖法物以式子孫爲韓家母而使祿家昭寒儉以絕人  
倨侮爲李家母卻縞輓鹿不替先人志意以楷模後祀  
爲范家母矧撫姪若兒令名山著作又不亞宣文義成  
乎饒巴婦之才而不貴懷清築譽卓晏女之識而不忽  
綠衫召危天澤秋節暇告若響霄虹鈞弩一發捧檠寵  
以作文蓋何必東山乃堪捉鼻而特幟身教俾賢嗣棟

城藩任社稷安危允膺后鄰跪進福國觴使彤史載吾  
母令儀洵融融無踰樂矣茲慶週甲二駒爲春酒以介  
壽余輩誼盟登拜無他誦效祝謹陳母素矢音溫好母  
亦快言之無諛而頻加爵焉庶無愧從子列獻爛舞也

三泉王先生七十敘

伯陽參同隱奧莫倫思之或無異人意而究不可企則  
取魏三叟詞及子西所贊穉川者以庶幾身爲槁而無  
若忠宣攝生之謂奈何役役焉陰損其騰復蝕受資而  
坐視隙日之去我尙且課最息程靡既乎予卓稽今昔

絕真書 卷五

三九四明叢書

約園刊本

凡淳樸簡重甘淡泊無營者甬浙三泉王先生其著矣  
然子景先生非今也卽先生壯年髮黑而頰而白以及  
今幾禿靡一不足頌先生也大抵才而阨於遇必託處  
四民中而少試之爲懋遷微逐要無苛較於失得自無  
疲思於非覲卽無泯亂於天顯而總以不恃能爲功先  
生寡上世遺產諸昆更窘家又不戒於火先生大懼曰  
嗟哉兄弟不無析乎因畢盡知慮力興百堵登憑聲相  
繼廈成而仍與伯仲共有之伯仲若未嘗熏於燠者後  
又莫能存其室先生不吝多金復之而伯仲若無識向

固季所授者迄今諸猶子奮志成立各謀其父界而先  
生獎勵之無少阻亦無德色若先生亦忘其身所採築  
者則不知天地閒有失得事亦寧知非覬而乃損隲蝕  
資以耗精乎故先生得日撫諸子及孫及諸壻若次公  
予社友升伯之鵠起鬻序季子隆賓之人材就徵長君  
仲君各振家聲因而散步江滌見夫雲輕風靜汪汪若  
嘘襟次忽焉波浪漫漶島嶼氣蒸爲伏蚪爲虎豹爲斗  
插入漢爲怒呼崩日何不可蜃富榮而泡身世以列子  
忘鷗代仲連被髮羽儀永式寧直敦睦作模歟前志云

題真言 卷五

三十四明叢書

繪圖刊本

楚邱先生年七十一曰吾乃始壯耳孫邈容止甚少已  
八旬有七矣唐李守奉使至瓊州瓊州老翁更異年八  
十有一而叔父皆二百二十餘其祖宋卿更久久至二  
百九十五相與進椒盤飲屠蘇不數寥寥世綵復見嗤  
於九代祖之雞巢小兒豈盡海中土厚及臨沅井赤哉  
公器也吾未嘗任情喜怒使海氣常溫夫然後不受日  
於匠氏而萬世信以全榜矣先生形幹魁梧軒軒有大  
人氣而恬穆淳沕無所事機巧此如範金爲鼎者歷劫  
千百而質日古文日新價日益重怡性鍊神又伯陽諸

人所未喻三叟安得言久則今稱詩毫余鴈尚盛永也  
代祭從曾祖妣李安人文

維柔兆執徐之歲月在仲春我從曾祖妣李太夫人以  
就養邸中抱疾不祿訃音倏至族屬驚惻輿櫬東還海  
雲慘裂嗚呼哀哉時去去世日月再更姪孫存義筮八  
月初六日刲牲治精敬上靈几而侑之詞曰嗚呼若我  
曾叔祖母李太夫人者婦鵠也匪唯婦鵠實大造於我  
華我華靈承其嘉祉祝彼蒼之祿我太夫人者方在未  
艾胡遽爾耶夫人文於望族其歸我內鄉公實在公佐

通書

卷五

三四明叢書

約園刊本

內鄉時公德夫人賢一切家政是界夫人婉孌靜嘉攻  
苦茹淡日修職供身自盥潔自辰道日中昃拮据不少  
休以是罔不當內鄉公意凡我內宗以迷衢路率聲滿  
焉蔑不誦我李夫人者婦鵠也內鄉公官以廉懸車後  
生計蕭索夫人朝夕治具以內鄉公歡俾內鄉公忘貧  
至勞勤勤劬則怡然甘之獨時時戒我叔氏讀夜分爇  
糜作其勤機杼聲與啾唔聲相應者無少閒迨內鄉公  
厭世益不欲以家人產溷我叔氏曰若翁素樹德若尚  
懋哉以大爾華以無負若翁則胡不鼓篋交四方賢豪

叔氏謹受教輒以學遊名藉藉紳閭成均鵲起聯翩  
大廷拜官水部冠冕帝京我叔氏御潘輿舞萊衣以供  
其匕筯太夫人歡然承之曰我不意有今日第恨若翁  
不早見若之成名而又不勝愀然也則又蔑不誦李夫  
人婦鵲者匪唯婦鵲實大造於我華也夫天欲祚華而  
長發其祥則實生夫人介之景福故里有內德其靈範  
似也然而不逮於祿孰與夫人之分衡大官行且捧馳  
典龍光懿慈其藉慶似也然而瓜瓞勿阜孰與夫人之  
爰有蘭玉譬燕山烏衣克昌厥後獨唯壽結大年光延  
玉燭斯謂夫人之符於蒼蒼不爽而云胡陽九婺星隱  
芒神遊紫冥魂返扶桑嗚乎哀哉蔽芾有翮其歸素輶  
彼斑者欄傷心涕洟嗚呼哀哉徽音不朽寵光紫綬無  
將斯將鑒我俎缶尙饗

代賀孝廉華九淵母李孺人七十壽序

余自諸生時與九淵相嚮慕願所居相遠幾百里許未  
嘗登其堂記偶於交衢識其尊君晴峯先生華首蒼顏  
而神情清朗容止齊稷卽之如耆艾人退而後訊知其  
爲養之年也又因知喻孺人與偕年每私以爲九淵慶



初不知其所自生爲李孺人頃之九淵領畿薦里黨籍籍稱孺人惠淑宜有後乃知之孺人家內鄉晴峯先生常爲其邑丞又數攝令清而有惠政爲暴感風疾致政歸邑人甚依依謂吾儕何忍舍公歸請以吾內鄉爲桐而家焉不可則又謂公貧何以歸請以吾內鄉爲陶而賈焉又不可喻孺人從旁說曰以內鄉之不能忘君君寧忘內鄉吾聞此中婦女多淑質且習勞曷置俱焉有如內鄉人不忘君也先生未之諾則謂君豈以吾兩兒子故過作躊躇也君未老而歸歸又寒素勢不能無牟

生吾倦不能相且吾視兩兒子或能任家終不能任讀以君爲德於內鄉甚厚興家昌後將在此舉也於是先生忻然御孺人與俱歸先後舉九淵兄弟而更善操家攻苦茹淡室中勞勤事輒身先兩介婦以善承喻孺人意久之喻孺人兩子相繼中折而九淵兄弟奕奕標令譽虞以此傷喻孺人意所以事之者日加謹先生每遇伏臘酌酒觴喻孺人曰曩去內鄉時非卿力贊我今日者我兩老人且若何方是時先生與喻孺人拊九淵兄弟以樂餘年意多主慈而孺人則輔以厲朝夕自課婦

工以課九淵業如是者不少閒逮先生與喻孺人俱謝世益虞以家累九淵讀促使遊學於外率終歲一歸省九淵雖負篋遊然名重冠蓋閒所居戶常滿因修費之費以遊於太學甚或數歲乃歸謝孺人勞苦孺人曰若翁宦薄勞吾所素嘗非自苦獨苦不能早見孺子名成耳蓋及今九淵已豪舉猶數舉是語以訓故九淵負篋讀不異諸生時雖其天性倜傥不以一舉自豪然本孺人之教亦以孺人能其家無小卻顧也今年孺人屆七十九淵爲上觴而諸親友以侑觴之詞屬余因爲具道

馮宜言 卷五

孟四明叢書  
一約園刊本

若此余觀前志孟孫瓚聚於庚宗生武伯兄弟以亢宗周安東娶於汝南生伯仁仲智而方幅王謝蓋天所發祥非偶也然皆有所徵庚宗之帷幕徵於夢汝南之精辨徵於材若先生於孺人其何以徵焉人亦有言眾口所祝不禱而福先生蓋徵之內鄉云余故因壽孺人而併推先生之德與喻孺人之賢孺人者舉九淵兄弟之觴而俯仰所事意不能無愴然或聞余言而爲加爵未可知也

代壽中兄長卿華先生七十敘

余讀離騷天問荒唐杳渺怪而不經虛空不可究竟然其文瑰異而世多摹倣之子亦欲概今昔年之短長後之衍絕遇之通蹇享之侈儻其得失相去之數與所當得而失不當得而得相又之故仰質之蒼蒼而不得則爲之低徊沈吟久之而今於中表兄長卿先生不能無致問焉先生余姑出姑與先大夫同母先大夫出嗣而生王母江卽世姑亦育於吾先王母朱相愛也歸於華爲望族先姑夫以選人得山西夏邑丞卒於邸時長卿方婚其配則吾從母姨女也婚不數日而訃聞長卿哭幾滅性其王父強飲食之乃起治喪喪畢奮志充先業從郡城受書皆名師稱沈箕仲余君房兩先生高足也弱冠補邑諸生就傅如往時長卿家故饒銳志青紫謂可唾掌不復問生產而內亦能其家長卿志益肆然數奇不得當而其王父亦老倦家政與世叔析箸自此始操家於本業不無作輟矣願其子瓊慧足訖業輒棄去而內又多病數殆醫不能瘳自以意裁古方試之輒效更益博古方書醫日益而以病謁者眾至輒應之不以寒暑爲解貧者更自捐藥餌無少靳病已人亦不敢言

報但設飲食之長卿實不能半后一七也嘗曰吾往報  
子天幸以償我何必人償之卽人亦祝其子貴顯以爲  
償也而璩果籍諸生閒且務滋德皆謂有天道而亡何  
竟天亡識不識皆爲之痛然幸有幼而穎又人人以爲  
長卿慰而亡何其孫又殤余謂長卿生平簡易表裏洞  
然不知世俗所謂機巧事與人處孤行一意而已爲樸  
事繼母嚴撫異母弟愛接宗族惇交友信處姻黨治雖  
孝屬猶肺腑不獨疾病相急也爲厚行方而性執吐言  
必以衷修禮必以情不爲唯諾委曲以邇人爲宜凡此

聖言 卷五

三才圖會 卷五

皆南華所謂與天爲忒從與使置俚初亦爲動已惜不  
顧惟日與其內齋案佞佛或謂長卿往艱嗣竟以虔禱  
得之猶有昔之冀耶顧非時矣長卿笑曰吾今時爲破  
子若孫在者猶天折何望更育吾姑須其復耳昔柳州  
曹泰平八十三方舉子上津張元始更慕蓋九十有七  
余卽望七十天不余獨者子未晚也蓋自信若此余別  
先生八年記別時矍鑠倍余屬虞其殤子若孫故以大  
損又虞其急子故或以人損今二者先生皆無之是宜  
益生且眉龐長毫亭亭鶴立骨相又宜壽望而徵其大

年前所謂曹張兩人不足道請以爲先生壽家仙聞之曰壽先生所自有奚足以壽先生省聞之子者嗣也精衍而神續也神猶火也精猶水也火蘊而續不於其炎也水畜而衍不於其濡也先生齋精葆神早服自壯以及於今更加寶焉其爲蘊蓄厚矣庸渠得算且終以得子宜其自信也請以是爲先生壽余曰信俾授簡焉以徵天道余可無問也

與某箋

頂踵未借夢食俱不諧心雖枵腹如飴耳其孰塵于炯

過雲書

卷五

三七四明叢書

約園叢書

目耶卽今終日聚闔時問初紉屬天卑聽不免綜掣無主徒苦七襄傷紅凜凜夙欽盟翁兩袖風舉五袴雲謠辣不隨膏潔至絕惹以天機地軸之手巧出縱橫胸箱胃篆之章奇徵靜晦願求斧匠昭赫鉞誅近喜蜀錦浣自虞村怒興縞素而蜃市亦慶非幻剋期與各道四靈百貨爭人樹輝將人文聚明文匡兩書之付重梓枕笥祕稿俱作匣中鳴矣懇卽出山手定無虛望座爲也徵大易文檄久已席靈注壓尙容續政毋罪不先誼切同

舟弗劬三返

代某人納采約

不自意邀天之幸而博謀氏得遇上宅婦爲小兒偶庾  
家淑質登車詣彪蜀壁素儒撥絲獲姣其寧可遲烏羊  
爲敬弘禮特以乞巧期未支機石尙難採取俯從日者  
議卜接月之二旬具菲雖然登堂拜舅旨酒獻觴則潔  
篋耀祔帟月亦覲矣敢不祝諸宗祖走佅紹以告期也  
再拜稽首盥手修約

斯干集小敘

余知則公於貞一座上云則公前事貞木踵玄暉之奇

通言 卷五

三四明叢書

約圖刊本

秀林樹川流今宗貞一祭明遠之雄邁瀑飛霞起旣稱  
壯夫揚雄復膺君子曹植於是沈吟短翰揮灑長言沙  
排陸賦而簡金幟拔趙家以樹赤窻明閃電溢目玲瓏  
倦枕遊仙臥迫湖島斯蓋則公擁卷而得意關中練師  
而續艱杵上耆也然竊慶所自焉句甬次公四海宗匠  
則公身坐延明之席親照夜光而次公卜得服慎之車  
惠攜聯璧道近鐙傳筆推譜繼擬於漢剛潔著吳門之  
梅而嚴光表節擬於宋徽國產理學之朱而季通慰志  
斯又則公襟孝帶賢肘仁跼聖者也身兼眾的學可逸

成心鄙將同功從精奮然則以人師難遵爲則公幸則於斯千集矣而以習服眾神爲則公妬亦於斯千集矣

代賀凌霞兄六十序

余於友仁社得交吉甫每欽其嚴氣介性沈深浩博不獨文章雄世及同登堂壽母陳孺人致洗腆之養彬彬禮度仍作穉子態則意尊翁二霍先生之教澤素著也先生性至孝愛諸弟甚友凡姻族閭里業儒而貧不能自存者多方周卹擇行誼有學之良摩勵子弟迄今咸詠歌先生仁波德範余憾不身沐之猶喜得表我吉甫

過宜言 卷五

三九四明叢書  
約園刊本

耳初未知尙有兄凌霞足箕也凌霞今躋甲友人嘖嘖頌歎乞言於余余始知之凌霞乃先生元子爲正配汪所自出甚聰敏捷慧處艱疑允棘頤指就緒喜聚皓首或幼齡勉勸忠孝興致疊勇又樂爲人釋怨解紛一言山定羣喙不鳴人莫敢干以私雖家庭亦無假顏色凜凜具諍友貞士之骨特不獲操鉛槧蜚聲米廩者緣先生初居鄉偶不悅於其繼母丁避禍入郡城時凌霞甫髮吉甫未孕也大父亦無分產於先生先生方恪守一經不得不急奇贏於其子拮据謀口三及搏而義財稍

羨俾先生事其父得歡事繼母使悔以次婚其弟者三  
各命讀及賈且賈而致富卵翼猶子如其子一不較駢  
枝之無禮諭使頑心頓革皆凌霞從臾之力也凌霞氣  
象近儒者性又與善讀者相習先生不獲以儒顯特  
舉千秋大業祁囑吉甫吉甫終日束枵腹面蕭壁鈔諷  
百城書足不爲博名移腰不爲救飢折而名藉藉冠蓋  
閒當世卽欲強起之以慰生民望俾先生繼志有人又  
皆凌霞玉璫之功也夫盡父得子而无咎國人靡不曰  
孝然難乎其父父作德而子克家國人遂忘其孝則賢

過喜 卷五

四十四明叢書  
約園刊本

子之大願也而父固望令名於其子凌霞善必稱父過  
必歸己以時所得爲喜及父在而彌縫輔相合外黨內  
黨無不銘恩懷報思以百身贖先生靡替也今日時不  
得爲則惟自悲眇躬而曰子實不類曰汝不如茲曰實  
貽父羞盡晦弦暑雨祇痛猗嗟而毋敢言己實有勳於  
當日已然急完葬大父母上慰嚴父昔年擇吉起墳身  
受牆毒而不獲藏親之苦以爲父幸有餘年所終身涕  
洩不欲拭者獨此耳誰實爲之父豈忍俟子補乎至撫  
宇諸弟雖不免天降之割靡不可披血赤以妥靈於考



廟也凡此寧不足致壽人亦有言壽者就也心期而神  
赴也惟仁則澤不於其算也惟善則祥不於其享也凌  
霞厚貌慈胸圓腰阜背豐頤方體而鬢髻月梳丰姿雲  
綺何一不顯壽徵今復恃其智哲養生逃禪事天童老  
僧稱首座弟子以分寄儒門淡泊之趣惟思滌人濁而  
潔天真何一不饒壽力余簡致吉甫再爲子上一觴云  
既孝且友天監茲矣豈鮮呵護凌霞舉丈夫子二長者  
權子母而少者英姿秀發讀書日數行下又善博聞強  
記下筆挺異世豔慕之方庸得福寧僅得壽壽固凌霞  
自有也不可聞予言而加爵歟

與瑁楊大介書

春去許久近況如何某兄拉尊駕話闊乞於明午撥冗  
過我以悉縷縷新作亦須多攜數首萬萬勿他辭且不  
佞亦有未罄之衷急欲一晤至省城事體須斟酌行之  
以必穩必妥爲妙弗爲名心利心交戰也謹慎囑囑附  
書乞到日卽往寄因陸舅公於望前必起身歸家故耳  
承諭容日撰之儻得便當十二前走奉五月閒得同歸  
否併問

過宣言卷五

過宣言

卷五

望

四明叢書

約園刊本

過直言卷六

明鄞 華 夏吉甫 著

明鄞 楊晦遵大介較集

先父二霍山人筆蹟記

江南霧氣最盛雖灼火流金而地行者可以屐於是伏  
日家出橐中之積而炙之一時璨璨眯人光奪雲綺恍  
如將軍散騎相攫不盡不止予居貧不敢效曠前修挂  
長竿鼻亦素嘔無腹便可曝積筆資置有古書數種而  
又不善著檄蠹文任其出沒而醉飽焉心甚妒之乃拂

過直言 卷六

一四明藏書

約園刊本

階前石以次運屨圖負暄藏耳不炎熇畏也且翻且閱  
肩背俱瘡偶想念幸不生殷時生殷而身司諫天王聖  
明動施炮烙將若之何檢至散亂莫紀者寧靜伸之而  
得吾父手筆焉字若新出於鮮其一則自著年譜起萬  
曆丙子終天啓庚申歲僅四十年閒事耳其一則近世  
帝王自石敬瑭以盧龍十六州地與契丹借兵滅唐及  
我大明英宗皇帝辛酉十一月朔京師除各衙門行在  
之稱之日雖無標記若欲攘夷狄宦寺及一切靈國者  
以自成一家史也然止有年月日時已耳夏細讀之淚

與汗傾吾父一生履歷具在年譜可悲可痛照見鬚髮而帝王歲月攷諸年譜創手於萬曆丁巳卒業於天啓庚申池楊案雀研露筆霜大抵錄朱子綱目與續綱目閒有去取或更其一兩字書法目中俱若有不可忍之境胸中俱若有不能已之事交游骨肉有痛心慘目之變而宇宙民物有大足錐心指髮欲告罔從欲權莫借之苦一一刺管於楮藏意於畫令人定氣研想不啻驚起垂病而吹寒於室也敢盥手淨存端楷謄錄顏之攘史書年彙成一集以誌不朽雖然吾父仙去幾八載而此帙何至今乃出也又何以絕不聞於男等趨庭之日而獨發光於敗篋也又何以不及吾父之身減貲以鏤定當貴長安紙價而至今家景寂寥鷄衣不再食之日始皎焉挺著也豈有待與豈今可以傳與審是則幸矣使男授有祖業什襲如富人方走臧獲發箱篋之珍何暇慮及墳典則有貲即可權子母而家計必倍於昔億識屢中而三致千金若陶蠶潤屋文身我長獨擅又何論宗祖宗祖可弁髦棄之何論吾父吾父可度外置之安克如今日惠蓬手澤而殷殷念相靡已徒餘此血淚

珠遊耶吾因吾父而笑天下之愚且拙矣不遺載策傳  
後而壤土則刻心營不使其子孫窮苦自奮而欲令享  
素封衣冠裘馬走沐猴於五都市而況當其身豐不及  
子而不腆或身幸老于豐而子卽不腆與身在不知子  
已不腆而尙以豐傲身豐日晒世之不腆不屑與不腆  
者伍而後竟不敢望不腆者之肩項遂甘效犬馬無從  
者可勝計哉榮謝升沈事暗莫知以理推測今古皆然  
霉氣閱此最多當知海屋籌莫可指數耳子有感焉因  
筆之爲記時崇禎首元戊辰夏六月日恬羅現身男夏

適宜言

卷六

三四明叢書

約園刊本

書於天一隅之若蔭萬閒斗室中

與祖臺李研翁書

浙東不守時時如處沸鼎且夕望拯惟恃舟師來惠來  
蘇望且成怨矣天幸弔民蒙祖臺深隱虞村廣養忠銳  
爲宗社生靈先拯舊治恭讀威虜處帛書字字滴血不  
但虜在目中進止機宜成算破竹國家屬令公再造淮  
陽西平今日再來不意濱許得立拜重光也某等誼不  
與虜共處艱難扼鬱動輒遭危雖身命不愛亦未敢遭  
無益之禍隱行布置隨就隨敗今荷祖臺登誓卽氣運

亦易挽迴况奴罪貫盈曷難殲滅或負戈以作前驅或  
整旅以資後勁唯所命之祇祈拂拭孝陵恭拜天子萬  
年祖臺壽考某等喜叩階有期可勝神起附上迎忱肅  
書來令

與方涵斐札

教書先生做了從軍蕩子衽金眠革此境亦殊可笑或  
者勦復得來庶掩此一番醜態也向承存問未遑踵謝  
初歸又在冗中不得迫切過晤一旦蒙修重九禮知老  
弟不以廢業罪我矣奈何又招我於飲耶江干百務叢

過直書卷六

四四明叢書

梅園刊本

集儻偷得刻閒自奔盡縷縷

請誅奸輔疏

代

奏為除宗社大奸用滌君側振人心關中興勦復第一  
事語云城狐社鼠為其喪家殞國也故釐剔宜蚤杜絕  
宜先束縛宜急是不可苟且漫圖致難救藥朝廷之倚  
畀而以庸懦奸險處之非狐鼠乎用一庸懦其僨害猶  
需歲時用一奸險其僨害立從旦夕總之壞我宗社非  
小而況無所不壞如今日所稱輔臣也臣觀新授輔臣  
宋之晉臣無暇舉其往事當主上奮義起兵之日需才

甚渴會逢其適驚然來赴主上欲其洗滌前非憫動國  
難處之師保兼以司馬謂宜痛祖靈處棘聖體臥薪期  
奔走天下豪傑而惟勦虜復土爲念何意志不同仇心  
生膜視傲侮時務賄賂日聞臣約其莅事來大罪有十  
今日何日自貝勒陷省之後人甘髡雉家樂羶腥薦紳  
領袖而通醜正佐蒙恥而納降天幸永久我明特出起  
義忠臣捐身蒙難破產從戎扼虜鏖塘鞏固潛邸未聞  
之普一勸主上出非常獎拔特鼓銳師之朝氣而反疾  
舉義二字如仇拂骨瑣耳欲阻撓主上林旅坐成解散

大罪一也祖宗德澤在人人猶知奮忠諫信疑之臣  
掀髯抱膝之士豈必借才異代要在人臣虛懷延納倒  
屣勸駕今時當草昧否蹇未出宜思百里集思千里告  
善而之普徑設夜央門關朝午白鐵識面錦玩呈身使  
拳鱗附翼而來者憤胸裏足留同羈縻欲壘蔽主上耳  
目使不聰明大罪二也主上入越之後偶因勤政臣下  
不獲時見則袖疏捧讀寧無奇謀異策內匡朝績外贊  
邊情卽晨拜章夕示答猶虞言不肯盡而之普厭聞眾  
論奏本干積方且糊塗法拂屏息忌諱雖不乏發鈔祇

成故事欲瑱塞主上謙虛使同悔愆大罪三也今猶救  
焚拯溺時也勢稍緩而焦且滅矣主上方不辭倦憊每  
爲臣下強起乃之普不憫君父之宵旰不憐民衆之驚  
危坐視西征將士眠風睡雨午前則散髮箕踞剔指嗅  
垢午後則呼私擁膠察摺閱餽其入直不過二時絕無  
經國急謀大罪四也台寧紹三府視天下版圖僅彈丸  
耳苟不渡江則萬難禦守雖無知三尺尙懷危仄之普  
日益偷安未聞扶馭江干督將飛渡設無撫臣于頴痛  
哭不幾丹楹綵桷粗野正位使四方謂主上無遠大規

模而遂凜凜祖宗之禋祀何恃而延大罪五也所謂大  
臣貴休休有容也凡立國之初每有布告下人於此卜  
盛隆焉誦神聖焉故舉一逸而山林知勸用一廢而賜  
環生色閒者遠則起臣張國維王澧矣近則起臣朱兆  
柏方逢年沈延嘉矣或入朝解組或借端繳敕或隱遯  
未改或養望猶初而相呼戒進喜爲觀望豈非之普負  
隅負臣不知所出乎之普猶復居己鼯鼠護其貪畏嚇  
人庸阜雄我踞盤使主上渴賢樂士之推誠因之普而  
障隔不可信大罪六也殷鑒不遠前事足戒先帝公釐



奸黨至嚴也而猶受慘於闖弘光其主念篤憐才曲赦受僞從逆者弗誅遂謂財能效靈相習成風沿禍北狩迄今緇載帆來貨囊櫓聚而璫輔不自顧老闖臣不自惕罪而虜官紛然加級受職矣誰爲來之之普來之也之普來今昔之邪而俾浙東初創之朝廷已興謠銅臭天下遂疑主上習成事而不知戒畏大罪七也之普入思經文出思緯武輔閣掌兵前轍已覆握權邀寵惟日不足使正臣解體義武不信朝廷急用之紀綱無一舉行江干已整之汎壘反多顧忌主上誰與莫攘乎大罪八也重金入之普之室而募餉不應於義勸督餉生心於委權中飽之禍旣成鬻爵滿之普之願而子息取償於治地剝殘怙倚於勢山殫壑之民立槁主上誰與共國乎大罪九也主上業已仗鉞矣所不朝步臨戎者僅需時耳之普不能勇往行閒請誓書血旨起河北將士之泣毋使虜貽君父慰燮天顏稍俟神定氣調坐收擣巢斬馘之捷而令主上拜壇推轂卽日就道之雄大無從鼓天下兵大罪十也然更有可疑焉主上監國義也之普旣惡談興義將要監國乎夫一心媚主上固榮寵

而百計抑舉義使人鉗心不敢道是欲廢義何啻滅倫  
與主上協佐中興者賢也財也既已正人投轄諍臣杜  
口矣而貧緣無恥二心反面者翩翩鱗集陰長其飾罪  
求爵之智則出重帑買薦固裕如耳一行百效此竇彼  
營直使餉竭於畝粒空於筭相耀而爲伴食模稜臣知  
卽版隸盡編虜夷入侍之候猶立見衰蟻況今吳山之  
馬足猶存越水之龍鱗初躍耶不幾令之普賣主鬻國  
而無顧也語又云刑亂國用重典蓋法嚴使人懼伏乞  
將之普正罪穢市懲類殲巨則萬姓歡呼眾心整肅無  
不改頭換面滌肺蕩腸力務忠孝而恢復非難事矣且  
法之普而將心不奮吏風不潔失地不還奴虜不滅臣  
亦不辭鈇鉞而謝之普也臣誼關休戚隨主上遜荒同  
患悉嘗艱慘今日之局猶鑄器然方將草創埏埴日揣  
揣謀治而鼠來穴之投鼠者又或不忘而壞之恐臣罪  
不先矣臣爲此瀝血割衷謹奉烹鑽上聞

復楊氏聘啓代

余定海人也系出錫山而居鄞則自家兄存義始雖通  
籍不乏人大略以古文辭起家其一經相傳幾若王謝

麈尾擬諸上宅功名事業文章咸足膾世似未敢平衡  
視也家姪夏豈果有自信遂命姪女娥君受令姪孫萬  
世嗣寄耶且姪夏爲予言令姪孫筆資開宮文錦標鮮  
典則能雅據則必核擬當今第一而愛女素質沈靜性  
鄙鉛華卽未敢上幾德曜異日子黻我佩或可無媿挽  
鹿今復重以昱腓先生之作合亦太傅門中快獲可卽  
矣姪夏幸甚予亦幸甚意家兄實式之靈非姪夏能自  
具眼也雖然論學問淵源非宅上不能有涵之令姪孫  
豈敢曰跨父越祖論箕裘弓冶惟姪夏差足稱衰宗寶  
稱賢不特阮瑀延明珍重一時敬因寵貺之加而抒情  
拜答如左

壽錢希翁四十序

今丙戌春正月年盟翁希老四十之時督師江上其標  
營將士讀書知禮有忠義者乞侑雅於予以上爲希老  
壽予思壽政應爾且未也而論希老之若無不意外視  
年者夫得年尙非其意中而況稱祝況祝必大乃言以  
驚耳眩目乎則又誓而揖予曰儕不文願情顯而口口

是又予耐適不容口已方希老爲諸生以遵古經傳不合時宜後吏太倉以孤冷惠民不合世宜一丁國變以慷慨奮義不合俗宜如名固當世豪所趨也而汗若欲挽利固爲庸俗子所重也而貌如輕羽漢術雜霸則陋之周道相及則敦之虞尙善同則酌之以善不立需凶不立除結成悲憤以習爲苟且募爲因循時來怒指子猶憶翁去夏閩月赴多矜舉義之請直辱僞於眾紳方禮下時而國中岷庶無論賢否智愚識與不識垂老及卯咸爲駕而擁入署於已隍之復城卜天命之無改至

扶杖禿鶴垂涕慶須臾子知希老向病瘠咯血縷縷如珠而強起辟易人不啻萬夫敵蓋宗社固陰護希老身以堪此多難乎其誓師也募卒爲子而頻稽父在兒在獨子無在以思錫子類餉卒用勸而特恤家三人家五人家豐謀拙以不浚民脂盟爭長之雄而發其惻惻惻惻之魄而制於禮重馘斬之勞而信其賞子知希老性稍戇每面折不容過而屏息調劑如慈母然蓋宗社固婉轉希老以藉此曲成乎則整旅至西陵而西陵之人扶老攜幼曰我秋毫不犯錢令公也則分汎詣杭湖室

慶家賀曰父我母我錢令公也時稻方成熟而饑饉者在田軍行咸拊禾而過已不敢傷我公德凡地遍行則者每盡室避去而少女浣於石閨婦砧於戶至老寡且願紉士卒衣補弊履曰不敢愀我公色民陷於虜矣蹙遇錢公必活而忍命以待虜甚毒只虜嘗遇錢公旗幟而竄逐以奔予又聞希老師次雜氓悉相率循涯銜楫尾而呼云錢公生我蓋宗社固特種希老以靖此殷憂乎而希老又復直己行志口不道符怪雖祀神致白魚入舟之異而心不陰喜惟戰必爲諸鎮先功必讓諸鎮

龜直言 卷六

十二四明叢書  
約圖刊本

上未嘗不從容吟詠以代投壺雅歌事庶幾哉儒將風流而況眾口所祝不禱而福希老實宗社式憑之身而百姓於此請命國祚於此靈長天地於此光霽其敢以是爲希老壽諸唯諾子席盛平謂沒身不見兵革而一旦播氛信史書起兵二字執戈橫得竊餘生而且附大人以不沒於世其敢以是爲希老壽草疏焚城穴之靈信筆誅君側之奸集百忌百不顧履伏莽之如飴對揚天休惟恭用幣至於急除虜敬先崇善務洗兵敬先正笏用我一朝換人萬世希老感激傷時對人多丰騷

不平之氣頓足咨嗟幸聞予言怡色進三雅已

祭后土文

惟又二月辛酉旁死魄越翼日丁亥里人華夏焚香於  
鼎貯酒於盂拜手屢言於華氏土氏之神曰今有道嫡  
孫夏恭修歲時於祖母墓幸惟二三與櫬空木枯形未  
歸幽室魂想化城神靈不爰后土震驚冥母泣父亡弟  
椎心先室暴露山鬼啼聲穢德彰聞皇天震怒奪兒喪  
家誰當其咎夏不能祇承上帝以迎福祉刑於有家虔  
舉時祀尙克災禍不侵燕燕如故飢食寒衣實神之祐

題言卷八

十一四湖廣書  
翰閣刊本

惟爾有神厚培斯土定盤無恙人謀不阻迪今祇薦寧  
云故事道旁穰田望耆榮施神旣佑我必光華氏用伸  
精酌迎嘏有自尙亨

陸魯公陸耐僊合稿序

代

國靈傑人人靈傑文文固聽人爲豔寂也兩表上裏訓  
令而玄林終不可經卽文皇烺烺炳四方哉視隆準代  
來子止見跟寧敢與蠡鼓吹予偶稽以著書見者汲長  
蒿誠媿董買末廣平終謝許燕然誰爲社稷重人足清  
殿朝制而懽服王昵以盡興蠶織之贖祖宗朝忠誠

山得題命意桂薑林立凜凜八柱閒肅容懼起與瀆瀦  
溪郁離及近今八大家有別自可與知人呼大白耳雲  
閒陸氏魯公以計部來守苕苕大水不一書民魚魚就  
壑矣公單心博謀腫及脛股力上疏言狀請蠲請恤而  
又不憚廣詣以風賑苕幸不災水民賀得齡未幾復苦  
旱公代犧刻自責毛吹莫吝無已而赴城隍祠其神囚  
械作七日誓不報願以身膏諸火天果集霖若注遂樂  
有年其閒易蝗而蝦易莠而麥易鶡而雉行仁義旣效  
矣而淫則貞良黷則潔清高無貴虐寘不怙肆私人不  
中飽祿家肅功令遐邇靡不祝魯公父母我也陸固雲  
閒望族碩偉峯列保無假我公枝若胄一蘇子耶不自  
意奇邀寵眷而岱瞻老公祖出撫予四明矣猶惴石齋  
臨侯兩先生獄天威莫測公時甫司平乃能不干怒而  
平反之偶獲譴者不知獄吏之貴而忠亦靡不白海內  
慰望懼雷至萬里一聲以故下車而扶杖者偕跨竹觀  
化成惟渴謀重徙薪法嚴入澗而且祖常平制以權未  
患一時不遽米珠樵桂簡訟息譁衽疚卵赤俾得易疇  
而砂不殃粒靖海而鼉不傲煙摘鱗餌以問谷駒養桃

實而釋蕙歎蔚起人文丕乘運郁入鎬留洛再見於浙  
得李遇徐以甬莪若何必菰中不共樂東海天哉同社  
駱子國挺勤學而喜論執兩先生制義對子玩諷曰豈  
長孺不善著書廣平止考一賦耶國朝文體六更相業  
三變豈云集不代傳耶雖然遜抗機雲靈秀踵結忠宣  
詳明訓切腹心猜主而九齡九淵以爲濂洛諸賢冠矣  
駱子無多其人傳文愈傳耳

祭某文

維公忠貞累世清節嫡嗣家有賜書居鮮丹桂文章千

通堂言卷六

十四四明叢書

約園刊本

古師表萬儀苜蓿傳經帶襟得替四祀存唐一碑墮淚  
桐鄉去思益廟炯鑄樹人十載麟石毓奇盈膝五龍怪  
峯繡砌文母案折胎訓壽闈徐媛畫灰伴吟賢繼公坐  
享勝事之無踰胡爲薄塵而怛棄豈憤大人巨公之築  
戶膜視宗社而不計而欲向青苔隧路尋洞中別有之  
天地旣不忍北都之痛蒙塵之慘預走兩京諸陵而慟  
帝知口疾遊口夭逝達觀者總之同盡而莫美乎後來  
之知王命知父命憤闕瑱胸之忠義其敢起公靈而橫  
觀今日之天下誰識是字誰豎忠幟早隨風靡誰羞嫁



貳上懷觀望誰貞委質起武夫作誰謀帥濟濟人士  
扶誰乘駟僞官孰冒塵賢孰視羶氛孰摧麗光孰致力  
疾誓師壯不妨懷縞素臨戎弱無戰悸李令公再造社  
稷而諸葛武侯鞠躬盡瘁夢建武不夢章武符讖成癡  
而期予身試願良臣不願忠臣髮膚何愛而造邦誌闕  
某將呼天以何不久留公見奠鼎於翻覆後而嬉遊醜  
醉乃憫誅疚懔正橫戈以恢勦時而拜降瘞賜嗟予小  
子尙羞櫪驥晚未登堂聿懷勗鞭趁汾陽踵琨攬轡  
劍擬靈筌慕單織簣非敢賀公忠孝原君家故事非敢

遺直齋

卷八

五十四明懷書

約圖刊本

弔公罌襖出靈神不意薄薦芹忱采止舉解鏡歌鼓吹  
煌煌彝器大鳥表祥馴虎銜異鳴呼尙享

上某啓

伏聞曆數有歸今日喜逢明麗重臣作鎮隆功卜奠純  
熙天作開底定於借恂大人勞滌蕩而起沁澤國絲茲  
稱輔荒微實賴爲盟恭惟護湯新日協秀渙符周沐兆  
開祥毓中興帝佐衛封靖逆激揚翊運隆勳萬莖已詠  
車來恬懈欣逢節駐四野迎駢而忠奮壯髮指冠義勇  
林立五國捧鉞以潔新怒肝寒甲烈憤暴飛恩拯一

方人慰雨師救暎座安專闔地歡星客騰挾某樸祇行  
愚談世務不能捫虱信思起懦陳時利有媿張虯逐腥  
羶而猛起從風志飲虜血其如渴同馳驅而義標屯雪  
願莫黎情其若飴伏願誥教藥迷先聲旗指旣駭眾壘  
竝赫鐘鳴則荷旻幪而三軍氣奮祖德新愾於今時更  
叨庇佑以九野色開惠雨徵猷於剋日

與某書

足下深怒而反膺慘辱豈特髮指旁觀然亦惟浩歎而  
已此借交報仇重讓古人也天算狠甚意富淫而故厚

邊宣書

卷六

十六四明叢書

約園刊本

其憤於足下使一旦殲滅此輩而朝食耳幸忍斯耐斯  
稽古及今含恨悔而不憤之十者有幾弟雖身不趨左  
右而一夜十起時時與某兄相消息總之目下尙無能  
爲也卽小小稱勝亦未可賀得意也出入顧所書稱不  
敢忘足下知之已熟百分鄭重使嚮者不覺備元載笑  
不可測誠一法耳

自跋稿後

喪偶後無意問業因謬擁皋比勢難曳白不得不援筆  
就就輒思佳句每欲與巨公偶第巨公難遇矣予自幸

得最崇重而嚴事之獨惟貞一貞一外鮮且絕矣且時  
文多不入于眼子亦懶近玩古時必取貞一作竝玩貞  
一簡潔坦易直擬伊傅訓命是又不可下與先秦西漢  
雜讀敢以六經四書爲經貞一作爲傳性理大全語錄  
等書爲疏義因而日夜寢處其中自覺有得目今非性  
理諸書不遵非貞一作不式然子捧貞一作而諷詠之  
至於再至於三子自分不能及貞一矣夫貞一之文貞  
一爲之也貞一渾厚溫雅不露英穎併不伏機械時至  
而事起功成而迹化人與交不啻飲醇自醉大抵孝弟  
傳聞有道故下筆無佻巧無鎚琢起止開闔中於度發  
收舒斂調於律是非尊經通古稱閎儒者所得武也子  
雖不能匿詐設險然量隘不容亦好爲區別易生喜怒  
而不信不平又不厚獨貞一容之若鮑叔知我耳夫百  
不一若貞一而欲學貞一文去之所以愈遠與貞一相  
去遠而知讀貞一文併自持所言樂於就正貞一以堅  
予心之崇重而嚴事則亦惟貞一不我棄也噫予前作  
多受賞於貞一而友人之自言能文及自言有能文名  
者蜂聚閎譏予自顏其言曰吉甫自訛所以謝蚊雷也

今若更之欲去前此之煩庸穢冗而不得要領迹涉詭  
遇卣一必能哀而正之復自言曰吉甫訛則先代卣一  
摘也柒書之望集得捌旨因彙訂之以問卣一而偶書  
於後

春庭日永圖序

凡舉觥稱祝必用辭綴然非實有徵則浮而非志子今  
日喜得爲某母某夫人誦也陸都憲公生於李李與某  
居相枕而叔昂氏又不喜投飾於是知某爲勳裔今將  
軍某先生某夫人所自出也某生四歲而孤其父某公

過聖言卷八

十八四冊藏書  
約圖刊本

奇材偉績爲當事推轂能以不點墨養聲望故遺資舍  
琴劍無他夫人茹冰槩以養厥子緝紉佐膳剉薦佐讀  
殆二十餘載靡寒暑閒又復積紉紉佐製用是某雖英  
英少年哉深穩達練精心計幸無愆輸輓任祇苦往年  
阻於漕弗獲一歸省迄今辭督使之檄奉母晨昏而母  
亦適稱五十壽矣諸姻友相繪圖乞子言勸祝以爲某  
慶予思之母度若□厥木則椿萼合葩輝森燦盈庭母  
智若秀厥木則菲荼苦齋甘貞潔古几母慈若□厥木  
則竹色雪姿霜稜層繡褥母齡若穰厥木則松巍枝強

幹淑惠霞幢家儀祖澤大轟嗣震祿養旨甘精神氤氳  
左姪右文觴椒頰柏引墻呼甥數齡籌疊兩媳斂衽琴  
瑟靜好和悅寧家麻姑蓬島臧獲頽階起襁孫女玄髮  
雲初繁衍器主天河不濁橋渡週填山石送遐星漢常  
躔中現婺緯蟠結大年非某母也耶某曰信夫人其諾  
予言而口人未艾也

上宗室署府事啓代

伏聞天潢分治澤國恬重譯之波宗胄挺奇童山啓奠  
嶽之異靖遐邊折衝百虜安天下肇造一隅恭惟殿下

通書卷六

十九四明叢書

約園刊本

嚴恭佐邦謙愛培士生不敢逸願知稼穡而外勞奮莫  
或艱特葉遜荒以念亂英武乃能戡武提戈卽可止戈  
赤城勤冲子而負展受命聿恭奉幣稽山佑昭辟而服  
冕秩禋更審錫卣今節駐句章喜駕恩甬澗燠陽編稚  
鏢狡膏雨杖竹樂雍某譽髦受澤於作人久颺壽考矢  
志願損夫涼伐切膚痲揭竿扶義慕推戴不慕倚秦  
執筆從戎急同警遂急興漢伏願河山猶舊誦絃發麟  
鳳之聲日月重明耕織愍藻米之色播延不見立矛閉  
玉安於謝域肅浙東至止無非救我一方遂漠北爲家

仍是聲施萬國薄具菲悃虔薦不腆再伸鄙情用陳短幅臨啓可勝欣舞踴躍之至

壽徐玄溟八十序

代

萬子稱子也而一哉心以願久有父更喜祝他人父如厥父然而貌傳則近諛諛不肺銘膚誦則許借借不面若援一旦筆而壽人千古名爲其子宣父情爲其子行告其父行志爲彼子行歡彼父行色雖一竹三雅徵庭趨燁燁神王矣玄翁老先生余輩中賢祭酒也倍家父年可三其十鄰比不數武遙威儀典軌深予嚮慕景行

適宜言卷六

二十四明發書

約園刊本

者非近今晨夕而先生長公掖青又爲予同社兄博奇莊勁文心無秦漢以後骨性軒軒道上予嚴憚之自雉盟八易歲焉前夏家居初學以次觴膝前猶憶戊寅曆二二三兄弟分賦所得題月一至徐祠呼觥作竟日歡時同社感懷寢膳者言及必健讚掖青尊人壽至高次自一具慶次予振謂振父春秋甚富卜降年永而依依靡有旣也未幾自一翁鶴鳴先生以遇甲解組歸自號圃叟特自一日事遊傭耕硯田不獲時時侍予振以王命辭父命始得假一捧兕祝耳而追上卽日道竟不諾予

終養疏獨掖青尙未遇復不屑汗舉比聘戀篤晨昏里  
中賢達耆老知與不知咸稱掖青孝歎玄溟先生有如  
此子辛巳日南至予出山矣掖青舍予別盟鶴山霞舉  
每御其封大人以與王與徐相匹敵無何霞舉又莫辭  
陟岵瞻也而掖青卣一惟獨燦兩老人星以契同人志  
今玄翁先生躋大臺社兄弟遂屬筆視予從掖青諸昆  
後侑薦弧且卮也子稽往籍云胸臆未行雖百歲非壽  
又云志乃作祥天且佑之昔礪溪叟以八十老釣翁涼  
武開基享南面春王復六十則八十時猶始壯耳先生

居庠最有聲慕東山白一發息機志未嘗忘人忠孝事  
也乃儲養掖青美翰凌霄礪雄鏢石諾開兩山貞折十  
矢於才韓富擬教悃於清巢許擬教潔於節嚴陶擬教  
峻於文燕許擬教麗先生行止齊稷丰裁哲厚迄今鬢  
甫見斑而湖濱激濫浩發千頃至時與人顏色而遙望  
色者必陡起肅立恐後惠教一高言莫不以手擊頭稱  
快甚身有天佑祥而復撫賢嗣輩行胸臆豈值年猶始  
壯也惠和豐潤可非角矣是以先生名最芳行誼最修  
整頌言齒齒可戶編而愨令姪臺諫先生孝廉君每與

人言之信凡能文有道氣巨公必傳之乘以垂不朽而予特詳掖青交契及爲子共願與爲子不獲諧之願以壽先生以榮掖青或亦諾予言而頻加爵乎

評秋有文後

言易者各自爲家由周及今幾數十百種而無非以私學汗誣最初先天之理曰純粹以精曰潔靜精微三復斯篇迺知易教於今定本

竇舉每言世有識緯意欲拯患於未形後人遂以熾奸秦惟卜筮視易故亂是用長擬效春秋成文訓來翼奸

龜石齋卷六

王四明叢書  
續編附本

忠貞滅惡蠶斬昔今無忌憚其心其識其學豈僅自古未有

昔王荆公欲疏春秋思不能得見孫莘老釋解謂已百思果無有而遂廢學官不習視宋劉落花妬更覺狠毒霞舉不但審言恨不見替將俾人焚易

抽心苦髮蝟蝟呈養搜髓出孔魚魚赴理軒蠶博而曜日豁縛燄以燦霞左謨右訓前詩後書儼如瘁臣披展隱心歷其位然後知寅畏猶是上古蓋惟翼弗尸厥職以免咎也敢望許風流宰相而況榮肥謚蔭一輩



論魏延懷光都爲吾用何慮田薛輩跋扈特不知師中  
果有方叔李愬其人否然世有汾陽武穆帝祇由卿賴  
卿勞之爾而寵極非分又偏加掩欺庸懦安得惠報懷  
萬聖心故張魏公李曹國足同科斬也夫武夫何學惟  
賞當其功恩結其義威懾其魄人可忠誠大將至於禮  
防奸止亂雖張益德猶知駕馭馬超矣惡乎賁人而妬  
疑甚今日聲氣門戶見小一隅亦孰想王者懷萬耶三  
復斯篇字字滴血誠有志莫安人國幸目留弗倦

壑壑胡宗鹿鹿迅野逞我勢以奔猛而類語萃語適擲

壑壑胡宗鹿鹿迅野逞我勢以奔猛而類語萃語適擲

三壑壑胡宗鹿鹿迅野逞我勢以奔猛而類語萃語適擲

秦燃灣入峯指萬悟歸里黃庭三同聚俗呼童呼女祇  
恐戴晉人劍映也

排墳撮砌單出蔚豔險詭而情猶紙薄亦謬認氣力盡  
下者捲袖叫奇絕可偷欺市寶也書靈靈書顯顯百二  
無非天府而豈僅十七阨之有馬象懼人戀人臥遊人  
得惹意以儀昔稱武庫擬杜尙是將牢太過力於禽芟  
而獸獮得昭質非樸昭潔非爲媿彼耳恃目恃面面誣  
蒙此廊遷翠算套與始曩諸爾套新不再活剝塗附  
經正民興一言法萬乃知挽頽而之隆盛當今急藉伊

人

修眉長指爪不事翦剔而雅潔幽然可愛經翻美妓戎服書生自是烏衣巷絲竹衣冠恐眉山十里蘇家猶未免取法乎上

熱料遇輩題偏同山積不幾扮演假局鬚眉空孔居聞按古每見聖王者予胡爲蕃錫亦樂稱朕胡懼三接舉來兜來綱來檜來豈足鼓舞豪傑淚乾廟鬼極攻擊散整之巧而顯盛朝寵賚以使萬帝門洞開如心識力恪乎斬塵煥昔

通直書 卷六

清國朝續書  
約國刊本

請重兵邀封蔭而後持闔命或者久握翼龍或者怙武脅國或者窟身避害往夙二字爲當今逆耳毒藥所以腹邊不戒焚林竭澤昔歌薄伐奏膚功歸鑄行永久本張仲孝友憲吉甫文武腹中腕中合靖王宮及邦君室人才如螺我才如蛆人形如螻我形如螭人力如雛我力如虎人氣如駛我氣如鸞天梁每誇子座右贊龍離離蔚蔚乃在霞之表豈搜採見奇誠哉是矯

漁詠幽谷浮響若雲稟性貞正伐百書之闕蕪而點滴露珠香人唯唯不能止東山眉山兩翰林才僊僊乎能

愛維愛柳終不若今遇陡生嗜僻動援楞內典以濶良  
學直是學問無本先正謂入於吉凶患難乃貴有身乃  
貴有人莫論髻髻卽披裘把釣石戶河上輩於世曷賴  
會得堯欽舜蒸湯敬文止纔許讀良象十六字

能與巨巨能與下下稚圭能粗能細石齋亦枝亦道皆  
安土變化也故一旦出雲而膏雨以慈天下惟溫和渾厚  
不招非毀乃有此作用私心自箴何大不安土也以峻  
受譏於俗以憊違譽於時以篤耽伐山鑿冢不往來報  
答以要結於有名旣失學博服鄉之大遊白門則冷絕

過宜言卷六

五十四明叢書

約園刊本

姬獻馬座叱奸誓不價沾胸錦而身命幾至無生旅暨  
陽則誤登叛黨避戎斬購至於踰逃月夜而歷險不憚  
兼程亦少爾祖焉挽之和持幸一一嚴正性忠誠奇偉  
之大人君子渴心識面借交庶足以藥吾狂也

餐茹皆城霞水麗朋侶惟巖祕石瓊運之巧手鑄之金  
冶入目無非寶玩

在窮苦無友聚之樂而友誼擊深前乎上古故瀝血磨  
借題披說自今熱衷人欲奮欲泣乃信文生之情情因  
文起垓下之歌悲失意大風之歌泣得意撫琴動操雄

浩猶如在目惟情固不朽也

嫣然韻潔練神飾度其靈秀僂僂從指尖剪起卽之而欲滴遐之而標肩醉之而曷人誰我某一時將去乃信少年韓子果然宗之以上

雅飭麗拔氣海溫甚而凝重又如山立今百家頎頎無不入其籠中博則學而醇則養遂則性而鑄則體叔度汪汪千頃乃知尙有聞政五字一時夢想不盡爽神新氣圭質璧肌葩容闢致治一握以花八柱心甚猛而無怒張於目牙體甚宕而不搖移於指履天上慧業文人

過宣言 卷六

三四明徵書  
約園刊本

應現作翰林樂今乃知筆無點塵器根卓爾豈僅曰翩翩年少

晉人清漢人潔語神超自足僂我理到自足聖我蓋讀書如高帝取關中首崇扼要則天下大勢風鸞綫理而況禮樂倫紀輝煌一代法物

章貢合流涇渭兩別非藜炬胸然終遐歷落昔正每貴選於祖故掀腹飾而教人斥揮乃重茲星宿窮而奇來堆竭

不以易侈而侈不以便黷而黷世誠繁有駘擠出平雄

祇恐粉飾變苦耳。僂僂逸俊，輕揚入雲。另闢今日文家一座。

樂中實煩子僕臣妾，悉選而閱。諸則精潔者，留浮縟者，黜乃知。聖王制作大典，或五百年或千八百年，或六百年四百年，明盛豈爲易遊。謀篇誠麗且卓矣。上下卦名，移作食物本草種類。凡厥治得本，兩壁中杵中似光見。土見豈屑與近，卉爭堆角馥。

勢家雖有奸如山，弗敢犯不則行論。無出黷朝北朝視，爲股肱心膂。臣罪當誅，曷不幸而遭咸有一殘之時也。

迥直言

卷六

三十四明叢書

約園刊本

某典貴嚴慄滿腹於廷尉，徐御史慈悲三昧合造其門高大。

滿盈國士之風，揮發將軍之愛。果然儒者乃有此人，豈曰再造不藉入股。且斯道原可定品，炯眸自察，頓縶絕以餌釣唾尖新而媒弋拙。摹佞喜撮摘，獻婦皆盜也。何心夜金乞類捉筆，已有盜心。正笏寧免盜行，在躬篤實偷紀貫串經史，磊胸天日而披襟。性命誠令人負不出如蒼生何之渴矣。似憶曲江風度似修劉士安經濟書，其中有鄧監門圖有王荆川小傳筆羅九史司農登爲

異材

明揭一富字舍理財筭富急出一順字豈與壑殫箕斂  
及諸平準算告者倫公巨得志於相周尼父小試於委  
乘一不傳於子再世而弱一不幸有徒卽時鼓攻政慮  
爲楊可呂惠卿輩備也世亦何辜適逢此位費兩聖人  
許多下筆苦心

霜文翠照月青梅滴側生倒出各爲春以獻愛不特智  
勝羣情而襲人朝爽作火井冰丸洵合異珍珍之得時  
則爲三傑不得時則爲五虎彼傑彼虎向誰受馭世未

過直言 卷八

天四明叢書  
續編 明本

有克享多方之命而孤立者也考運觀物準昔揆今以  
腹笥發其墨筵以兩際燭其萬百千雄霸終遂斯文續  
重

格天從祖聿求元聖凡博訪集思之臣卽帝心所簡也  
盟淵之力在寇而功歸畢殲儂之武在狄而慶從龐故  
實左右形諸頌薦只或字外字千古純臣指難多屈矣  
徵昔引成辭鑄旨錫腕下一一峯起

七變入白米出甲昇昇卓其義只皎峻若范中郎耳而  
方國圓國寧遜次山怪誕怪誕極而莊雅監矣茲尙虞

眼瘴特和平之骨性由來不佞

瀟灑綽約姣好若美婦人哉三寸舌何甚山凝海奠也  
廣平梅賦靖節閒情徒讀其文豈獨馬遷乃圖信子房  
神氣去而萬里溫溫德基淑人誠玉

毋脈脈勿爲論而渡處必絕耳接軋鴉日送舞鶴從來  
典實悉現春綴

拘圈子則博算子之功苦離圈子則誣技人之理屈極  
錯綜變幻而不踰其本亦有壁僧亦有杵姬上馬斬敵  
下馬露布異才誠不可格格

邊章書卷八

三五四明叢書

約園刊本

飲公瑾醇則視日嘗恐其疾恐輪西乃生拗人別也臥  
遊茲章有無事靜坐便百四十合幽棲者會之

兩篇祇及文王箕子高宗帝乙耳於釋義獨出顏氏子  
直可與三聖王一聖臣往參爲伍矣彼庖羲神農黃帝  
堯舜僅制器推及之嘗思道斷虞書周公繫爻何不多  
他引而孔子更慎舉焉又奉高徒位置其閒問仁問爲  
邦占去復卦一爻噫三百八十四爻三百八十四聖人  
也自孔子來顏氏子不可及矣

昔人謂兩論皆有爲言之所以濟萬世王易興憂患終

不類騷詮釋義理亦惟使人懼耳不信奇剖一畫乃見  
天下多故紛紛也霞舉以九哀哀時事接檣賦此杜工  
部奔走行在賦詩悲憤草野孤忠竝之呼宇宙長夜

鬱拔昂藏殆猶水展龍性山突虎威膽識神觀未許有

兩

腹中何所不有獨輸其無不合時宜向疑蘇姬猶作輕  
薄學士語偏於讀奇篇時自喜五言之信

胃縮篆而腸機軸誰爲繡虎誰爲變豹祇今平心以觀  
始前見後人頂後見前人底爲不誑

過宜言 卷六

三四明叢書  
約園刊本

臥側無深衣古褶隱褥不響碑德記沁目惟迎祕瓊刻  
腑祇盈鼓鼎直欲以家私侮世而雕鏤錐畫叱屏裝塑  
近體寧爲雄伯定心殊大險絕

氣肅能時語練能秀其神勃勃上騰而能中度律以歸  
雅有心制舉固貴斂萬寶於筆尖俾人抵手作想也

一涉樂類將快發號損集擡人邪許近則覺其不異因  
閉點覃亶諸爾等項力襲獻倚門笑矯立孤挺雄悍莊  
大陳古而無供怪石以陰引近玩遵時而不彩土鼓以  
態喝祕玲松榮柏悅如歷告心骨肺志我不亂誰云八



股未可觀品

谿中相攻蟲響外發黃土乎噉白石乎可浴猶目敵日而色從人幻掀叫撫思足樂窶求枯禪耳自非煙襄雨霽不辨見此遠山

蕭韶鳳凰之樂今不昔見決無靡曼淫哇及一切輒媚以嘈雜耳根意卽韻音美善雅製精裁再起先民太古直坐臥其下三日不忍去

不寶夜以丐聲譽不營日以賣身名室啼戰而猶樂曰性無能借拯於壻也冷進接而甘孤曰腹則無可合時

過官言卷六

三四明叢書

約園刊本

宜也紛紛呶口頃刻銷耳惟此寸心自足千古平居直言敢諫臨難仗節死義至幾終義當事大臣果欺心唯諾思無僇百足耶儒者動慕范秀才已任天下豈只是免人惡來人悅易爲詰經冠豈許人軒救漫滅每讀坊選舉業者藻采恆麗立名者意思閒險否鑿度否數氣渾入參同楞嚴或誣爾雅山海心竊疑之以爲潔靜精微寧應如是今日乃有折衷願以此作式天下雖然天下心謀者面謀者無不知失子貞一矣則易道當緣斯

取貴也

自記文後

致知格物一併在誠意章內然卻卽以誠意爲致知格物則不可大學存其目於經而括其意略其迹於誠意章內使人深思自得恍然省悟於有在無在閒此微旨也時文皆未窺此致知在一句

上者老三句卽治國章孝者事君三句及興仁興讓意只言國與天下有同心耳但人有此心便當推此心與天下同之使均齊方正全在絜矩之道一句或問說極明盡上截喫力講不得喫力講則末句不活躍只三疊

過江書卷六

三四明叢書  
物園刊本

遞過卻在末句絜矩處痛發將天下國家合併一串蓋上章孝弟慈專以己樹極而人化爲言此章又申言之以見人心之所同而不能自己者如此君子不惟有以化之而又以曲處之使各遂其願欲也此艾千子先生之解也不宜將同然之心套語呆講三句矩字是現成借用語不是譬喻此絜矩句還未痛透發揮卽就上三句略想大意以下文當發解楊維節先生文只點一句確然不易此任閒長之說也但先輩文以民做國人換國人字維節先生上字換天子字

平天下章

孝弟爲仁之本不可形肖特舉不仁者以反證之則孝弟而必無不仁之事是孝弟爲仁之本也故本立道生不必他證能止不仁則道生矣馮開之先生全章作如此  
君子務本節

艾千子曰禮本是和則用字何故貴字何故楊貞復君非不尊也臣非不卑也實天之制矣強焉旣無所強足以爲君臣矣猶且爲之都俞以接之甚者爲之磨歌燕享以宣鬯之何其和也等語看題最合又云作文只宜講大意使題境宛然可想若和字層層疊出不獨拖泥

通書卷六

三十四明嚴書  
約園刊本

帶水且俗氣滿紙矣誦習旣久未有知其非者  
禮之用二句

此題在境遇上驗仁遂言終食無違仍是去處富貴賤賤矣註云存養之功密然後取舍之分明是食二字比富貴貧賤四字從大說到小在功夫在玩上下文煞當  
重 君子無終食一句

此章記聖賢之志都要後人讀其語言想其胸次不得拘拘在題目結局是題決當順做顏淵曰三字政是其言志處不可放空又要像中一節纔好  
願無伐善節

克己就不能爲仁復禮處有一段加飭功夫此儒釋分

門處一日乃不遠之復是夫子洞識顏回性情庶特地  
導迪之意歸猶與也卽歸其有極而天下知所趨向也  
若許其爲講到以禮與人相遜處覺浮而不當克己復禮一句  
賦此題畢反覆觀看覺與性理不協因取大全讀之乃  
知朱子之言爲定本也朱子曰此與志道據德章不同  
彼就德性上說此就工夫上說只是游藝一腳意思耳  
又云志道三句上字以用工言此三句上一字以成功  
言又云興詩立禮成樂不是說用功次第乃是得效次  
第興於詩全章

語云仁體事而無不在又云與仲弓論仁章參看合恭  
敬忠纔完一仁論工夫不論自然通篇只此數句中肯  
居處恭朱子曰君子之於禮樂也講明不置則存之熟  
三句

是非不謬則守之正存之熟則內有以養其莊敬和樂  
之實守之正則外有以善其威儀節奏之文與夫道人  
善而悅慕勉強之意新多賢友而直諒多聞之士集樂  
是三者而不已雖欲不收其放心以進於善不可得矣  
其爲益豈不大哉益者增其所未能損者壞其所本有  
樂節禮樂三句大全云實字對名字說去其有可爾汝之行是

充無受爾汝之實也推所不受而達之所受而無所滲

漏然後滿其量無適而非義矣充字有察識在此深足

發人深省人能充無一節上是存天理之本然此節隱微正幾

之勤處不得沉在境地上講玩莫乎口氣亦不可倒爲

隱微挑顯見當順爲顯見挑隱微纔是莫見乎隱二句通篇貫

徹得道不遠人四字起股每提人字後股句句體貼得

四書解

慥慥一段語意絕無旁溢處所求乎臣二句

通書 卷六

三五四明叢書  
約園刊本

格物以我格物也尙費工夫窮索若物格則物無礙我  
者矣隨處通徹萬理盡融所謂聲入心通之耳順也先  
儒舉明皇揮劔拂畫像而叛將之首自落於范陽以此  
爲物格此理大可思人皆知格物耳非物格也

誠意致知格物三件合併慎獨所以致知而誠意也謂  
誠意乃致知則可謂誠意之事已畢而後致知則不可  
經言先後以詳其條目傳併之誠意所以示學者以下  
手入門工夫也此節應頻喚知字

凡古人徵引詩書處散散點綴不必拘泥玩無所不用  
便見硬依註爲釋親民而由己而民由民而親民此俗

儒拘牽文義之說也朱子分章亦言其大概耳若作文亦從中節專揭新民亦不善讀朱註矣該獨揭自新爲是看康誥緝熙淇澳章前後語意無不歸重自新所謂臺是皆以修身爲本也

盤銘章

十目所視承小人閒居爲不善來宜重人所共知邊不必謂己所獨知也聖賢之提小人專以人共知惕之小人原不畏獨知耳

上老三句卽治國在齊其家之事而申言之齊治章乃言教成之本若天下人各欲遂其孝弟慈則不惟身

適書卷六

三十四明禮書  
物類刊本

建極以教之又當使之以各遂其願如置產分田省刑薄斂之類是也故下文有理財用人之事

此之謂民之父母猶云如此方叫做父母欲人上者以父母自處曲體民情使心無不周到若舍此則民仇矣故曰辟則爲天下嚮有國者不可以不慎細玩上所惡於上節曰所惡曰毋以使叮嚀勸告要如此耳非千百姓之譽使頌我作父母也

此之謂民之父母句

凡驕泰之主不能絜矩以同民好惡者皆自財始故旣以忠信驕泰言得失之道已畢復因上人士財用而申

言之見生財自有大道只在生眾爲疾食寡用舒不必以財爲患而又反覆言之曰未有好仁而下不好義又舉孟獻子之言以深見長國家而務財用之戒叮嚀反覆見得君之所以失眾失邦不能爲民父母不能絜矩以遂其孝弟慈之願歷觀三代之所以亡春秋戰國之所以敗亂相尋未有不由於橫征暴斂者此大學痛哭流涕之言深切著明以示終篇之意愚案朱註此因有土有財而言一段甚詳此意非忠信驕泰所包甚廣而但以理財一節以一端例其餘也

生財有大道節

大學書 卷六

三毛四明叢書

約圖刊本

從慎獨來方可謂之中和不根慎獨而概指中節謂體則常人皆能之矣惟常人不能而慎獨者乃如是故中爲天下之大本和爲天下之達道未聞常人皆能位天地育萬物也

道也者先當分別戒懼慎獨不可合次節乃辨明動靜二字不可分尤先當講明不覩不聞如何解何謂不覩不聞蓋人心既與物接則耳目有所寄而有覩有聞矣未與物接則耳目無所寄而不覩不聞矣君子不離道於須臾則無時不戒懼非不戒懼於所覩聞也特舉不

覩以該所覩不覩而戒懼則所覩可知矣特舉不聞以該所聞不聞而恐懼則所聞可知矣非專戒懼於不覩不聞而怠忽於所覩所聞也如此則人必有覩有聞之時多而不覩不聞之時少其離道也豈特須臾也最可恨者道本無可覩可聞及天命之性原不覩不聞竊性氏見明見暗聞喧聞寂安有不覩不聞以小辨破道也何謂戒懼慎獨不可合從來以慎獨戒懼獨朱子分別言之蓋不覩不聞是汎論統體工夫自所覩以及不覩自所聞以及不聞乃己所不覩不聞之時以見無時不

然之意慎獨則人所不覩不聞而己所獨知此獨知則不論不覩不聞及所覩所聞時皆介然獨覺故君子旣嘗戒懼而尤致謹於獨知之地譬之大學不覩不聞則顧視盤銘明明德之事慎獨則誠意下手工夫譬之末章戒懼是不動而敬不言而信慎獨則潛雖伏矣內省不疚之事今一概而同之則不應獨後用是故二字矣何謂動靜不可分不覩不聞以該所覩所聞兒無時不然可專屬靜乎介然獨知之地在所覩所聞時對眾寡對大小此知介然有覺在不覩不聞時未對眾寡未對



大小此亦介然覺可專屬動乎且存養二字始於孟子之時孟子恐後以養性爲事天未聞以存心養性專屬之靜也此朱註不分動靜之確

卽一飲食而視聽言動可類推矣弗涉色聲香味塵根楊復所云事多忽於平常故識每昏於忽略理莫精於淺近而察未盡其精微因不知味而妄見斯出安得無過不及之差也

國有道是社稷無故疆場無虞便是若說到喜起休明此時何故變塞有道不變只富貴不能淫之意無道不

適書卷六

五經圖說卷六  
約圖刊本

變卽貧賤不能移遷世不見知之意

以射之失形君子謂失不由己可謂由己可謂君子每事反求諸己自然其身正而天下歸之所謂永言配命自求多福也君子反求其失斷不可回護其無失

妻子兄弟父母只虛虛渾渾發一體感動之妙則卑迥高遠皆在其中此古文章妙處夫本章明曰自邇自卑通上章言居易反求下章誠不可掩皆自邇自卑之意置高遠於言外矣作者必以父母爲高遠與自邇自卑不旣矛盾乎又有反其說者曰父母非高遠也則又將

於父母之外月尋高遠亦與自卑自邇矛盾矣聖賢之言徹上徹下無所不有不必言何爲鬼神何爲祭祀之鬼神總統論陰陽合散之德而插祭祀一段以證於祭驗又於詩驗最活潑不沾滯

誠非專爲鬼神設也而鬼神尤可以見誠蓋言自顯自顯者之爲誠不若言自微而顯者之爲誠尤見誠之必形此中庸於子臣友後九經三重天道人道之先挈鬼神以見誠之妙

周公成德乃言周公之事作禮樂定制成周家一代

皇言卷六

聖四明叢書  
約園刊本

之法平等敍過大義粲然弗講到以禮壓天下欲天下諒其忠諒其孝使大經大典化爲奸雄操縱天下之術舜其大孝非孝就可以得天命也難道人苟順親雖功德無補於當世亦崛起而在此位乎不知舜以德得天下爲養而成其大孝非謂以孝得天下也孔子之言非如孟子之瞽瞍底豫而天下定以直截引誘爲教故引宜民宜人之詩則通其義於禹湯文武矣武王末受命非不得已而代殷至是始也文王九十七而終武王九十三而終武王卽位十三年而伐紂計其年已八十七

矣又六年而崩天下甫定未遑議禮樂之事以其爲未受命也若以爲待紂之悛不得已而舉兵則十三年中三年居喪又十年而舉事十年中布置經營聯屬西土庸蜀羌髦微盧彭濮皆後世臨洮西羌巴蜀與楚之境北方數千里如此舉事之速猶以爲再三待時則必通計文王服事之年而後可耳況商周君臣之分又自有說古者夏商之世雖有五服九州而諸侯或臣或叛視其德爲向背非如後世郡縣之地稟命於王朝也孟子曰武丁朝諸侯有天下夫成湯已朝諸侯有天下矣蓋

通書 卷六

學一國明叢書

約關刊本

殷自湯甲之後諸侯莫朝至盤庚而後諸侯來朝盤庚之後殷祚復衰至武丁修德行仁乃復朝諸侯然則當時天下大勢可知矣雖周亦然周自穆王而諸侯有不睦者宣王中興諸侯乃復宗周故曰文王率商之叛國以事紂曰叛國則天下已非殷矣武王與紂之時非好學深思心知其故者未易言也

周公追德固不以禮賄天下然亦安能以禮服天下天下將曰爾自孝先王耳豈有服其孝而諒其忠者哉王季重各不亂而天子之親可行其相安而天子之尊無

恙得禮意矣使諸侯大夫皆殷人也而心非之得無於應天順人之舉有不合乎

三年之喪不獨父母也嫡孫爲祖爲長子爲妻天子達於庶人一也周穆后崩太子壽卒叔向曰王一周歲而有三年之喪二焉故後曰父母之喪無貴賤一也

達字照大全饒雙峯說達諸侯達天子德教加乎百姓列於四海天子之孝及一切達權達變不過朱註中一節一枝國家王制大備萬世由之小大由之盡倫盡制無以復加兼有二端在內一則繼志述事禮以義起能

禮書卷八

三四明敬禮  
新國刊本

達權通變創先王之所未爲一則制度詳密使天下之人至於諸侯大夫士庶皆得因分循禮是以天下由之小大由之萬世由之而天下之人通稱他爲孝

九經明曰凡爲天下國家蓋諸侯列國皆如是不獨天子也若專作天子則周固已其主矣後何必曰天下畏之何必曰遠人封邢封衛此齊桓之治亂持危也罷馬以爲幣縷纂以奉鹿皮四箇垂橐而入捆載而歸此齊桓之厚往薄來也蓋王事終而霸事興矣陳赤石所言治封疆之外無如寬而有體供其困乏豈憂根本之日

絀登其人材豈憂仕路之太廣最是往來二字皆當時  
列國卿大夫來朝聘之人非實往實來名來利來之謂  
其人非必盡如季札叔向子產韓宣子之流故下曰嘉  
善矜不能然不特此晉公子於齊齊桓公以女妻之有  
馬二十乘及寓公之類與晉卿皆楚材之類皆所以  
柔遠人也則往來二字註中爲之授節委積亦一端耳  
凡事猶言事且須前定何況達道達德九經爲天下國  
家之重者道前定字亦汎指非達道之道豫則立防微  
杜漸之理狃漸忽微就不豫了

齊明盛服乃修身時下手入門工夫非欽明澄徹動容  
中禮既修以後事也凡帝王身心性命題不要講玄虛  
幻渺無處下手如高堅前後之歎

著龜四體將夫子一部易占與威儀定命之說細思之  
是聖一部大道理所謂著龜指人稽疑之本四體開反  
躬惕己之圖弗得以春秋時人俱能言其驗遂略去

所以載物節重在及物次節乃言所配之量末節是自  
然不二之意誠也純也無息不已也但不得謂不二乃  
所以誠也或問云二則雜一則純純則誠雜則妄故曰

不二所以誠也故句當照純字純則自然無息意卽在  
不二中帶出如此則是旣不二故自然無息而至於生  
物之多所謂旣無虛假自無閒斷以不二卽不息者有  
異通章要是至誠配天地功用之盛

洋洋卽費隱章之大莫載也優優卽費隱章之小莫破  
也兼大小不倍而爲言非爲禮而言此猶易明獨專指  
敦厚以崇禮則悖謬尤甚蓋尊德性節逐句分次尊德  
性承大莫載而言指洋洋發育峻極也道問學承小莫  
破而言指優優三千三百也致廣大極高明溫故敦厚

通書卷六

四明叢書

約園刊本

承洋洋節盡精微道中庸知新崇禮承優優節若謂禮  
字爲一章之主則修德凝道者止有道問學以盡其至  
小而無閒者更不必尊德性以求其至大而無外者不  
幾於無源之水無舵之舟乎

君子修德凝道所行合宜自然災害不及其身朱子所  
云非如揚雄明哲煌煌旁燭無疆遜於不口以口口天  
命也

盡性配知人至命配知天極矣鬼神妙於無形而吾質  
以不衷之法宜乎道之不相謀也看來建天地質鬼神

皆當如此講比擬取義者似非

百世以俟猶云聖人復起不易吾言耳然非爲凡民言也君子之德不靠位與時卻靠位與時不藉位與時者可考可建可質也必藉位與時而寡過者民可使由之耳使其信從非三重不可俟百世聖人之理豈一時之信從所及哉此理似拗然堯以是傳之舜舜以是傳之禹禹以是傳之湯湯以是傳之文周文周以是傳之孔子此固在不尊不信之外也

今天下節止有位字時字尙未有德字蓋就守府之君

通書 卷六

墨墨四明叢書

約圖刊本

言也東遷猶然夫子目擊當時諸如陪臣大夫有不忍言者特舉此萬萬不能改者由其粗以告之使知大統之義春秋天子之事所以存周禮也

殷禮之亡以周之興也右史左史記動記言盡已更置禮安得存

無堯則中之統不開無舜則中之統不廣無仲尼則天下萬世必不知中爲日用飲食之事有堯而僅傳舜舜傳禹有仲尼而天下萬世乃統知爲天人性教之祖然人知自仲尼以前執中授受爲二帝耳至夫子而其統

通於愚夫愚婦與學者之身而性教皆祖之  
人之傷人物之害物人與物又相害此出於形氣有我  
之害與天地不相涉似非天地有以致之也天地但能  
大生廣生而已豈知人物之相戕相害哉必曰相害乃  
竝育之則其弊必流於中商之刑名耳

口誅筆伐懼亂臣賊子之心與剡木爲矢構室爲巢以  
防害之心不綱不弋與封山解網之心皆欲全天地之  
竝育者也天地萬物竝育而不相害而不能禁萬物之  
自相害也故裁成輔相之功歸於聖人此聖人與天地  
竝立爲三也此句爲仲尼心體包括眾理而取象雖非  
爲裁成輔相而言然當併註之

天地之大仲尼之大在大小兼該上看出非就德字推  
出此天地之所以爲大也一句

君子不動而敬信此躬行之極也民自化之不待賞怒  
耳非謂併賞怒而無之也堯舜之世不廢刑賞此聖人  
之治與道

無爲之治毫釐千里豈無賞怒哉非之勸威非由賞怒  
也不賞不怒豈曰無賞怒廢賞怒民自民犯有司耳未



聞臯陶之官不設也

忠信不學究竟一鄉皆稱愿人而已此事大可憂

關雎憂樂據毛註則指后妃據朱註則指宮人以爲后妃求賢佐而已得未得而憂樂其義固勝以爲宮人當后妃已得未得而憂樂其義亦勝有以憂樂屬之文王謂文王當時未必如此思慕如此哀求也吾于春秋見夫子以善惡而爲君子小人以君子小人而爲進退用舍以進退用舍而爲治亂存亡以治亂存亡而爲鑒戒趨避其尚無輕於好惡哉謹好惡者於春秋學春秋者於

通書 卷六

學七 四明叢書

約園刊本

仁

富貴貧賤是說向外去與去仁仁字無涉後節終食無違說向內去將去仁成名又覺粗了前節黏仁末節問心極難領會

曾子嘗欲以思而體道而道終不可以思而得嘗欲以事而體道而道終不可以事而求故聞一貫之說無以形容但知其如是而已忠恕不是一人千萬人之謂亦不是心學套語亦不分一貫是聖人忠恕是賢人二見妙萬物者吾不可得而知也儻然四虛之中變而通之

與民不倦謂忠恕之心卽彌縫之府可也舍此別無妙萬物者已侔造化者吾不可得而知也確然依據之地聰明睿智皆由此出謂忠恕之心卽帝王之命可也舍此別無侔造化者已小大皆受當體而呈顯微無閒實觀自合忠恕卽天下之大本卽天下之達道人非虛寂未有盡空其心而一無所動者卽此所動之心環爲神明畢致之心而以正君臣以篤父子至平等也則至昭融矣人非下愚豈有盡迷其性而一無所覺者卽此所覺之性環爲動靜感通之理而明則禮樂幽則鬼神皆日用也而皆同體矣在聖人旁皇周浹以效其動而變化成學者敦本辨業以近其性而物理得眾庶發情止義以防其失而尤悔寡若此者皆忠恕也則皆道也一以貫之而已矣爲天爲人爲安爲勉看得徹上徹下方能融貫

得人非謂爲幸在得人也子游原非取滅明輔政此節語意政如陸象山曰監守司守令風俗之主若止於旃旄在前徒卒擁後之人是崇是獎而陋巷窮茅守正不阿之士或不之及則風俗何由而美子游只知滅明一

事風俗可想矣

此章書論相天下者須要才節兼全然後可以肩弘任  
鉅但曾子開口說一箇可以託可以寄然後說到臨大  
節見得無其才而徒有節也濟不得事夫士苟立志咸  
願以身許國假使沒有了這些才如受人託孤之責自  
家雖是無欺卻被別人欺了終是自家不了事不能受  
人之託矣如受人百里之寄自家雖不攘權竊權卻被  
別人攘竊也是自家不了事不能受人之寄矣故云可  
以託六尺之孤孤君是幼君託則身爲之任而不敢有

通書卷六

聖四明叢書

約圖刊本

所讓身爲之代而不能有所分春秋諸賢多適他國依  
人一事昔人尤重司城貞子遽伯玉其證也癰疽疔環  
猶煩孟子辨之以知當時因字之義則宗字作儀刑取  
法思齊切磋最妥

因不失親二句

固達二字愈穿鑿則愈遠固猶實也不過曰唯至誠能  
知至誠耳何等明白時說作固塞固闕之固於聰明聖  
智之上又有一固聰明聖智者不惟流爲聖智不惟流  
爲二氏亦流爲套語蹊徑從古未有聰明聖智之人而  
炫露洩越如時文反證之謬者卽作固有固然亦是性

命所同得不獨至誠也且此節只重至誠雖知原不  
固字生枝節

過言卷六

至四明樓

過言卷六

過宜言卷七

明鄞 華 夏吉甫 著

明鄞 楊晦遵大介較集

戊子歲獄中旦節述蒙難始末示幼兒凜咫

甲申夏五穀宗皇帝三月十九變報至驚悼躄踊念郡  
中紳固盛時富貴臣也祿養久莫習痛苦事或以家敵  
國足資雪恥屬意太僕謝子與沈太史介弟交諳其古  
雅想質性有授屬意在沈而太史公誠文弱然猶發策  
問難諸有心人視彼守財虜用多金巧辨其子行人刑

過宜言 卷七

一四 明 叢書  
約 圖 刊 本

死賄附忠節者稍異耳予無可奈何因會崔山兄弟倡  
同心哭從主死義之陳侍御良謨及殉妾時氏於鬢以  
愧居官者且作傳傳之毋諱毋譽已而踰年爲乙酉五  
月虜渡瓜步安皇帝復蒙塵浙會不守凡吾鄉巨望及  
最有時名自來作聲氣領袖者悉高擬俊傑識時務也  
呼類奔降攘臂懼後時失寵利予赴文廟肅拜慟哭終  
身誦文信國成仁取義四字耳郡中紳袍獨解素夷狄  
行乎夷狄大意擁當事鞶印庫往省上歡忭冀謝惶恐  
表適會稽鄭姚江孫以次舉義路隔不可通於是郵貢

士董志寧倡議乘機鼓同志邀刑部錢起兵會定鎮王  
冕綬視師邀子入錢幕委子險危艱阻蒙謗怨利害得  
失相闕倚悉獨身肩倖無償如調停鄭王爭盟錢謝疑  
構王錢受譏不相下佐吳判公措餉弗殃苦民令樂輸  
而刻期調給俾江上卒騰飽恨不一當虜又頻冒矢石  
躬搏虜牛頭灣等地不顧手龜面裂其事詳錢刑部寄  
謝諸札并子在營汎所附通家友及隨所委報錢刑部  
書中子家故苦窶乃以從戎急公務百爲行閭謀思滅  
虜朝夕囊益甚錢刑部不聰於聽子勁挺率真不弭謗

過宜春

卷七

二四明叢書

約園刊本

託醴酒別歸值日南至矣再七閱月師潰監國出奔不  
獲及紹興之變奉老母避虜定海鄉雁宕祖居地舊山  
中一百五韻未幾雉髮令嚴母懼子以身殉泣勉難如  
令因賦哭南都殉難儀部江右黃夫子海岸及仕魯太  
常武林陳玄倩潛夫以寓慨黃夫子曾司理寧郡子首  
受知每奇待子而潛夫亦出黃夫子門下又同子從錢  
刑部戰虜虜彈如拳大雨過頭上聲呼呼勿懼也能與  
世所言明哲違而驅其所愛共溺死下莊橋執居平議  
賊口噫監國左右及前後有位士大抵積勁骨擬茂林

脩竹沫唾忠義可源泉也而潛夫皎然孤死乎况踴躍  
投順更從時服色者野馬塵埃復精鍾四六豔語子疑  
此輩猶存日月霾曠方始耳採薇終餓非吾事也或潛  
身賣卜斷休咎以端人義志乎抑隱壺濟世恃古應驗  
方而治當今膏肓疾耶詣質關祠不許詢他焉者不許  
謬思守初服泣秦庭而復已覆歟則吉再問再吉念守  
正朔近惟舟山旅耳或不必舍之而從人異地儻項豎  
子善聽奇計勉修仁義安在會稽不足亡秦也養身有  
爲原速貧速朽語新莽篡漢惟不勝思漢者接軫興義

遂來孟子隗囂輩以起嗣白水六十萬滅楚賴三戶惟  
寐不忘報而終得誅秦王子嬰弱宋旣慘徽欽再慘厓  
島人之云亡邦國殄瘁則雖度宗二子在江東亦已矣  
故中興恢復亦賴有不度德量力者以癡衷勝天爭敵  
感天地宗廟社稷之靈也一絲繫鼎寧一夫不可以存  
衛尼父知道之不行而無敢廢君臣之義孔明三分預  
定而鞠躬盡瘁蓋賢者溺俗知者習聞與時消息千古  
一律偷夫動言李陵孟達李陵孟達豈可爲訓且事必  
不成卽關壯繆乃心昭烈猶思報效曹公華容道上膾

炙評口慕容垂雖能復燕而終以噬豎成胡俗魚羊也  
遂慷慨冒險渡海見兩藩無雄志遠略大言耳方誓師  
應吳淞歸正人尙疑尙忌無協恭美事意因默返棹而  
慈水大俠猶訛海上足剋期待也陟大舉走信王廷評  
及予子急奔阻竟以慈事逮予入鄞禁苦禁卒狎侮有  
枯魚過河泣一賦諸同盟各從所救葛太史盡排羣議  
得請原督撫曾令鄞邑今爲饑使者力兼賴署鄞楊府  
判憐才而始終邀董王兩廷評心血赴道訊五次陷禁  
六旬乃得出著有穽械破械死謝生謝等吟時監國職  
方屠明經董咸謂予得生果然天不絕明也廢食寢罔  
懈少康南渡思又聞監國尙在閩永烈位於廣魯衛吳  
楚編素復漢官威儀聿堅厥志風呼遠朋董母周誠賢  
母也稱未亡人久久歲受明節婦餼雖清吏隆重之不  
廢給母擯清給戒無領而日懼其子愈想明謂吾倚門  
望汝也先是原大司馬慈水馮及其兄天津撫兩人名  
下多奇士今半從清屠貴緣慈水可因將於虜信且  
有徵矣忽傳原直指李尙隱越山谷鬋髮絲絲可數號  
江東南各義寒若臂指而亦多虜中干城爲心腹屬予



走晤湖濱逆旅壯任氣殊覺凜凜乃與語曰公以羈旅  
處虜中俾遐邇感公拊循激發輸家財恐後暨易天目  
三衢五湖立許馳應曷不可脫免出耶曰吾待海上師  
耳曰吁公何見之左也海師不可恃久矣負虛名特欺  
虜不能辨耳曰非海師不能折虜不發眾響也虜師以  
舟山故論誠輸款矣豈他焉者足令懾服歟君能令蛟  
關虜毋尾吾後乎錢塘可飛越乎得紹興未必可守吾  
欲使越城望海桅舉火而海師見越火急移小壘渡我  
軍疾擣杭若耳迅雷不及掩焉庶幾集吾事也予曰公

過宜春

卷七

五四明叢書

約圖刊本

意誠傑終虞以海師債也近者義旅鬱鬱欲奮苦無創  
之者公陟從會稽起寧無各以力乘虜之促矜尉而奪  
其魄惟恃公謀斷分從義旅從台溫接關渡江指吳會  
且列卒戍平江悉定浙中地迎監國行閒會台上流水  
陸馳金陵彼海上岸自愧晨星附末光恐後矣柰何握  
肩項而仰鼻息於人爲曰天下人不可口說久矣子非  
儒家者流也大足用強爲我乘長風亦何吝子諾歸立  
渡遇馮夷幾不測復出眾劫者利刃下始獲揖大將軍  
座次慷慨剖指來大將軍曰君言信但不識箇指何人

將也應之以某某莞爾曰無名將耳曷歷虜曰世有李  
廣霍去病其人必獨當一面不向人乞援矣曰南軍義  
軍也卑卑無足論北軍驍勇然既爲虜用能保必背土  
如呂布乎曰刺原誅卓乃見呂布始亦誰信今重其誦  
正已矣必願背主吾亦何利曰直指果有作爲曷不大  
舉而猶賴我爲發難之是期曰不幸處浙又遇有舟山  
苦難破人胸中竹耳今受舟山禍最酷矣急動者身誅  
處井者眼血虜按籍誅良富必誣之通海使罔訴若難  
連受割也公亦知望公怨公且毒公乎曰養身待時知

過軍南 卷七

六四明 蘇詩  
物圖刊本

己知彼兵家旨也聞虜兵道孫枝秀能辛苦凡得報卽  
刻就道所過無聲真鬼神不測非可易視者曰孫信鬼  
祕然貪賄多慾不忠於清易與耳否則肯容公舟山營  
菟裘耶時微視大將軍有齷然狀曰虜知府更欺公甚  
大將軍似不欲聞自上視須臾曰師行貴慎重識時務  
也周文王三分天下得二尙服事殷直至武王一怒安  
天下誰其知之予正色云文王事殷殷臣耳公誰家臣  
耶大將軍面發赤拳毆子臂曰過子丑五年及壬辰子  
不靖安天下天誅予今且不爲直指發一旅天誅予直

指苟契約吾將割子肝以益饋膳其留子爲質子曰不  
定期相響應而僅發數旅塞責是誘使債事也恐不得  
獲食子肉矣子因得入越報直指諾而泚上師終賣子  
不肯動時七月閒事也或委風信或姑發誓或託整飭  
底仲冬而鄞外翰楊始從翁州至道侍御慈水馮職方  
姚江王斫案起大將軍兵躬會直指於越先是屠職方  
所聯北帥願出妻子爲質者朝氣欲懈子請得監國魯  
王海上敕并越中直指奉旨便宜掛滅虜將軍印委以  
堅其志一面飛羽會馮王一面同同盟奉吾郡最忠誠

過宜言 卷七

七四明叢書

約開刊

而最有巨望足文武憲邦者主登誓一面磨墨討虜  
恢復檄布告天下意毋煩海上師而定紹定寧也包無  
幾海上僅發師不過二十號又不及紹地三舍餘遙發  
火而直指及馮王俱猝不及應事遂敗適虜按過寧太  
僕謝甚不喜大明有恢復事發覺子及同盟狀首諸按  
虜亦搜得姚江王職方所棄營子及同盟所酌答帛書  
遂逮子下獄

家書

只可憐汝母子病痛誰知衣食誰靠苦楚誰訴如何過

日然而刻苦守志自有賢良管顧神天庇佑決不令無  
救也娘娘老年惡境誰與分痛做媳的須萬分委曲卽  
在姑丈家實是放心不下如兒不要東走西走儻林家  
來領則彼處有各房子姪恐其欺侮儻來領不去又恐  
入下流廢時失學我死之後家屬無妨儻丹老不負前  
言林家譬如撫養些須有助則爲娘的緊領身邊督令  
讀書學好亦妙宜同楊姊夫從長計議嗣後如兒不必  
任大伯家拜正拜壽及上墳賀節我死彼決無把你娘  
兒做人看者捱至十六七歲苟能成立自然好眼番也

通宜語

卷七

八四明華書  
約圖

週公公等忌日隨分菜蔬羹飯家下一拜否則祖堂單  
用香燭亦可盡心再女往王家十分苦楚矣又要淘氣  
只做孝順媳婦盡己本等自然相諒墨兒不死須要姊  
夫措處往學課算照管阿弟安慰母親樓上書籍或手  
鈔或套書或裝訂或草訂須整衣廚一口收好封鎖點  
點是我心血詩經春秋尤要藏好如兒會讀書則俱好  
讀之他日從王姊夫讀五經要緊卷箱內時文亦不可  
廢棄爲囑

明封三界伏魔大帝神威遠鎮天尊前漢壽亭侯

關聖帝君告文

維神功業著於季漢祀典隆於大明忠義歷萬世而不磨是非因更時而彌卓宋監簪教唐傳玄宗五代躋禪神應坐勳神有爲人弟者爲人臣反罔聞知神有信諸君者信諸友誰懷顧慮論諸命命有通塞而神持國運獨在存心律諸時時有旺衰而神識人倫無非天道操固漢賊也并吳婚無許春秋遺恨儻忘恥安能雪恥圖誠盟地也雖衣詔藉成荆襄不借必報仇始賦同仇正氣無非類之歎哀哉相奪予享命祀惡作奸之瀆悲夫淫廢不恭故像塞四垂外內貴賤凜辨森嚴而祠盈九有榱桷几筵恍聞歎息某等章句小儒夜行惕惕君父大義日恪硜硜自顧膚髮有因實難輕擲人生肝膽無幾得委不珍志士蹈仁善心俯仰匹夫不奪尙賴礪硯類聚雪腸儼然山社十人敦諾金之好千古顯砥玉之交特擬夏五朔朝盟神師保卜於後庚三日潔告史巫禮崇致齋宿齋誠表曰明日且嗚呼神武代上天凶吉必行善而是者降之祥黔黎皆天帝子孫惟處歧而爭者盼其赤今夕何夕不敢問隱祕於神明此心曷心亦

或借壺觴而涕泣神豈將牢不肯竢敢作過於先漢將軍赫赫在天視後代猶如前代作德與治否德與亂每寄恩慈於批點小書生兢兢處下舍吾君無復有君答不敢諂默不敢疑祇慎夢寐於慊欺是用肅虔預伸盟沐洗滌肺腑圖盡丹忱敢告

設醮祭鬼文

告爾一切鬼魂等眾凡爾等之死於獄而爲鬼也其生前罪過不過爲酒食計耳爲多得錢計耳腹不能飢則冀人有己所不應得之食而身不能貧則貪人以己所

通算書卷七

十四明鏡書  
約圖刊本

不可得之財甚或因酒生忿積忿成怒于是干犯憲條遭刑入獄而偶至餓死病死及主禁者受爾怨主冤主之賄囑而忽然益死寡爾之婦絕爾之祀亂散爾之父子弟賣爾之妻女葬爾肉屍于烏鷺蟻犬腹中爾有爲所犯之罪過祇爲飢寒未應致死且目擊大逆不道罪無可原者之定招必大誥滅等踰年必命恤刑及冬至用刑又復臨期疑宥而更有屢屢特恩之赦卽萬難原釋矣復官爲衣之食之俾終老獄中而有天年斃不若爾之可原可宥可矜可哀而反毒死無訴立殞莫憐也

是以爲厲爲疫而妄乞囚犯之享有靈時運卑微之算  
怨怨相尋殃禍轉甚爾豈知我明太祖高皇帝成祖文  
皇帝及列祖之恩爾罪人固篤而恤給爾罪鬼亦甚摯  
乎上元有祭中元有祭清明之夕霜降之後有祭祭於  
京主以卿大夫祭於府主以太守祭於縣主以牧令鄉  
祭里祭村祭社祭以至十家之聚各有祭主以耆老惟  
官祭則主以城隍之神欲使爾輩銷釋怨憤毋飢寒衣  
食之慮平貪嗔心革祛墨礙恐怖苦集滅道使囹圄空  
虛而旅鬼亦不作無祀泣自古及今皆無若我明之澤

枯矜死也而爾鬼眾亦可藉是以捐恫矣疇昔之夜披  
枷帶鎖號呼匍匐而成羣痛叫者何爲耶將舊鬼乎抑  
新鬼耶前年錢塘失守經今未盈二載而新鬼若是多  
耶豈舊鬼邀渥我明之德而重思忠義遂入夢中示哭  
泣耶將肆赦不肆赦耶吾聞鬼靈不及百年除齊侯報  
九世之冤漢世報十世之仇其餘多至三四年或五六  
年或二十年止耳崇禎之變放獄弘光之變放獄紹興  
府之變放獄雖死者得生地者超界有何舊鬼尙爾不  
瞑大抵必新鬼也夫新鬼無大失德其謀酒食其謀多

得錢意者見處高握權而有勢利者之率不避此形迹  
君子德風小人德草遂起慕效而相習成風乎或見在  
彼者之恣意肆行決無禍患災害而爾爲之卽羅法網  
觸忌諱不許改圖自新而鬱鬱坐死難甘欲爲今日之  
人固難也爲今日有罪之人尤難也而爲今日所稱有  
罪之罪人更難時勢實然爾可無苦是以齋沐虔誠藉  
眞人羽士之徒薦爾甘露漿香積飯煉爾水火超脫苦  
海或全靈返眞或託生正品勿仍貪酒食禍身勿仍思  
多得財殞命視在囚有一體之痛勿令刑者加苦視處  
禁有同冤之慘勿令憤者生嗟總有生時領得來之血  
性斷不昏沈死時帶不去之衣食誓無迷戀苟能忠孝  
粉骨應甘儻屬詐奸治亂俱恨廉恥澌滅雖生猶死政  
恐鬼羞與伍正直常秉就死能生又恐鬼不能近滄桑  
亦有變更而君父始終如一凶吉適爾翻覆而詩書今  
古咸貞惟不識學之人偏多公道獨衝倒山之氣乃足  
爲神盈世間行屍走肉在獄內毀裳裂冠凡爾鬼獄有  
心自然擾擾迄今醮禳陳祭悉令閒閒予不爾欺爾當  
從此脫離牢籠爾若子歆爾必自今立除怨恨今日寧



有我明之大仁在難猶賴皈依之超度爾亦受煉而魂  
無不之爾卽釋罪而苦無非道用陳悃忱肅伸昭告

輿聞又存書

昨謁家慈獲歸適晤某大罵天植殊失生平伎倆畢見  
然後知歲寒松柏之難也涵之云諸凡統屬周旋生死  
交於此乃定有一事必須覲談特令小奴走請吾兄諒  
無玉趾之吝

李昭武雁字詩小序

排雲痕漢獨麗日以憂照天下而或字人教萬世蝶

蜀官言 卷七

十三 四明叢書

續圖九本

長或字一貞乃心不奪志率出關兵氣嘹唳而聰有耳  
者炯其目霜履冰至雁過節隨自古羈旅孤孽所由雁  
字諷感也用晦生當更曆能不降若墨胎氏擬隆中梁  
父吟其志意固深遠矣而忽得謗膺吏議與夏共就逮  
用晦得立白不忍舍夏去而自願與夏同獄幾二旬及  
奪用晦赴輕禁乃共天放相淒其騷憤仰指天靡敢不  
跼卑視地吞聲所畫頸血難濺圍腰難折欲哭不可欲  
泣近婦人偶觸雁字唱和咨嗟有寫其刺割愕悼險患  
不能已之衷得三十韻焉恍乎盲乃左腐乃史牘乃孫

也其討賊檄乎露布沈乎弔乎唱乎以呼覺天下之人  
臣人子以鼓舞天下之爲忠爲義爲貞爲烈乎夫回顧  
父子莫虎若也張禹山謂昔伏草今坐衙大吞入畜小  
鱉魚蝦矣豈知父子尙猶迷性耶則必如蟻乃識君臣  
耳然刑死陣死不無忠鬼蟻忍食其肉與選懦而天罪  
之人譴之鬼非之之輩皆無恥行屍也不穢棄恐後與  
吾恐蟻卽不好潔若蚓必甘飢死耳乃知知君臣不免  
飢死知父子尙可威飽墨胎兄弟所繇受當世譏也且  
尼父立教教爲人也正學謂讀書幾年猶不識是字意  
是字無踰一也雁蓋侶正學而誦法孔子矣用晦不欲  
莊語觸時忌感雁字成詠折劈點畫詰屈離奇忽正法  
豔葩忽悲楚酸醜高雅迂曲頓挫暢快其所謂人者一  
者以陰寓微風凡用晦所爲不極苦哉用晦異禁後簡  
夏宜打破生死關又謂宜如顏魯公關夫子用金盞今  
捧雁字詩夏更增悶悶文信國坐臥三年頸骨元人刃  
猶見夢於其子怒髮尙繩束未去誓不受繫也如是而  
人其人一其一用晦雁字詩乃可讀

松柏不歲寒凋將母色改梅獨向霜雪呈葩矣栗烈人  
稟也妍妍然暑爍足畏也有胎蕊世不奇忍凍而傲先  
春幾令梅怯知己咨中庭樹者復因蕩風媚日感傷華  
質遂禁凝遠家無敢齒冷用晦於獄中詞愴梅花伊賦  
十春悔不入山採遠志和漁父滄浪急呼川谷浣花叟  
滌天下氛僵柳起臨平開黃河不濁冰骨幽姿顯亂繩  
必斬乎而烏乎今日鬚眉指到箸落

楊玄石詠草詩引

芊芊乎養人生意然豐廩焉安宅焉視國於蝸之角者

過軍卷七

五十四明  
約圖本

倍奢矣夜眠八尺日食數升則三復鳥覆翼之及牛羊  
腓字等語而柰何爲百草憂春雨耶只可莫焚枯矣屈  
軼誰敢指佞祇養山中草木年而無術伏八公精兵數  
萬正恐王景略審遵正朔輕塵棲弱使三十種瑞草爲  
之不靈

楊玄石雁字詩序

蜻蜓失謠蜘蛛鮮隱莫敢題門鳳而詠獄蟬心誠棘矣  
天放腹不合時宜夷怨原慣性與時乖其初預計偕卽  
著有蟲鳥一史識者謂同子瞻嬉笑怒罵也夏獨否之

獨罵似是耳洛蜀朔亡宋牛李亡唐翻翻呼引蟻墳  
卓而瓢裂人家國不顧視彼興唐股肱百工多文中子  
門牆也何河汾無黨名兩漢節義矢心天日也何可悲  
不可罪今鳳德既衰鶴不亂羣水落石出而不能不傾  
心雁矣豈僅重其能字歟天放中蜚語幾舉家殉難其  
長公實慷慨若狄梁公自承意欲乞天放兄弟歸養蓋  
習尊公家教然也尊公固當日白太傅耳與奸媚處而  
能不受其說第使仰視天令丈夫子足無媿卽卑視膝  
而不獲日擊鮮亦如飽太牢己況乎左長公難兄右天

通宜言 卷七

十六四明叢書  
卷四 刑本

放難弟茲讀天放處封城與印友用晦廣和成雁字三  
十律孤不飲啄飛輒哀羣瞻仰昊天心存甲子有何大  
謎而使人慘怛爾爾雖天放旦夕白矣然就禁亦三月  
而讀天放雁字詩無不知其留下於理於是三十律卽  
三十雖雖雁也積字共得一千六百八十去易策之萬  
以還天數多易零之一百四十以養靜坐無事而特養  
雁字補廣八卦遠取物象之缺謹於月令與比四始漸  
不乏象而麟竟絕書焉今賴天放橫見側出壁痕釵腳  
縱橫散斂以盡雁字之情狀曼聲乎靜市諠譁簇豆乎

續斯譜而銅琵琶鐵絛板唱天江東去遷客羈人無不  
可各以意以遇已何必不汨羅賦何必不首陽歌而亦  
豈謂廣陵散於此果絕

楊玄石梅花詩引

造物妬奇故奇必有屈曲險仄見而遇奇者亦必從最  
不得意之地無從告語之時及舉目言笑不可歡之曰  
而後精靈卓透譬如寶劍匣中飛出能夜非值不平不  
輕試也天放梅花詠著自平日習子耳久矣每憾不得  
一讀假令天放當日出讀予子不過一諷三歎斂其雅

過堂言

卷七

十七四明叢書

約園刊本

豔幽冷使梅能含笑已也賞不置口徒及膚耳能即詠  
以見梅之精神與梅之鐵幹孤枝而詠梅至百者之自  
見其百折不回之意乎年來文章憎命羽鍛網羅人如  
日叢荆棘祇合虞卿著書而天尚不發天放梅中祕也  
至去冬獄起天放逮下土而用晦目子向宰曰俱禁道  
感梅供舉陶天放發所著梅花百詠命用晦和而予始  
得快讀遂見天放心不他借舌不更氣志恪體恭藏惠  
和於夷隘參白豪於甫窮鍛稀放於阮慎和頤詞於坡  
脫有曼倩恢諧之玩而不黨勢湯有令公龔啞之規而

不慕仙必有茫茫千頃之可澄可滄而不與三君八俊  
講節義有古社稷臣之不冠不見而不與大將軍萬戶  
侯借武事靖節閒情廣平厲賦豈屑庾家枯樹烏騷悲  
處纂鴻歌戚寧曰傾城遲李怒則生側澗耶能致萬谷  
沸辭峭則壓危石耶恍乎眾山令僕分梅之貞而孟宗  
竹逸公柏傳梅之學而夫子庭前檀院梅之運而上林  
未立之僵柳神梅之用而再熟天大雷電以風之禾茂  
松悅柏住建共而梅如隕涕霜蒿露薤覆曷厓而梅將  
誰依天放百詠似翻成百世界也不和靖而中峯意禿

過宜吉

卷七

六十四明徵書

續刊本

髮入林歟吾恐天必不諾許矣蓋天生人於是時有勞  
人而肯有是時逸人乎嘗寄臬獄友人生限七尺五倫  
半潛恨又卽事贈友報甘飴頸濺啓視捫胸恍又有云  
讀書慕奇事憾不自身建東髮訂酬答嗜義飢忘飯君  
父豈博名寒暑芻衣裋得濯在執熱暇與商利鈍謹因  
序天放梅花百詠而掇拾附政并請用晦唯之

訂謝寅生姻盟

家徒壁立久左世眼而又以心存甲子謬思貞明晦之  
志雖誌親罔敢然卽許一二鐵肝石盟不無形迹自遠

盟兄駱翁天植每致親翁忠高義雅獨深諾重憐及幼  
子凜愍慨許愛女相字是惟椒山先生得此隆遇耳視  
今日稱多讀古人書或赫赫有時名與祖宗食祿以世  
者誰濁誰潔誰醉誰醒親翁傳矣未敢謂某足傳也訂  
盟於禁婬足傳姻而某誠以附而彰矣盟沐吉書卽命  
兒拜告宗祀未修六禮先肅一言宣譽一時可勝萬古

祭太巖謝太親翁文

著雍困敦之歲執徐接月哉生明因弟夏癡忠受福限  
趾狂陛憤不能奮痛不可前家壁立耳而又遭籍沒忽

過宜書

卷七

九

明叢書

約園叢書

聞變至奄焉怛喪欲哭則如怯死欲泣惡其近於吝藉  
長言代悲囑某絮酒炙雞率猶子忝孫壻凜恩醑奠三  
雅而讀其父夏渴筆文曰太翁曠神怡志壯腹達觀非  
其所爲性耶天年考終市隱避世意適而扶藜看雁嘗  
旨而目擊不鮮并可忘所爲革除遷改事非有子而身  
輕事足耶令子賢乃翁樂令子孝乃翁壽令子能立品  
而乃翁遂千古矣生而烈沒則已焉非盡子過也使有  
當時榮不如身後名則國人所繫幸有子也嗚呼爲人  
難而爲心不肯死之人更難爲君父而不肯死心之人

尤更難豈曰名存不走聲譽名不必起且以不測之禍  
博名而甚犯崇事聲譽者之忌恐愚或莫解矣然則營  
養豐平身貴乎豔驕人而權赫一時乎藏必不可釋與  
必無容訴之冤而赧赧逞胸快乎騎勢難下下卽遭噬  
非人膏我卽我膏人睚眦朝忿得則舉杯相慶失則盡  
室以殉雖冤毒於人實甚王者不能行之臣下亦未免  
行險矣天烏乎戴地烏乎履鼎彝法物兼非己有圖書  
黃卷盡屬他人無諸葛之智而云高臥有待無平勃之  
驪而云凌義非正無景略朱序之幹而云尊朔反正可

過宜言

卷七

十四明鏡書

抄圖丹本

撻指釣磔以待則人壽難期殲齊於遂則挽石無羣開  
眼入座觸耳皆穢日如踞鑪火坐針氈惟不肖子孫與  
人以祖父累世之貧衰而恬不知恥耳否則慘遇勢傑  
狡凶威吞計佔力不能敵時尚我違迫於無可奈何而  
尙爭尺寸土石草木并歲時伏臘甲子以徵志不可奪  
甘心受禍無悔焉庶幾心安理得還諸聖賢情眞罪當  
慰我宗祖何必曾印纁綬若國恩世受與賤身崛起及  
赫赫有當世名操聲氣領袖者方責其夜氣隄處下僚  
終身衿子與窮措大老學究及擔夫販婦目不識丁者



反怨其平且沈乎事親觀身事君親友交道如紙自然  
君父如棋談交利交勢交名交自然迫棄窮棄患棄害  
棄果以朋友爲性命而寧忍君父置弁髦殆至水落石  
出風疾草勁拔木發屋揚砂石而根深基固眼不眯瞶  
然後交道可講姻法可宗也此非實有君父之心能與  
爲君父而不肯心死者盟交訂姻於至險極危之日乎  
子始交令郎寅生親翁則於錢刑曹義署不踰日而寅  
生拂袖歸則以義署多楚咻慮美事無終也然而刑曹  
傳矣寅生樂孺子子不能不煩駱天植兄作合天植亦

過真言 卷七

三十四明發書

約圖刊本

以瓶義得貢當今仕諱未仕職諱未職貢諱衿以苟延  
一日之喘天植傲焉不諱而且決不出謁今離使者前  
日最文字相知之董令則天植傳矣惜予不足重寅生  
耳公論在天下是非在萬世寅生不可傳乎寅生傳而  
太翁可含笑入地矣薄言一匕聊展親情尺幅情長萬  
年此日嗚呼尙享

代友奠謝太巖文

丹鬚菱折莖草不鑽夜臺寂寞南極星沈在昔逝苦伊  
今殞欣目無慘異耳不怛聞梧桐鳳墜芙蓉鳴登橐駝

腫背蹲鴟發聲銀泉滌穢天笑驅腥況某中壽世故熟  
深因孝能友種德嗣馨煙霞領袖花月懷襟捋髯長嘯  
逍遙養生子膳問餘日擊能新俠腸絕世豪氣冠英婦  
能榛豸膝疊雲卿謂享文福收算遐齡載歎息聯井  
悲鳴人呼天只限以疚膺生如可贖百身胡云九泉誠  
逸隧路息咈登堂八拜爾汝郎君夙聆彝教怛化傷情  
愴翁手澤杖几紫藤銘翁口澤忠孝儀型深衣古褶總  
影稜層觥籌飛錯座酒盈樽淚隨卮滴感奮愾音肅忱  
頤盥登贈鹽琴

過宜言 卷七

三十四明嚴書  
均國刊本

與高旦中兄書

極承匍匐救援甚許周恤餓聞兼家情確傳不啻口山  
弟鏤心刻骨惟有大明銘肺鑄腑再見盟臺矣昨府招  
已成不強弟活此後喜無干連株累猶幸幼老大抵碩  
果惜尙兄填溝壑耳弟懼首領異處在早晚開當預謀  
全軀法恐未獲面吐縷縷上則祈盟兄協輔重光曠弟  
公眼下則祈盟兄玉成孤寡慰弟遲財儻因今日而置  
世事絕口不談弟未免死而猶視也家情大介頗能作  
好盟兄可與敷腹并鼎致督輔異日破格獎勵爲囑白

副吞正得禍更酷想盟兄定分痛耳丹心空報國白首  
忍拋兒此猶可解免也君前臣未名母在子輕死靜思  
眞如刀割頸爲國而刃腸因母而割夢入深閨慘遺卹  
角雖則赤心無改視死如歸祇願衣卽不燃薪猶能火  
況弟精神甚旺膽氣方剛詩書治鑄政堪作厲鬼豈曰  
後之哉天若二公吉凶未卜近來事多錯出竟若以油  
沃火又聞孫去則左右未必得力盟兄芾老或空滴心  
血耶盟兄義薄雲天作我鮑叔古人如王脩李默僅冒  
難埋友豈能及盟兄撫恤身後自當有天地祖宗社稷

過宣言 卷七

三五 四明叢書  
續圖刑本

呵護作配王家萬壽無期非單單令聞不已也老幼得  
歸爲弟致意芾老道氣何日忘之令姪虞老不及面謝  
尤禱祀而求者老先生耳告老淚顯於獄殷勤解慰不  
及一一伸鄙弟更慮天若二老歸日未獲一見矣情深  
筆短弗盡欲言

與塔王字日書

尊者喜平安蕭院見過候按院會審發放顛沛爾爾而  
刑罰不加身眞上天福善也曹叡云死如可忍我忍死  
待君忍死待尊者一面耳只恐按君發實質對或又有

一番苦楚從容就死一難至此昨讀木翁來札殊增悶  
悶夜竟發熱雙足疼痛到旦伯仁雖不悔死但昔日王  
太傅有由我而死負此良友之憾今日爲太傅者何如  
乃知昔人益死人於獄中而逃自己生命猶爲上古也  
府夾已自苦毒道夾至今不能下地勉強饕餮愚弄母  
妻每飯大半賞同囚耳豈若三公尙得快談不若我沈  
冥也昨仰庫酌給一紙特往家兄處問之果係華霞領  
附子藥價霞夏溷名遂起一番風波也罪自己作一呈  
家兄云無之特着人往查承發房號本亦無有今云者

過草言

卷七

三四四明叢書

約圖刊本

翁諸郎目擊想是柳下惠恐後有盜跖株累而前往告  
案以明別籍故有云云之批而今諱之也然可爲我解  
嘲矣乞致意瑤翁謝謝致意屠董兩公慰我懸懸毋論  
凶吉無非飼雀渡蟻也尊駕不能保出奈何幼甥諸人  
如何著落昨初七日府審歸獄有驚聞郎公被逮赴省  
一詩詩成旋棄道審日間府座明倫追一事至蚤聞適  
翻牀薦得詩稿駭其首句竟成識特錄寄政以志同慨

與婿王字日書

讀來札字字真摯令人不忍頽諷和韻深刺悲慨編管

什可無怨聲幾乎鴻飛易水也尊公卓絕澣內久仰不愧不怍果是真尊公形影我輩今日之禍亦只求不愧不怍而成苟安愧怍赤貧如我自可高枕無憂矣若瑤天諄諄以省呈爲囑每欲下筆殊更棘手視死如歸蓋爲頂踵難借耳復作字詞哀懇如伏乞狀祈某年某臺等語曷勝痛楚文信國坐臥燕樓十年謝疊山至甘應牛應馬而亦不免於死何如人臣之義當以王陵爲正平生未了留補後人養身有待只合如隆中苟全亂世此吾儒當學子路先正原非欺我子哭之曰天祝予天

過宜言

卷七

五

西明叢書  
續圖刊本

祝予斯言豈依前道刑後曾有一詩今特錄政若老處請教容再錄呈其令愛貞烈乃錢家婦耶抑尙處閨乎乞詢確賦言寄贈聞尙有十歲愛女前日道前言及偶忘煩并示我

與堦王字日書

來札慘悽惻及途人只寬解尊體爲上大介初一日來書云尙來按使審過被夾被拷仍凜守瓶心迹大白此二十四日事也等語昨又接廿七日來書高公無恙全賴尙老之力省城不乏志士仁人咸爲分痛卽兒童嫗

女俱至隕涕李馮二老大覺有愧撫院審期不遠等語  
知尊公歷盡苦楚尙存生命或者天佑善良大難得活  
願以此自慰尊體非特王氏關係卽予華亦大仰賴異  
日使小兒不墜家聲我死可以無視惟藉教訓玉成耳  
萬一尊公後來以刑辱故不免垂斃臣死於君子死於  
父誠是本心然迷而相死幾可絕系所以古人重繼述  
也割股嘔血且未必孝而況重者遠者大者俱在尊身  
昨舟州父子果確論也只目下保出爲上道文暗申我  
命旦夕近來全軀愈重異處不無惴惴告駁恐鞭長不  
及馬腹况無費無人奈何奈何附數言煩同三公酌之  
或大介在彼爲我附往何如

與晉王字日書

與尊公相友半生形影醒醉絕無相欺而總之以不愧  
不作爲期許故讀同古文同好學同志束髮垂老百年  
一日遇試詢案彼最此殿殿者忘最而且以彼最卽此  
最試作行世無不互吹毛疵塗抹匠意竟忘作手何  
人且晚聚晤言不及他惟忠孝信義互相勉勵雖少年  
時有優劣之好亦倡和作好偶有宋擅白沈陳齟齬一

事此平生一大罪過也及擅白忘矣飛翰受業門牆能以小謹取信尊公而我甚疑其心一時微有痕迹此亦平生一罪也外是則無不同文同倫中清中慮復中權矣國破姓更蒼松古柏歷久如新日者尊公一日十二時幾無虛刻到舍中渴談每以大比年等候揭曉爲譬昨我被逮早一日尊公勸我他往不意身竟入山不深辜我日者慷慨獨任之意今我被刑被夾尙在本土尊公他鄉之苦奈何奈何大介初一日書來云廿四日又過臬審被夾被拷仍凜守瓶甚惡吾鄉之多誣也來札

過直言

卷七

毛四明叢書

約園刊本

甚悉尊公情事凡鄉黨自好者稍知分痛而況我實同盟卽同盟無不剝心而況我肺腑又忝姻誼又共患難乎父子之間更非他焉者所能摹寫矣今尊公毒苦受盡向後自是生機萬一不保噴鼻薰香我特後時耳安知不作黃泉好友只尊公有佳兒我實無有卅年小犬全賴尊駕教訓令不墜家聲可與尊駕稱東坡少游亦足千古願保重尊體父忠子顯代不乏人如我明王忬被難而弇州兄弟才名獨擅一時孫燧死忠而世有聞人要在後人繼志述事雖痛苦非浮言所解而遠大亦

貴相期目下惟設法保出爲要省中調停未免太嫩尊  
公卽有見到之言豈有見噎廢食我微嫌尊公解省決  
無生理何處不可自裁而汙頸刃及獄死乎然我亦土  
人言木人耳身迷當局蓋勸尊駕不得不爾長歌痛哭  
非詩不可行當寄五七言也來札當寫數疊字待梓以  
雪尊公血性耳不盡

與壻王字日書

猶在圖中吾心甚苦屢聞怡然并不欲督過飛翰自是  
肺肝誠潔學問精純無累尊公大德鄙懷欽悅交全也

通官書 卷七

天四明錄書  
絳圖列本

尊公果得生歸喜憐寤寐聞會審出東山手揭辨誣而  
東山誣罔無實以此大白尊公則我之累友形迹亦明  
矣但院君一案決無盡脫而我又以府招冒名脅逼首  
逆致斬卽或布置等語然拷不出布置是真豈是哀矜  
情鞠兼之家貧力薄智識短淺斬一人以活二人舍我  
其誰我所由修身以俟也若老見諭到省再呈此在若  
老天老瑤老無有不可而我不特不可且不必矣只盼  
意三位畢竟等尊公實實出獄而後爲之勿太性急致  
統解杭州許多不便在我不過一死惟爭遲早且暮耳



尊駕出禁一事就是尊公釋然蕭撫有文亦決不肯無  
故而赦何日早出一日與奠令祖夫子問安令堂親母  
今竟不然徒使我得罪隣友耶我平日無得意事自獲  
交尊公外惟兩婿爲人合大美長婿涵之尊公卻鑒其  
主正盛平無以自見不禁爲才識所累不矜細行近了  
國難大徵疾勁不但險中氣骨更見亂世能臣若尊駕  
胸首腹歷每有文成尊公必持稿過我互抵掌賞慶舊  
年十一月間曾受盛朋幾諫號泣之規向尊公直述而  
尊公卽過我言之謂鮮得友益儻改心出祀易服結納

遇直書

卷七

天四明叢書

初四明叢書

是失德也人子應諫豈有如此而諫乎意將諫做忠孝  
而令做不忠不孝乎就不幸而辱身亡家毀身喪命爲  
人子者合苦不合怨我以尊駕言時之氣色體態及有  
無斷案質尊公而又共歡吾婿之主裁不差尺寸也及  
承幾次來札及佳句稜稜直上嚴恪不移悔不獲與尊  
公覲面快談耳舊年詩集一本乞設法簡擲至囑急切  
中要膽數作寄外故也元月八日祈一和來爲懇我因  
急欲尊駕出禁負大罪愚安得速相晤而許一訴縷縷

與瑄楊大介書

初一日廿七日來書俱已領悉。老火抵斃矣。以我二十日之夾至今不能步履。則卣老可知。與言及此。豈僅分痛所喜。某諸公爲之調停。不若我之舉目無親。業登鬼籙也。日望尊駕。眼爲之枯。不意道詳。竟於廿三日。暗申按院。直至昨初六日。方知大足駭愕。至使家屬到院。告駁無從。手脚奈何。今聞按院已於初二日回省。目下必有批轉。儻或依議。吾命旦夕安得至親。埋掩我尸。適纔家母一病。幾乎不起。母病幸稍愈。而室人陡病。喉舌又幾不保。天下零仃孤苦。莫過於我。今同人到省。告院亦要我附一紙前來。此非我懼死而爲之。蓋以寬我母妻之心。而母妻婦家必以有生路而我決絕以死也。外字日致尊老書一封。乞致之。兩番對簿。語一本傳示好事。諸公作一談柄。幸甚。

與丁在躬書

盟兄平日推食食予。買居居予。恤予全予。又累償弟負。又爲弟洵氣臨難。又救濟而身且多費。復值連喪。盟兄之爲弟至矣。卽同胞兄弟如此。亦萬中選一。盟兄其誰

儔耶雖弟今日之禍或無愧于天地祖宗社稷未免有  
不度德量力思伸大義之譏盟兄獨觀過知仁願捐產  
活弟自古在昔先民有盟兄肝膽乎弟被逮及今自謂  
情實罪當就僇應爾是以心安意肯絕無飲泣態前日  
聞八兄赴省不覺大哭今舍塏楊大介傳盟兄至意又  
不覺淚淫淫下也論小人有母不可以身許人今日玷  
辱名行無可爲母歡則雖生猶死久矣猶幸家妹夫許  
養老母天年而妹氏及妹婿爲老母所最愛頗慰怡色  
惟盟兄會時多方贊揚堅其盛德始終卽荷玉成不淺

適宜言 卷七

三

四明叢書

約圖別本

別妻不及中道別子不及成人尙賴盟兄他日垂憐小  
兒如官可讀則令讀不可讀則令更業然而使學爲好  
人崇尚孝弟重信義慎廉恥不苟且富貴功名或途中  
相見或時一賜枉或知禮造謁乞諄諄志志嚴氣正詞  
以督責之真猶子比兄弟庶無慚地下耳八兄未必生  
還乃郎亦願看願儻有意外生機再容悉縷前舊价身  
上所達小札曾到否再附數言聊寫守死之難破已寂

寞

與丁在躬書

弟自被逮來日日在鬼錄矣不自意延喘至今未能知  
老母尸饗事卽立春日賄卒歸舍一別宗祀勉妻子學  
好初未曾言到家需雖弟婦能不執此相瑣屑也至二  
十日道審夾足遂令人委頓弟婦始悉盟兄前後周給  
及就鞫并家餐所藉一一備聞獄中且言盟兄每到舍  
下慰諭吾母若母吾兒比兒不能不痛下沾襟弟之生  
命難卜而弟之報效無期或者此番舉動庶幾不愧不  
怍得見原盟兄耳論此事原委并非弟造之孽假令入  
山能深不過弟一身毀滅惜八兄臨難忽生怨言多出  
師母八嫂煩興罪責失弟慷慨任罪受刑無苦之深心  
情事到此不無可歎今成招斬弟而同人俱生矣儻前  
者日月再見可有榮高忠望及弟乎想盟兄所必知者  
弟總之不欺本心故書冒難始末及兩番對簿語留示  
兩兒凜凜咫尺字質言無一欺語日後盟兄爲弟訂  
定得鼓舞好事者一刊布幸甚其餘事體已蒙盟兄心  
許弟未敢贅言反多脂粉惟嚴訓小兒做一個不墮落  
品銘感以世也小詩呈政不盡

與丁在躬書

盟兄推食之恩竟不責報復拯弟於獄再資弟於獄山河矢石松柏指心弟抱愧無地也已矣不復與盟兄朝夕追隨矣恃平時之雅敢以妻子相累如兒志學之年尙隔六歲不能不煩撫恤儻善讀則令讀不善讀則令賈令僕此又弟無已之苦思也弟已玷於霍山且使老母乞食於壻絃妻幼子諄諄徧託坐令癡衷一旦受禍再託同心遇願舍親用言獎之謝之蓋舍親好名藉是以安老母卽同心之大惠也日月再光盟兄是係千萬保重雖盟兄目下坎珂殊甚宜圖大者遠者弗於費左

過宜言

卷七

三

四明叢書

約園刊本

右知交謬弟死以沸誚譏不盡 丹忱虛報國赤血漲微軀歿後憑然否現前準是非弟甚怙悞矣

與朱告公書

諄諄訪恤不避形迹古人曾載諸史今日乃信無虛史也辰翁且翁信義聚焉郎公家教如此豈非山河社稷實式憑乎弟死遲遲固所願耳然而苦弟小如逸弟不能示以此相囑昨讀家壻涵之書云璘岐奠三人爲卣老者至矣極矣各家醜資相扶大是爽利看此光景令人有不可不作惡之想等語弟豈忍卣老有此名色哉

爲公西之母請粟冉子篤友誼也原思辭粟秉狷性也  
索性分金多自與令鮑叔明知小人有母自是天下才  
不欺人做法弟固不敢令人自爲也而實實以古人待  
友一粒一毫受惠心苦周給恤飢拜謝罔極陶令乞食  
至思冥報相貽亦真靖節卓立處不屑五斗折腰而屑  
飢驅我去弟果低徊而慕矣但日復一日歷久柰何無  
慷慨引決之勇徒成鄙人耳鄭公廉官被累濟卣兄又  
濟弟弟何以爲情蒙盟兄破格周旋聞小价竟到宅上  
取米大非弟心踟躕殊甚惟指川原松柏稱萬壽無疆

過宜言卷七

四明叢書  
約圖刊本

頌謝也近獄中錯雜垢目汙耳鮮辯贈言之頌舊作二  
首呈正并辰翁均斧郎公一歸迫切示消息與弟囑囑  
諸惟銘感雖夢魂猶知稽拜

與顧順昌書

自愧平生無一分好到妹丈而負德實多既累妹丈憂  
慮又煩妹丈周旋更重妹丈擔子可憐家兄視同路人  
不得不諄諄相懇妹丈如此大恩上天必有厚報豈希  
罕弟來生犬馬耶如兒孤苦伶仃倚藉表兄弟勝作同  
袍萬望福錫恩錫他日好眼一看老母暮年苦楚兼病

痰火祈時爲勸慰至於身後事體家兄定有一番厭聽  
言語叫苦叫極罵大罵小令我寡妻弱子見面不可不  
見不敢惟在妹丈保全不使出醜可也藉妹丈之力老  
母延年日月再光則相知姻友如駱天植聞又存高且  
中高辰駟楊涵之輩心樂誼重無妨如兒身任力肩妹  
丈兼管當又有一番局面矣老母壽容煩令兄老伯閒  
時一寫爲囑審語已定無可別說欲會尊顏鮮得其便  
妹丈愛我惠我全軀乞憇愚涵之弗致苦弟弟日復一  
日過不得也惟妹丈哀我

與顧順昌書

妹丈許養我老母天年弟不但死得瞑目仍當報來生  
大馬也近又聞告示行解兵道審究亦未免打死矣打  
死與殺死何異乞周旋弟全軀爲囑幸勿姑息致弟苦  
死總之他日分付令郎弟以不肖之子視我兒妹丈向  
來忠孝決弗以不肖待弟弟爲明死伏乞憐之

與顧順昌書

妹丈歸寧弟竟不知竟失候問罪罪老母不健心中大  
苦煩妹丈醫養又獨令家妹服勞真是坐臥不安世間

生兒如弟誦詩讀書有母不能事而身陷獄中以愁老  
母以累至戚果然畜類不如也惟願妹丈福壽康寧九  
如三祝諸郎一路功名無災無難到公卿作爲善者榜  
樣耳道詳竟不落房竟于廿三日暗申目下定當批轉  
弟命且夕矣孔飾書乞附往

又與旦中兄書

此典刑前一晚書也

世事惟以安靜爲主憤心認真豈成良法令親元仲二  
翁厚藏被盜是亦髮指目裂事也到今日更覺有治容  
之誨弟不敢不恃以烏之愛而進言如左恐盟兄亦宜

過宜言

卷七

三四明詩書  
約圖刊本

用一逆耳苦藥乎自發覺後日有謠言到禁或云擡歸  
者大缶掘出者大槽不下數十萬金往來如織李發李  
塊縱然不實豈可令外人風影此一不便也當事之心  
路人所知必與相拗今日豈是卻金的世界此二不便  
也以動聽而令鴟鴞妄意室藏此三不便也諺云急犬  
跳牆保不令匪人竄入什伍以痛快其所欲爲乎此四  
不便也目下萬金之說寧無耳報鼯鼠不憐無米而意  
濃他穀此五不便也因五不便潛生三疊象有齒而亡  
其身一疊空言賈禍二疊一味自是竟忘禍睫三疊弟



曾受知於大宗伯況切世交覺得憂從中來非敢爲賊子遊說旣斷陪贓則不肯盡法矣發保押處則不可準律矣外府內府令親燃燭世情反覆究同燃指亂世不宜尋歹人到底墨上豈肯恤道理清白或者依弟愚見許保劉僕劉僕陳捕出外調停定議然後再押保諸人共完陪物而令親還宜大減初議以息外人浮議以解當事惑心而又以應自家物終久還來之轍令親何苦不一達觀觀而百凡鶉結耶弟耳聞目擊重念盟兄愛弟儻日後有他則弟心不穩而悔不聽蒯徹之言聽之而已

過宜書

卷七

三

四明叢書  
約圖刊本

與開年玉書

一生讀書迂師是字恐以識時務爲俊傑一語遷就作奸佞遂使粉骨碎身大虧孝道爲當世士君子所譏今初二日被逮院訊道訊無所不身任其死捨身全友十九日府招亦成旦夕開法場正法耳乞盟兄一慰我外母儻室人有志苦守萬望盟兄曲成小兒如官或能成立幸勿目爲清朝之子相與唾棄恐後也我室人自謂於令岳爲妹於尊正夫人爲姑或無得罪盟臺乎則擡

眼一看必有隆報罪人不辜想盟臺亦自首肯也卣一  
向爲盟臺欽重意氣頗摯因與弟同逮而聞聲潛隱不  
料入山不深從大嵩地方被縛解省字日先因父無覓  
處身禁且刑母辱家毀今挽朱令親踉蹌匍匐過省探  
視苦無依靠煩盟臺多方指引尚在可救亦須挪移救  
援卣一非負人之人而其家亦尚可辦也盟臺更便於  
慷慨矣非敢以小女之故而妄薦顏面耳張舅頗願於  
獄銘甚銘甚不及祖餞以此抱愧令岳前乞致聲

與張孔飾書

過軍書

卷七

三十四明叢書  
約園刊本

出師未捷身先死長使英雄淚滿襟千古孔明誰能癡  
望然不瞑目古今一律也總之誦詩讀書良心難昧丹  
誠無改視死如歸東湖樵夫補鍋匠溧水女子蘆中人  
陳東廚廝輩與他何干大凡忠孝事要真要決莫錯認  
識時務爲俊傑遷就作他日奸佞也平日以此爲人卽  
以此立教百分果斷臨期止得一半賢弟於此徵學問  
徵涵養莫聽人狺狺呶呶也一生師弟無他相託小兒  
如官有通家兄弟之誼時一看管督他學好成人涵斐  
肝膽鐵石向來心銘嗣後或年惠米贍我如兒待其成

立不過六年如兒有知定能補報且可與今日恤我妻  
養我母者共作嘉話有賢明有高弟樂事莫踰是在賢  
弟玉成涵斐耳字日可憐生父外公都爲明死小雀山  
石交無令渝盟賢弟亦宜十分保重千萬珍重涵斐不  
及另啓府招已成我於己名下押忠義二字決無干累  
趁今日未死或得獄門一面以代把臂涵斐不妨回來

過宜言卷八

明鄭華夏吉甫著

明鄭楊晦遵大介較集

詩

奉贈高郎陽公玄若一十八韻

一聲啼鵲萬山赤錯雜披丹眾彈射珍重秬鬯不易祊  
絕通天地紊三尺餓夫扣諫羞裸將鎬豐倫著流言叔  
率育氓蚩皆帝系城野呻吟豈戰哭抱孫哀父泣中身  
忍縱豺狐殘骨肉牛豕橫眸難異同混混濁奔砥柱獨

過宜言卷八

一四明叢書

約園刊本

恐汗僞署棄平原倒印司農憶舊福憤對嗟囚上下宜  
斯罪生成原莫贖拘縱視扮鬼伎倆剛直何勞能白黑  
臨平湖塞大人開貫索星輝元老色重新楹楨問曾孫  
稼穡圭田祀仁粟嗣徽演商庇阿衡功祈師保跪投桔  
勁挺梧桐穩鳳凰汎愛苻藻浮鳧鴨洗空野馬愛土臧  
出腹經綸陪奠祿佳兵堂正潛兩丸焚掃背芒望衷甲  
名山草木慟長年梳剔冤專纖手狎領袖健鵠呼角鷹  
灑血飛毛啄怪蠶考時逢可勢如吞樊籠掠翅渾忘折  
戊子姑洗閏月既朔擬古體三十二韻奉贈高四

盟兄晨駟

有序

人已交氣格理無罅淵淵四山中寧鮮枝棲終  
如登泰山頭痛赤土身熱无妄之世狂誠階厲  
猶亦未敢賀康每憶西海赤白石石打石石且  
潤潤盡火燃炎起數丈至永日奄之以風而火  
熄還石如初夫風滅火火出潤潤乃在石物以  
感遠爲貴恃才倜儻苦向霄漢辨優劣臥龍先  
生所繇寶寧靜也四兄戀舊甚寒暑一思標氣  
不數玉界尺未嘗絕交交自絕肯是予坐獄事

過宜言

卷八

一

四明叢書

約園刊本

頻顧予十年望實一旦知己又終日危坐正視  
無一言退而尋之幽邃篤其情冷落濯其色迫  
窮禍患害蒙險獨立違眾相憇倫有五得勿自  
潔自哲亂節有三得弗淵膝靡意到賦成筆止韻  
止皆以寫吾心之奔悅也

眼窄無受汗剖胸納天下層陵切霧銛森壁爭霞啞心  
不險山川氣乃源拱把乃知靜遠者因景裁交雅赤雪  
襯金盤黃流輝玉翠側珠形我穢製錦美容捨誦讀惴  
忘君咨嗟昂罪姐冠峯虎眼泉衰樹魚鱗鮓怒特祠貞

棲孤基戒苟且湖蛙欣默殊巴獸懼工寫別調可氤氳  
冷寒何脫灑精神負日暄俯仰除風惹飴死足丹候歷  
艱揮白打任真坎窞樂卽理彌縫寡顧思同旅語瀝血  
和歌假幸不絕漿鴛胡爲波野馬或好精物隱宜憑降  
神蝦烏乎睡蓮淫莫起眠柳者靈鵲媚放舟喜蛛驚飄  
瓦敢教稻蟹豐頽倚蘆鴻社曰變七出甲爐烹三尙赭  
滅米功非細枝撐體並擔君豈勞稼穡親瑣謹薺榎密  
遲孝友璧暗鍛忠誠冶汎愛籠檣櫟浮響危屈買霜鬢  
丁謂慙璞腊卞和踝折翮傷膚愚牽蘿補破廈款識確

過宣言卷八

三四明叢書

約園刊本

獻慶須臾避蒙苴寅賓丑漏盡光國觀重正發省象緯  
逼字占文炳也哇哇水聲唱曲曲山築間設法在哀矜  
含悽休伎畧

賦得誰肯艱難際豁達露心肝奉贈高五兄且中  
有序

高五兄稟性靜專卽傭樵莫知其介弟也雖抱  
膝益州圖鬚眉矣頻入狂訪予勿慙勿慰色諭  
已耳示扇書矯健頓挫方舉配其人意槩稜峻  
和身氣力盡下而腕勢飛舞接對後時憶其孤

情奇諾頽倚危坐離立肩隨聞轟轟如鍊金石  
偶讀杜律得艱難豁達等句陡悟若贈賦二十  
五韻私誌過宜人選交有道毋許渭來濁涇甚  
摯矣

誓虎碑仆虎入城誓虎碑豎虎呼渡截海山形如堵牆  
五丁勇鑿夜猶寤天平矯枉縱驕子人急鬚眉將帝妬  
松不屯煙嫵枝潔澗惟岑寂洩泉素上重下重影帆翻  
方壘員鬣謀角怒涸漏枯鱗遊沸泉峯高雙雁赴回戍  
竈鼯同穴苦江南笳鼓一聲忙隈路嘅口悠悠匯噫河

過宜言卷八

四四明叢書

約園刊本

簞醪脈脈嗟瓜步愁雲結雨猿抱哀紈扇冰壺象筵布  
籌筆驛荒穩臥廬賣獸街出雄剡注二分四始蔽塵氛  
八度三關爭章句日色虧迷渴者浴漢章散赤癡能聚  
爲誰激勸躍小劉總此心肝師文潞況弟魏君友侯羸  
又況蘇子憐董傳羣狐鳴繞書騷咄獨鷄掠來垂翼笈  
窮思爲厲訟徵幽耐得體殘攜自裕射的曾聞築卸亭  
當關慮媿知經庫殘羹冷炙潛悲辛髻雪髮星證愕怖  
依醉謀身足忍堅生逢閭位皆奸忤德衰何俟楚狂歌  
曲誤終須公瑾願誰曠遊鬻養玩世莫瘼通籍專聰數

我甘捐殞答庭趨君唁贖生延祭胙幸不兩騎諧性褊  
若教鳴鼓刪旁注艱難豁達叔牙知信偏貞嚴樂克餽  
品到可傳交道顯玉予立卓銘顏鑄

奉贈丁盟兄在躬

有序

盟兄周急成性只予一人壁立矣入獄來久不  
家累得內書獲續爨煙拯踰未難炷香展謝賦  
傳如右

外巍外煥疑規矩手覆手翻險面背瘡眼誰勤剜肉心  
際艱獨更鍊肝肺鸞鈴寂聲化吹簫車笠夙期膠與漆  
怒臂悻當氣聚憤羞看蜜啣類相率是葵耐曝寒烹爐  
骨肉剝膚沉羈孤玉食師師憑作威愾京愧我急商浮  
諾金輸君學愚賈嬰杵玉成丙狄譜辛苦臭蘭渴捧日  
散疏滌氛岫峯雨

挽趙天生詩

有序

天植簡余趙友天生諱景麟鄞庠生向無慕時  
譽鮮赫赫名丙戌墓封陷肅衣冠獨沈甬許迴  
別當世知名士家急斬水救之出膚孔見血者  
彌旬駱面交趙耳適聯牀慘惻慰不發答祇張

過宜言

卷八

五

四明叢書

約圖刊本



目稱抱愧今竟以此疾逝矣予志之曰國篤恩  
鬢淪胥風靡安得百趙散作天下晨星錯落式  
南北萬情奔悅予且矢文廣招隱耳不意志言  
比興酸楚寒澀腹隱簡嚴私存笥帳懼傷今日  
子雲未敢自高伏獄謂無慙傳趙也

世艱催白髮頭黑恐搖心力薄矜聲譽神怡慊影衾氛  
靜堅持是風喧我願瘖踽涼譏性褊通脫曷淪今汨羅  
無苟且泗水確干壬雲漢衣冠色鬚眉寒燠森論交因  
臭味贈句出呻吟一日足人品賓君萬古名

且晨八韻

單心存甲子赤血漲孱軀俯昔悲遷就違時別否吁帝  
咨元日重月正面南殊竹簡詳巢鴿椒盤負哺烏果誰  
肝膽薄同患是非愚毀辱訴憤慘捐殉絕寡孤篤論敢  
問黨論品懼嗟觚死法倡吾拙前編錯怙迂

二十日向道對簿受夾脛辱有作

祇因頻念祖摧壓勢多端弔唁拙詞答堅貞無色寒如  
憂舌喫血故毒足盤跚目眩花旋黑身孿髓並剜未瘳  
心疾困索遂肉糜歡世事蘇門嘯人倫蜀道難夢中能

執爰醒曷溷追欄悵恨闈傳語將毋文士殘

閩郎公被逮赴省

碑絕表忠仆辟靡堂成醉白忘崇墉捷泚唳鶴晉朱序  
福塞噉鴻石戶農猶望克來號素縞忽驚郎困獨停春  
傷胸霹頓無脛足目暈燃金光冶鎔

古體二十八韻別霄虹盟兄

有序

霄虹臥處雲壑凡百置之度外眞蜀葛寧靜不  
啻矣夏與風雨訴心每出腑血以藥我啼麟笑  
鳳今日何時念我石交割肝爲贈

過宜春

卷八

七

四明叢書

約園刊本

百舌巧淫春簪耳翻人意顛倒播是非花長子孫魅得  
計在昏曉鑽窺幻作吏腥風饑餘餽則倣敏童特主張  
居夷盟典型就殄瘁鬼域原藐祖誓不共天地誠知橫  
槩雄終遜荷鋤醉乃苦心拗憤舉目觸荆棘焉能待高  
秋枯槁一焚熾鸞術拙藎臯教梟起貪餌血性奉至尊  
悲辛卓宜義身不恕下體龜勉滌形愧上士惡通脫恐  
從潛莽懿隘弟飲跖泉攻徒宰壽費戛妄棟梁骨中庸  
險危崇紙薦入雲漢按繩凜隕墜摩戢土陷渠忍過君  
如寄耗家養豔藹沾泥發祖喟求甘竊雕飾靜聽揚粉

膩附鳩蛇無禍慮，苟且忌絕裾。怛慈母撫時，我魂悸  
吹索所悚惶。陡汗喘兩騎，旣削成文錦。赤紱困別劍，力  
怯博浪椎。羞來面着瘧，道學受束縛。呼穹展幼嗜，夙昔  
訂告過。特達賜懲忿，靡他無諾責。旨簡爾我恚。

被逮

四月十六日有序

識時務三言作隱恥，上珍喬木家多棲止焉。低  
牙星戶覺問影，不是甘讓俊傑弗居。果掛論議  
卽家非長貧，或積愛亦懼拂井上塵也。心目孤  
冷聊詠以破落窠。

過真言

卷八

八四明叢書

約園刊本

雨餘宿語語，蜃市四塞暈珥不肯風。視袷來憂卜訕唾  
順奮行慍集，衰充驚邀仇快呼羣。惻泣近婦妖怙獨聰  
魂定古纏深省發，經營齊力答蒼穹。

卽訊

瞻烏雄失鷹蜂螫，飴饒何勞吏怒嗔。諾腹尙慙車過痛  
饑腰不折米呈醫，支難共慶聊且睡。考作吾堂慨予屯  
憂國指孫身竟罹，敢安孤孽冷傳人。

陷獄

四月二十日有序

封城戍募納子柙，無可屈伸作蜿蜒。狀吏不忍

子奪之出與共臥起卒莫肆虐錯落諸家供  
簞食呼縱漆面臭惡囚各舒煤手亂搗盡

一麾緹引昏驅檻鍛鍊思奢拙受辭力怯縛雞儼阱虎  
聲羞蜜啣暴鍾蠡掬爭匙麥因時盡封局砧魚凍夜其  
未了騎箕同不汗吞哀祇夢毋攜噫

備餐

四月二十二日有序

日記收放姓氏候司囚默判禁卒舉筆山重各  
囚無一知書遜予雄逞所長日書三層莫敢奪  
備遂獲食家食無他凜

過直言

卷八

九

四明叢書

約園刊本

不習視成蒙袂慙瑩肌汗漬漆眸盲離離雁黍嗟何及  
簇簇蠶絲素莫縈監曆備餐投筆慘多參罪嘆屬垣驚  
淫思孤注徒蕭壁索共樛蒲一擲贏

烏啼

誰毛草穀代天驕巢覆蒙焚往教孫跪楛憾前多救法  
避緇觀止歎奔濤林鳥曉議烏衣笞棘狂昏陪動股蜩  
未拙投繩身繫纏驚鞞聞鼓祕皋陶

雀喙

狄泉野井水之濱往史誰虔小楷膳埔訟角穿行露畏

餌慙啄願墜枝口沼吳蛤化西施舌報漢鼠羅蘇武膺  
予美報祥青白吏起扶石柳續春陵

靈鵲

意潔蠨蛸愆酒莫於樊蠅止伴然吁刑新用罔奸山犯  
信謗流殃禍木屠承反狄公生謝狡怒狂箕子著疇愚  
困藁斃斃祥瞻鵲循吏惟今祖莫須

喜蛛

憑眸赴想百疑纏痛定悲增顧景憐屈柳問對開獄繫  
周來組織動民煙地存三戶倡誣習江渡入千輪給鞭

過宜言

卷八

十四

明叢書

約園刊本

綿飈絲垂神護摘雲霓耕市昨啼鵲

雨淫

莫禦江河鹿豕居踰汶踰濟目愁余墜淵瘵痾簷簷汕  
濡墨萋菲咄咄書自覺隱懷耽懶訴亦癡情種怯寒獻  
首蓬櫛雨休膏沐出日思癡愆絕裾

月皎

改歲樂飢忙夜月何緣冑此挹清輝入胸粉白冰堆雪  
袂體霞丹電戀磯塞馬應瘖鳥道滑屏騶舊繪豹文諶  
淡煙領袖塵氛侶極目微前對照祈

蔥感

歡母屏書薄草玄春王以朔峻防川愁同幽憤編蠶史  
迫嫁舞文案鼠篇文髮千縷思慮百寸肝五鼎食烹前  
斷葱指指頻驚嚙會渴磨盾慰銘燕

蒲傷端午

不識厲階券虎符虞庖薪濕釜寒呼披心璀璨丹砂汁  
論血銛箭白賞徒猛裔入秦午誕貴捷丞迎漶未征娛  
獻身草諫追時賜莫止離騷哀怨劬

籌唱

過官言 卷八

十二四明叢書  
新園刊本

天醉能醒際仄平淺憂弗恤愛腥聞李迎貫索穿虹螻  
忠顯柏人化碧氛殷迓果頑洛誥諱呂苛曆促漢章慙  
阱鎗徹夜影如喧漏唱籌籌速舊听

旦漫

嗣子未應萬歲夜其然改適恤無疆生能庚戌傳皋比  
占到甲申果蠶殃蓬玉敢聞君出入京房徒卜國妖祥  
盈城蠶土蛛蜘蛛隱扣角短衣盤錯香

友囚

木子土汝聚朋鳧樂竭敢輕送子軀頂踵是葵操蔓鈔

賢愚溘露異脚躄桂枝宿辣霜溶液冰骨敲寒燄鏤珠  
囚坐擬疏肆大旨叮嚀合毀卽完膚

納蚊

日照不繼萬壑濁玩微如豢市幽隈悲潛屋社願膚剝  
夢憎庭幃聲母顛序暑飛羞夏小正黨時曉夜殷其露  
朋來被底阿房誦佞蔓窩竅利喙推

賦得枯魚過河泣

四月二十七日序佚

枯魚過河泣道傍知者惻何事爲枯魚圖史癖酣蝕矣  
茲霜露心迂脩烏兔牒肝肺答祖禍意氣傾交識願農

過宜言

卷八

十三四明叢書

納園刊本

靜雀羅歡母嗟馭叱曉霞旦門綺夕影鐙室白秉桂耐  
福幽棲藜咬苦節忽然瞳陰羸慘此含沙射首繫困檻  
窘身楷死灰溺篆籀囊木災墀堞膚牀剝勁孤遇愍凶  
血性乃縲綯籲哀問霄漢說刑眼晨夕鏘鳳輝古今編  
蟻渡頃刻因騰午日虹翼祥六月雪誰戴下車馬施澤  
被囚狄獲踵武襄知再見崆峒活片言盈庭肥引手援  
溝瘠繩繩南國蠡栩栩莊周蝶獄上鄒陽書庖烹召父  
割呼天邀耳淵漫夜咫顏尺迫昂阜極懷遂奮習醫乞  
賦得百祥奔盛明

五月望日小序

讀杜律有句觸目兼獄中賈民占歲誌感

元統百齡天待罪雨血雨毛首譴每純氣樹人贖自新  
洗月浴日補過乃平雄逐竊悲塗炭合章雷電腥風改  
瑞從天降地出奇禮止山居川汲採靈貨洋洋百物職  
禹貢靡湛王會給免穎曲折醇氤氳鳳鸞摩空歸慈愷  
臥時閃鑠鏡殿登到處哺含報章鏐日恫合暘曉虞陰  
假之憂照春光海自昔干戈書有年難民何辜聚殞假  
帝痛沈沈恤艱食敢誑循良侈富賄蠹爾私肥殄吸鯨  
嗟民伏感償身醢因多慈慘產豸軼設法生成嚴舉劾

過宜言卷八

十三四明叢書

約園刊本

患同閔愆溷祥災睿智武神更精彩貴人社稷慎樊棘  
鵠烏飛遠呼韓壘奇教易伐著孤忠靖難周公孺子款  
衣冠雅澤芊綿綿七鬯嗣救天下宰至今鐵鎧俱大仁  
山色鬱蔥洙泗洩蕩穰當時戒盡敵念祖曾民容蓓蕾

賦得虎欲嚙人不避豪賢

六月朔日

出穴狂爪牙依嶮狡臥睡餒嘯目失盲怒撲威加翅禦  
侮尙赴赴梟鸞合分異胎成不反顧矇瞶盜天醉是以  
繡足文慙愧瀆丁字亦云炳革祓怙頑靡益智憚人枯  
無膏孽子疚藏恚列士表桂蠹孤臣惴別劓鐵肝售毀



決彊項失軟賦視耽無暇緩饒來足甘飫一聞腥風馳  
信非典型利之山險與枕之川傷棲崇城市猶料鬚柔  
毛萬針刺秉姿妬君子慈愛反羞偽況不餐露水何知  
寶饑餒骨肉滿眼甘徒步似憂置謀生全用虐小大可  
殄類久安天下聰亂命害忠義禁錮鮮否羣慨發佃漁  
喟紛爾秦家客屍呼驚痛瘵腸膚已葬腹尙復銘倚庇  
羹膾四聞起旨肥毒所地喪心邀首領左右覃爨羹安  
得北渡河威令搯吭避虞豈在林宜乃忍狩麟淚身遭  
履啞驚急書箴騏驥惟令氣深穩逃遠倘儻忌曉夜慎

過宣言 卷八

十四四明叢書  
綉園刊本

其之亭千免開議獨醒在抱膝暫以杜觀思

穴城倖別日再鞫者四困持甚初逮時

出獄後六

月十七日

迴腸曲折安危撰抬履應輸袖艱按項勢吞殘莫塑  
捐軀坐爛辱難刪隱憂詞遜多臧憤準古身殉誰我慳  
烈火焚肌寒骨勁重悲往壘立矛孱

因別同人及董幼安王貞一兩廷評

六月十八日

夜至丙

初就逮咸如疫子弗敢近兩廷評問救至錯襟

纓迴旋出獄敢云天幸尙未釋黷者意自問不  
測覺淫威惴惴呼小子啓手足已囑別同人擬  
明日懸弧載旦

史曲佞魏諸葛寇伯夷非武文無謬託孤心許渾賢愚  
高歌易暴吾君狄裘釣踪邁似戀新褐談扶統登天晝  
眾人國士欺彼己天道人倫序婚媾冒漢靖難異姓死  
鍋匠傭樵方幅齒血泣成王祇自焚餓虐伊今燼葛蕭  
正氣巍巍歌信公彌縫汲汲誦夫子夷居忘陋素其行  
昨召胡然藐未已尊慕后倉崇明哲敢驕蕭壁寡廉恥

過宣言

卷八

五十四明徵書

續圖刊本

共母百條慶煩杖爲眾子子何所思斬衣中柱弱不勝  
殉身赤族敢同疵雷老魏澤殊難事不媿復生能爾爲  
破械後爰歌章表

有小序

郡判楊公署鄞與鄞無苛幾空禁宿草詎今日  
見此循良其拯予生歸尤徵卓異迴思虐卒肆  
侮毒威叵測時豈吝階趨百謝因冠章大費處  
分虞譏相鼠惟懷隱心視公祁奚視己孟博私  
形篇什以紀惠我然而公傳已

尙吝定驚魂錯嗣開與午忍渴雲霓蘇纏綿甲庚蠱百

痛斯民貴須賢彌寧怒獨醒歌高堂隱濁鎗雨許肅肅  
貞執法馴下淑媚斌堂吏枵牘案野民樂耕土虛園貫  
索城莫嗟杵臼窶鵲草瑞於罔麟騶詠成社翳夏遭悼  
疚以罪納阱罟澗峻期必入胃籀何足數赭石壓蔡色  
播氛排薑腐貴力懼膽惴俠契捫胸苦浩歎室夜央吞  
聲庭日鷓毋饗爨不與癡餽餒幾誓出卜粟誰握登聞  
圖嚴拄傲訥愠固窮呆思危鬼庾霹惠黃河笑慘溥賈  
令孔塵撥飯始粒電鑠雷能兩顛惑憫重繭片言奪遂  
塢熟視彼彊幹粉飾文怯僂從容盱餒灼險猝勉恃怙

過宜言卷八

十六

四明叢書  
約園刊本

履尾不受啞加膝渥以醺憐絃至憐目飮面能飮腑慈  
智憂蓋益武神劈兔斧觀過民衽席麗照星環堵美事  
留碑碣文章起岸黼京京室不媿增重昊天譜

楊公救予甚恐位力不稱且恥獨爲君子而郡伯  
頗著強幹聲前往分美旣失首肯後懼拂上官深  
文重督過公一不爲動從容奮怯以沈猛勝慷慨  
予得脫而公亦無可議故有熟視彼彊幹諸句

爰酬纓被

有序

貫索星失垣寶董子若思首醴金書致王八盟

兄始嗣林子霞舉趙子西星竭蹶倡多友誼葛  
初上大史篤布衣交排郡議代訴前鄞令手援  
必得請乃已至卓絕古今文舉幼安德祖卣一  
矣

注水平地性所瀉字祇四輪聲在把逐鴉迎鵲紛多事  
輅卜何如塞翁馬慘彼姬生排牆馨羨慕阿家壽聾啞  
山閨桂露天上漿稻蟹肥鮮善價賈搔首憐頂復憐足  
口無可語掌受打與我共心氣慎深輸君雪白脫沾葢  
念田殷殷急效穡乃給耦鋤終畝假垂螟方孽錢鋪拙  
過宜言 卷八  
十七四明叢書  
約園刊本

井烏許石謀聚野一時望實掩耳趨訂古真卓交情雅  
骨肉封城滿眼枯頓足分陰疼及踝尙寐無生寤腐癡  
僻纔出穴怛天下自是不忍寂寞余觸畏露行念聚者  
胸不合宜合屢餓筵座驚談綬若若陸沈旣非緣木錯  
杵曰定釀供祭舉

丙戌五月二十有九日太白晝經天次日方營潰  
監國魯王出奔客歲夏閏來精神廢於一旦小僞  
敢生呼悼傷礙君子惟私守伏臘題得意寫身經  
目觸偶留流覽而已

壽鏞案此段仍原  
稿乃下詩之發端

山中一百五韻

有序

得竹二十箇擬交戰法互以梁翦茅覆之用稻  
稾繚垣特不障其南留與萬類同煖寒也中奉  
朱几繙圖史賞罰往事無坐論謂力不任耕稼  
聊戴是以全亂時性命卽命之曰戴廬丙戌歲  
踰端午再旬颶風朔馳頽勢如挈嗟夏茫無安  
頓賦此誌慨

皇帝十七春靈氛喜漸潔念亂集殷憂求賢渴晨夕抱  
膝一布衣寂寞籌影壁許身不敢慙慷慨麗日月心肝

過宜百

卷八

十四四明叢書

約圖刊本

獻至尊迎刃解盤錯取訕同學翁傲飢嫉干謁天教數  
椽耆古友同席尺樹酌先所忌偏拗誤方策長安滿錦  
綺彌縫眩聰目桓桓尙長子遭親國儀忒怙愎諾懷邦  
疆隅盡瀆血朝貴事咨嗟聖主殉社稷聞如冷澆背陡  
汗定乃泣巨望屬伊誰心期授足入奮迅願前驅橫馳  
制梃力倉皇何客氛靜重遜先達喧哭奔聚費侍御完  
貞烈勁草擁道周隨風效披拂雨露久滋榮慧孳傳驛  
驛攻毒蠱蜂宜雪恥盟突厥顛彼景略儔強秦培晉朔  
出我武侯志馴權歸漢鹿辛苦史督師專閫得犄角燕

陝餌相疑淮流險天割嚴法蠲逋租愼器儉足國義激  
巖谷才汪洋滌腑臆城塵霞舊標松古秀今發天壽暫  
異阻驕子護碑石百物荷帡幪何緣怛藜藿愁髮三千  
丈沐握飮膏澤被髮頻搔短隱行遊裘葛行行富日醉  
童戔罰弁側卜居其一井蒸瓠可酬荅荆妻耐補綻衣  
寬百鷄結粹辦過龐公少長忘年集詞辨傾泉注面癯  
展紋襍稚子學虎嘯蹲跳脚不鞞端立似有思袖手勢  
垂膝形貌遇未經笑侮拋瓦擲眞率豈售欺迎眸樂淳  
樸出處莫論評未可輕優劣惟夢漢官儀膽薪勸庭諤

通真言卷八

十九

四明叢書

續圖刊本

日出驚人稀日落紛肩逐異寶重價沽詔書傳樞閣江  
南可無事說君懼蕭索禁嫁訓宵奔鸞官飽落魄非當  
列上珍酒泉竭於壑母儀應淑女龍種曷殖獄搜括劬  
計臣捐主免囚辱層慘報邳揚京口鷲飛越鐵甲悉痕  
腥纖指舟可掬愛赤淪胥辜堅城蕩捲籜袒頸亟須謀  
俊英時務遠薰灼覲於俘懣胸眾射的欽爾太倉令寒  
枯皮肉脫秉姿夙僻寡灑淚仗盟鉞踴躍與從戎斫案  
訂謀畫師出治氓蚩先聲韻鉦鐺村落慰來蘇扶觀偉  
冠服雞犬肥不警稍穰橫畝熟生平具肝膽墨縷果掀

揭冷面笑河清割股窮臧詢樵誠足鄙謀長豈土籍  
弘遠福京詔王言大以碩台封潢胃賢堂堂在行督浙  
鎮須有統帝座遠呼吸所貴伸大義戰討急奇略會師  
復建康節制風雨捷襄樊勢建瓴新亭速帆泊莫言擒  
截艱久勝易摧折彼中多游移水火幻閒謀沼吳齊衛  
疑圖杭本疑批荆棘掛瓊枝劇根仆木末胡爲困曾稽  
忘仇忠禁喋誰慮監靈武邀恩自薪積若个善賊螟若  
个巧蚌鷸江壘掣朝肘西征便營窟妝點無不潤塗飾  
苗頑格法律貧賤知酷禍在聯絡嘲人他不我魚龍貫

過宜言 卷八

十四

明叢書

續編刊本

廬剝明哲驚目前茅廬且脩葺聲譽黠者箭交道疑拱  
揖渴汲拾校烹飢驅乏詞乞密疏星在鬪低昂燕巢木  
未慣恃博雅焚香捧著襟綽約燕支花漢家侑金窟潺  
浚淝水流八公折齒屐采石銘儒生盱眙祠臧質再造  
功令公撥芋衣能白邊隙杜迂叟無樓乃司鑰觀今稽  
古初史言豈粉飾愿謹讚馮劉玩君弄棋弈燄鑠絕人  
祀韓賈子主敵懲昔必無今古文未刪闕五月颶風起  
胡沙逢面刮屋梁旣險危崩頽勢如擊圖史盡蒙塵飄  
散無收拾嗚和已撒戴將何禦霜雪固窮乘天運虎溪

合種菊採藥不斷髮景行仰孤竹扣馬遇知人歸岐尚  
恥粟姣好留侯美爲韓蚤辟穀不歿而帝師滅項快狙  
擊鄰嫗向多釀壺漿爲誰竭遠沾呼酒糾慙杯送翻覆  
望哭留都死節臣儀部江右黃夫子海岸

有序

夫子惟不好赫赫名事崇簡達毋智擬再理武  
艱去發藩隱幾罹不測訴諸朝直歸甲申之秋  
強起任秩宗獨痛皇太子冤獄藩時妃誣死無  
從請上方劍吞寧含內呼嬰泣必未幾南都敗  
陷獨不出謁索括城儲至師邸藏不盈二百文

過宜言

卷八

三

四明叢書

約園刊本

募贖愈迫有執以獻者直立弗北面跪眾力士  
按其項而蹲之不可得時引若仆焉時仰若睡  
焉寂如尸旣已無可奈何情勸威劫囚八日而  
不許卒就刑其僕泣請殮已另具藏大書黃海  
岸先生僕入木自縊初夫子作寧郡士嘗感天  
童和尙旋棄去幻形藐身曷若重倫惜身填委  
決烈慷慨猶豫寓海於空植世以是凡記年誌  
日石介波痕誰貞誰惑孰易孰難夫子嘗謂夏  
非予不識爾敢謂此言非譽



鏡輪心則煙頸血展懷悶隱忍餓山判奴避設爲不嫁  
寄節貞繫馬陳範竅聖恨瓊枝一葉曾倚廬異人躬販  
煩輿論半勺天漿萬醢營聚斂魄魂審方寸

過下莊吊陳太常潛夫

有序

杭州陷太常奔會稽集義兵五百營下莊視牛  
頭灣可隙入揚帆直指礮星隕頭上如拳大聲  
呼呼弗懼也率懷談月情質氣殊謝橫槩狀獨  
及黃海岸夫子入逼不許以至死意甚悲壯更  
願執其僕鞭蕭山復陷急葬妻妾中流妾將乳  
不惜身抱石從之無汗頸以刃并無令得氓我  
自出或追其居序及入宮河南大不理於口南  
都誰兩夫子魯封誰兩太常卽其人定矣

題直言

卷八

三

四明叢書

初編刊本

天如有思人玩朔骨碎荒塗撒水靈巧且雲棲智風靡  
潛夫於此能真卓資身鮮術鄉曲譏大節肯與眾同濁  
怒朝波濺甲冑銀遠山嵐補旌旗日螭列奇男壁撼虎  
胃刻籀篆印斧鎖下莊石潔水潺湲洗恥不洗已屈膝  
捐生知奮螳螂臂一死爲厲鴟梟室妻妾妾玉孕弗珠  
莫教腐嚇汗遺擊憶昨南都狩北時誰答媾求用眦裂

齒毀舌斷頸血流俯仰稜稜挺腰鐵海岸父師友有僕  
夜臺雅集萬年說爲道桃李化柏松門人華夏意計拙  
戀母留身怯壯懷玩世依隱壓胸熱避賢未敢薄長農  
到處煙霞呼靖節

賦得見橐駝言馬腫背

柳州種樹傳至今園叟橐駝名順寫又見畫圖偃僕形  
是耶非耶信而且髡年出塞觀成壘擬議雕鏤乃謔假  
烏脛羊頭氣癡蠢背砑遮擁天然治聞是澤生偏惡濕  
緩勢踽踽數平蹠顛鹽珠粒剉草肥功茂輓輸受祿寡

過宣言卷八

三三四明徵書

約圖刊本

不習奔騰應土著奢驪姐犬朋凡馬何緣遂渡十七阨  
擾于田穉災貼社兵燹蕩焚爾復殃佐墨扶殘城市赭  
質樸古耆聰俊童腹聚苦奇相戒啞將毋邊荒耳目澀  
亦樂德邦聲譽惹習慣關頂無儀鼠生割祥鱗几上鮓  
參錯物毛終四足曷異隆晦豐脈哆憐爾黨郡猶羈孤  
滿眼骨肉妬忍者逐風闌入殫膏脂誓日害徵宅石瓦  
休戀髡鉗非節烈多疑漣酪不瀟灑潔水秀山囑毋潤  
舞獸聚麀宜曠野

司路貢士天植讀銓省疏稿

有序

天植豪邁俊爽率真自矢協勸義旅擁錢刑部  
於署懷疑鮮有治者至日中昃矣觀集氛弛天  
植急爲冠且腰掖之出升誓擒逆僞始克成事  
嗣卽說定鎮來盟酌所餉調安爭橋乃以奉擁  
戴箋得貢士錢疏敘不言功功亦不及適見銓  
省嚴絕冒濫甄別真確一疏焚衣巾慟哭文廟  
爲某某抱卬而匿爲某破家犒士被飛謗爲某  
鄧主義今院臣某創義謀爲某而同事止某某  
亦不一及省公權重當時經叻取不次寵如寄

過宜言

卷八

孟四明叢書

約圖刊本

意失則白者可汗意得則已參其逆矣急可驚  
其貞世方千金寶一字字且垂後將毋爲天植  
沒沒恨眾請奔悅咸以獻譽爲宗岱恆卓絕因  
梵刹綴麗石石仕譜山不幽真開時興廢天植  
識獨靈潔腹實是字故大節凜如險無苟避近  
者東浙更姓駢肩唯惝後夫披瀝表素不但若  
銓省所言前日同知對隅工綴笑破人口而賞  
諱科矜諱口職諱任天植獨傲言直首所自貢今  
忘君任子蒙被生慙仍未聞胎禍設因此觸忌

遭不幸誰白孤衷或演劇然貞操終慶不負安  
所向權重一時輦撤當胸掩心鏡而爲孤衷白  
噫正邪性習半繇信史勸懲事繫時經嗟正躍  
邪安得活史狐而論坐子長蔚宗舞文律耶雖  
獨睡不昏冬夜自無黃汗本心嚮適暇思有爲  
而爲聊寄感懷萬情歡吐

癡則生拗害不睡索盲眼口絕聲諍身輕戶甲編踵頂  
夜獨牀支器是非苟董兩騎今立卓劉馮奕販昔蒙譏  
緣書一字無迴折慘競山山醉落暉

過宜言

卷八

三五

四明叢書  
初編別本

得倪六兵曹浦城殉難消息

白水未白火井赤大書特書嗣改適誣天若無天平云  
粉骨飴甘愛顏滕名花種別上林春峻坂偏譏叱馭臣  
美新奔豔錐歡句充隱謀佳捷逕閭倖祖銘恩輕夙眷  
漆炭懷忱冒獨噴盈盈日奪四方紫輦訴繇來竭肝髓  
肺腑忠厚不駁舌魂果有之莫冷齒

入武林遇放鄉榜

宜不合居里危城亦錯遊風呼腥是血日照午猶秋學  
稽須鋤棘問磯條釣裘獨行濡溫雨乘乘浪馳駟

英濟祠同李燦如談衷

大地容隻身而來幾相識碧天萬霞綺幽嶼多敬尺皎  
爾心鏡懸色塵眼珠特諾金鑄人品肝鐵平世棘卜座  
李克奇結廬魏文式景星印兜觥赧氣徵鯉戩信海俠  
士盟千波納胸臆

淫思豔渴

天迢樓思迴極夜影能單薄體耽沈夢飢腸怯秀餐鏡  
疑鸞照絕絃怨鳳求寒寄恨來縑素開箋印淚覆

其二

過宣言

卷八

三四明叢書

詞四本

亦惜杜鵑血情深望蜀號迴腸傳眼裂鬱訴學書騷枝  
渴雙棲翼絲抽獨繭縑長干應賦什辛苦問鷄膏

其三

擬得生前續銜恩報稻梁曾憐旁錦醉許助靚妝忙浴  
粉脂春兩愁筍黯夜光煙波撐日起敢負喚江郎

眺兩西湖湖如欲訴獨屐繞隄行止隄畔三乞兒

坐煨酒

百歲幾逢寂寞湖答予人換腐笙竽遠鏡煙罩山山睡  
獨屐泉呼井井烏桂露凝消犬子渴橋風波發鳳雛謨

兩三雙筮猶停唱，  
姬否賒醴冷乞鐘。

贈友人卜居

白屋春成色，青霄露掛松。  
石麟傑地出，梧鳳選枝隴。  
醇醉迷公瑾，狂呼得簡雍。  
堂長年似日，纏萬入雲封。

偶贈張生孔式

心思天地合，失得古今論。  
憫世摟龍蟄，談時把虱捫。  
呼來誰見穎，醉眼悉遊緄。  
孺子候橋履，爽朝霞適飧。

答王廷評甫一

洛社風流千古意，孔林膏雨六經仁。  
惠誰壯志頻書咄。

過軍南卷八

毛四明叢書

幼園川本

輩出奇眸動，識塵諾子憲。  
邦呼吉甫行，賢避世議劉晨。  
因難歌哭宜樽酒，頽倚眠鋤發野疇。

緱城訪胡子幼復不遇

問其結茅龍宮絕頂山上

峭卓從天座，虎頭不許描。  
淨移澄水練，冽漱石泉瑤。  
治願懷鄰濁，髀開聳獨么。  
勁嚴正學侶，感慨右軍遙。  
猛見醒疑夢，雙求地盡膠。

宿水東陳生葵山樓聽夜

冊葉隱城雉，穿風驚幕烏。  
漁歌仙子曲，佛髻生盂不。  
寢因懷古悲，時解獨娛窗。  
櫺專納月壁，靜夜樓殊。

贈堪輿

敷土區分師禹貢滔天獨解筮堯都眼街漆點騰雙電  
胸渭桴乘狎萬臆方寸鍼鋒驕洛墨一圍心數種牟珠  
塞瓠鞭石封傳古王氣兼雄發憤無

丁亥歲春旦哉生魄某偕同人來盟霍山小詩奉

贈

謹地讀盟傾意氣射禽益舖薄尊羹日紅骨格六經鑄  
雪白肝腸五鼎烹平楚正蒼審蓋笠伏戎應刈急醒醒  
□□□□東山履甲子春王訂束牲

過宜言

卷八

天國明叢書

松岡刊本

雪中紅梅

物改星移傳舊火圖賢羹覓散盤鹽液蒸鏤石寒能募  
骨耐凝冰餓不燿冠掛吳門藜閣暗旗飄楚編漢宮暹  
披丹衷甲調賜雨拂拭回春麗曝炎

同王廷評韻

簇簇吐丹充耳髮朔風吹白醉眠吾歲寒能改後彫濡  
春且誰迷旁魄朱錦樹纏奢悲繪素冰壺凝血識淪濡  
因奇六出思冠玉慘淡梅妝梅壻夫

仲春二日驚蟄節雪雨適徐計部朔日飲某書室

詩成見示和韻

爲懷曝獻耐春寒曲曲轉賒行路難  
螫燕翼張搗羯鼓  
睡龍目慘舞兒竿  
載塗銀砌天  
幫賂興莽珠樓  
雨長奸  
卽事敢賢招  
隱樂南陽  
偏奮失彈丸

丙戌兩大雷電雪先日乙酉雨自丁亥至己巳連  
兩夜雷有懷屠兵曹

相逢悲古今亦存有耳不聰無膚髻山石宿汗春色晦  
舊客鼻酸同室門農莫能耕泣稽旱節婦戒厖勵漫巨  
巢富米魚鳩方之見災災見譴麟經蔭木已頽靡靡塵  
居東更杳響處人往壘立林眠銷冰冰熄燕縱疽潰肉  
□□□□魂銷黯君牀笏滿銘文貞伊誰纒緒煥綸音  
本意絲來堅似鐵應伴科頭黑白□

同王廷評韻贈周參軍敬可

敬可氣貌堅潔喜擁書腹儲不廉常一倅吳邑  
惠政思今亦卽掛冠歸所著有曆律志

同中薄蜘蛛隱推蚡獨魯申姿標玉界尺眉顙授髭銀撤  
蓋驚兵子點鬼重細論穢史硯池濯懼修膽□旬慎妨  
鮮帝狔角端孽禍禎水月戒行李鉞袞曩避秦鸚鵡兒



楊孔鶴龍匹陸荀亂山煙霧迹櫛露石樓巾贈花展遊  
諷卽事收樵詵埋照託茗戰習爾元規塵起子咄情紙  
教忠忍稚斂不夜天能巨層輝進杖春

阻大碛贈知事客

有小序

阻碛旅得樽簋爲予主人風雨夜甚展開暹冒  
刃勢處脫坐亂乘攻因借箸按節而歌相和作  
大夏聲追復興論喟憮不便單行俄激湍息聲  
斂容靜聽

過宜言

卷八

三

四明旅書  
約圖刊本

風雨舟橫眼已渡賭隱漿豪解予意訂予俯仰轉留疾  
徐綴閃如猛士四方起投袂斂如乃身集蓼申且誓挽  
潮靜水涼火薙潔謹素胸恪口氣春宴崢嶸苦天系春  
陵行道州示拾遺志諾責負慙指石契

得茗中閱二別駕達生書

地隔濟時變應同目巧機幽邨巨室諱麥黍質民諱折  
獄暝先昔害文今是非思誰禁帝獨識火燭吾微

聞義武陳萬良被獻

天下耽奇闢技窮窘飾非誰悲無尺潔動險及瘠腓量

展存傾覆拗俗瑣，誹譏牒浮雲。峻耘耘方猛暉，行屍  
眼落井山力發深。省視坦腳不隨低，徊勞杖脛後惴前。  
人底前應羞後項，如畫有重曩望苦抗峯迴。

贈迎降不殺

鴟鴞不合煩廝僕，城社林泉棲飛宿。祿家主鬻畢贖領，  
貧室綢繆他眾鬪。雨囊煙鎖悶孤身，泗鼎依依着翅人。  
笏拍舊傳應塞北京觀，猶念角端旻。

靜遠軒發魏紫一萼，王廷評贈名牡丹命予詠之。  
寂寞揚芬獨冷嚴，絕交債徑荒原不籬側。浼復其隘自

過宣言

卷八

三四明叢書

約園刊本

是人艱學乃誣，藏巧械斂舒春理。足香餘樂蜂蠶

和王廷評苦雨見憶

答諾聲心寡和，從總癡情想許身。重風吹木拔嗟擎柱，  
天漏衣裊香過踵。獨我亂離如喪子，不澆壘塊肯寒胸。  
李陵報漢伊人俑，爾馬汝車誰者春。

讀史

檄召銅山崩，殉情丞相特賊膽。何寒驚靖宮，奪亂側誠  
知逆鱗死悅安，在社稷豈翳異朝賢。今驕市門色忍主，  
以榮身嘉禾養嶼臙。

春分節復絕晨炊乞徐計部瓦盆左右蒔蓮兼書

觸目

禦飢今始拙險令壯懷惴圓腰怯所束迂闊私鄙僞抵  
幽想知交頽倚昏成睡旬三爨不與餘日復多匱寂寞  
念古人我生豈幻寄敢云貞勁骨無術偃窮職枯腸化  
爲筋獨立轉增厲惟母懼怛子如忘絕晨飼妻劇兒腹  
枵側頰貼其咀蠶文皆較疲刺刺鳴胸凜西鄰菜成圃  
撲面箭黃瘁忽慘風生妬暗香吹滿鼻警子靜捷聰霸  
氣阻耳喟彌縫屢空怡將無同操懿對妻札數行騙嗟

過真言 卷八

三四明叢書

約園刊本

脫馳騎選曠乞瓦盆芙蓉合時詩曰子室勞婦是物關  
禎瑞其醜豔繡錦其芬辟瘟醫其臂滋弱渴其實充珍  
饋善歲遇漿酒叢萼列陳肆代馬南來嘶徒莖盡棲虻  
汝巧我奪炊約袖斂容袂操作在悶懷老愁疑斌媚茁  
發根抵深穴搜出重累慎節芟盤錯嫺箬胎孩脆折藕  
囑阿嬌濯潔薦姑嗜幼兒問旨否高腕呼子界姑慈諭  
急孫掙肘扯姊珥鬧持復解紛色勃廣呻嚙妹弟馨兒  
疼躍拯身仆地苑爾起箕捫染掉面漆祛鬪時曷置于  
借題口經濟畚土力如虎厚築杜倒髮篩浮簸礫屑滓

練便繁穢零落稀露萌勻濕薄鋪埴精神起花早雨滴  
葉珠墜拭盃烹作茗新香釋醅醉譚笑倡俯仰恍擬綵  
舞戲殃招盟丐友提篋接踵至澀喉索救餓訝子無悲  
事或訴如有言或語虞觸忌膚肥僂析骸腴血吸到涕  
非凶夷富族無辜迫貧縊戚戚同衾離裔裔路旁棄喫  
緊燕堂成草穀焚家計冠冕忱貧焚伊今始合吏豈不  
頌來蘇何威行火雉乃知倫聚淳寒舍唐虞際願天無  
縹緲急民慰先帝帝不勸友代昊天瘡具贅曾聞三餉  
徵不斂伊寡穡亦或左右攘治醴樂餽館速且隕慧旄  
吁騶逐內異蛙紫閨可分齊匡何殲遂

過宜言

卷八

三四明叢書

約園刊本

同王直一韻

似續曾孫宜命祝兆農驛驛放鳩辰氣溫煩罕雲隨杖  
心素肥甘紫護筠屋漏痕憐書聖髮齋房芝拙鑑形銀  
鬱蔥社稷思儒賚贈斧嘗旨耐替人

讀崔山社業賦贈同人兼簡陸子華星

不私酌斗斂檣我飛闌瑤琚灼春火虹耶電耶赭牒牒  
方懼忽癡奔左右生成石鼓不慈饑捫天墮碎師尹巖  
賞疑成破古人意奪席膽誰利刃芟端硯惡眠佞操笏

近壁驚鄰奧竈竭閉袖治安冠切雲爲蟹可榮堅瓊汲  
讀女史

沼吳自咎蠡死蠡卽吳忠美賂岐封伯鄂醢端女戎墜  
廢章伏誅太眞薦警聳綠珠千古麗烈貞蠱石崇乃有  
窈窕妃八百嗣淑躬

虞美人

幕有烏危漢人祇緣天錯愛簡子于屯一解天僻愛枯

腐相友親何能坐愁成角勉賣少婦嗔一解氣吞虎飲

吸鯨劍鋒霜雪淬侵妾色俱銀一解隆準楚之神顛倒

過直言卷八

三四明齋書

初圖刊本

羹阿翁義楚子所盟毀諾羞乃公一解赧彼差池呂家

雉翩翩乘亂奔其雄愧彼村田呂雉啄雀集鴉弋飛鴻

一解碎子肌似玉灑予血作燐世道多翻覆剛腸植紀

倫一解

峯壁丁

石峯不忍與天訣偈仄奇撐神思別二百四十春秋災  
三萬六千詩酒壁多參乃罪潔貞心撫琴山響爲誰音  
倚松賓雁迎霜月冷僻知希怨異今

詠史

赤身離薄俗，愀時渴熙皞。聖賢同所悲，寒暑禪人老。豈敢虛晨夕，規模昔誅討。不憂年欲往，憂天情洽早。未便陰飢腸，民咨實縈抱。社稷以取貴，胡忍刈如草。君明萬臣澤，得寵心顛倒。私喙長忌貪，種禍絕蟹稍。續續浮雲蔽，芝棘並秋掃。殃黎謗羞主，殄瘁委弔昊。尙畏秉簡肅，衡諂牀枯槁。乃總日錄裁，掠譽績粉藻。挑達原綴牘，輸金亂野橐。麟鳳賀樵漁，雞犬知兒嫂。齧齒闢練智，販誤捋老媪。懸直隘根器，僞慙巨盜賢。亂派性繁整，腹危搖思腦。我古陋紹衣，迂幕錯棖杓。甲庚朋戶，飫賜芻膚穴。

遲宜言

卷八

三十四明  
初國刊本

反招魂

天縱文心，天授嫉易人。姓名皆膠漆，廣大中空筆樹塞。讒舌不甘歹，鉅極浩浩沈浮。肯曝日江魚，知己別未得。俯仰呈身何處京，昏墊憐民曉夜瞪。意匠經營波畫平，臣罪久長終始荆。敷胸鮮與時宜合，有位自忠主聖明。重爲告曰呼皋，誠慙慙理敢聽。堅忍四方南北無可居。

灣角偷生劬貧蠶索不高墉隼遂爾蔽蛭成蚯蚓將毋  
覩顏汗冷以欺人守牡而知牝噫車馬傾覆兮吠莠性  
唾衣冠禁柔兮伯夷饜饜帝命造錦兮經緯暴悖穢汗  
雲漢兮蔓根戾結

孔子履

厲風蒙面侮塵掛潔身亦急嘿悼嗟聲儒馨開當陋小  
魯小天下獨叟宙何窄衣袂憑評詆治亂出繩尺旦旦  
菁華我几几譽處焉四塞多懼頻引咎在行役瑣碎足  
至理悲深慮原百目不縱衽左階趨或婦嫗杖不扣俟

過真可卷八

三五四門叢書

初園刊本

脛登堂審弟跣誰教堯勝憊萬態自相格散錯歸所整  
繁星布成奕遯世往帝咨孤立眾賢責歧途莫遷借神  
奇從踟躕干戈送壯年量履鼓落魄

漢高帝斬蛇劍

首難爨秦飯曾拙帝真曆定發惟馨三章自大弛囚勇  
一劍猶痕萬血腥當道縱蛇天聽慘念田焚螟國祥刑  
創皇合享曾加爵討魏誅新裔獨銘

王莽頭

問頭應莽莫生唾以父遂篡古若箇勢張學富誑疏迂

懸呂金多瘖眠臥千秋節義困阨激四百春秋簾階大  
陰風淩其驚說項首肯啖名餓虎坐

乞食禦重陽醉歸謝惠節黍二十枚者

身若心不今非目卽紫抱語默乖所分交踪任眞掃去  
去尋萬里壯煩巧遯早幸有絕俗知惜情諳通老錯愛  
予冬日樽酒同潦倒慙愧拾遺才論文發竒藻豈忘城  
郭非斗室前民睥深恩難棄捐忍餓想僂吳營飽乃得  
醉飢撐別野稟年豐旬食三眩眼疼護腦盡室耕石田  
沉復面牆烏悼嗟聊行國雞犬安兄嫂本不顧時肥敢  
怨劬勞考勸美儉仁粟鄭重曾孫稻粟黍美如飴饋出  
新相好似憐乞役疲分旨甘卯祿登高望雲樹聚散疑  
寒禱黑痣著人頂淵池合浴澡一舉費天下慎莫輕草  
草心結避鄙空往復際交道

癸未歲賦別王八盟兄北上

筆渴艱賦別惜別驚心渴依臂撐輪翻共枵旨粟脫書  
城竒械攻苔碑若劄曷予美籓篆胃來剛胼胝撓忽耳  
札鴉飛呆睨陣雁闔旦整丙讀車風馳乘浪筮成竹出  
臥廬揮塵靖軍茭園抹清笠鞋煥寒遁裘葛地麗漏竒



南骨稜休賤褐鵠矢繫節巧鸞鈴棘位奪彌縫東家史  
咄嗟南宮适大名宇宙垂異勳口巖捋編史緩嘶鞭圖  
幽子趾襪鏡歌柝裏催墨磨盾上潑囑悲孕蝎宮避譏  
蹲鴟闕褊介畏醉皆損拱遭訟掇揣前四盧楊惠邀兩  
封末一五銘作箴三千髮覆額劓型夙師儀血至猶拜  
刺長跽受加卮慎捧鄭重鉢送浦訂賓鴻臨淵秀祭獮  
征途有張仲怡親洛陽客

甲申歲夏五答同盟言賀家慈七十

母齡于異祝得子貧亦欲柴胸焚夕晨箕眼淡榮辱止

過宜言

卷八

天四明叢書

約園刊本

止睽樞杵行行拙鄰爛非朱兒不甞學寒伯乃沃瀝旨  
肥脩擊書膏烹以浴愁著香織燈溷遇毒卜粟出門筮  
初節懼毫籌零束薦舄怯結綴羞兕媿醯醑孔碩風傳  
尹徽嗣續莘屬陋巷麗陳錦寒甑巍建蠹章垂奕葉師  
字一金千贖畫荻智迷烏惠礎恩志鵠首稽生古稀庇  
邀尙朝旭

登緱城躍龍山

落月見顏色標鮮屏燭銀語溪低透影應谷遠如噴天  
塲河山泣身撐社稷勻血誠留褐石慙腐故鄉尊

贈妓八絕時妓有戀歡之辱

紫陌香傳右凍春當爐少婦坐含嗔雙眉舊是王孫鬢  
新恨紅顛粉未勻

嬾把閒情笑倚門畦蔬屋滿怯盤飧十千不鬪鄰姬酒  
玉筍纖纖剔竹根

輕呼小字應新鶯檀板遲屢度曼聲曲罷斂容如欲訴  
整衣微咳撫秦箏

敢將珠淚溼哀絃萬轉思郎日抵年指澀不勞銀甲代  
彈來勝殲布頭箋

過真言卷八

三五四明叢書  
約爾刊本

曉來對鏡惜朱顏漢燭煙飛九折灣鈿落空階人自拾  
開箱獨簡大刀環

死生一木天然種枝折風欺爲阿誰新植肉芝猶似昔  
溪聲長發五更悲

荷塘晝宿難栽柏槐穴蟻穿不入柯此夜孤鐙曾照媚  
舊年新枕憶微醺

愛花豈愛隨花盡花盡偏憐春漏催二十八言驚句急  
一時紅粉紫雲回

贈曉妝

曉妝踰午怯鴉盤曲項眸驚繡帶寬何辜不勞輕語慰  
鏡中憔悴待誰歡

贈步

倚欄遮掩欲誰之出落花叢緊斂眉爲印繡鞋尖下土  
莊嚴和藥起相思

己卯歲同王八盟兄桃李門雅集奉呈江令子老

師二十韻

一集足千古斯今貴立吾交難寧我隘眾醒予何誅泗  
水飄浮磬吳封醇飲瑜氣繼西紫聚天恐北黃誣桃李

過宜春卷八

四十四明齋書  
約圖刊本

榮哉狄夔皋總命虞借官因滌染局戶不迎諛傲俠耽  
書僻文章聽世慕構龕稱畏築奔卉豔成都孔譜刪疑  
句聖蠶貴理敷詩吟神鬼泣墨潑蛟龍趨學貴憑親策  
允升渴巨儒彼顏王子敬右閔穆尚愚秉哲塵埃識懷  
奇出入呼鐵肝心火鍊石骨諾金鑊煙雨謝公展波濤  
季路浮桴時張戟髯斷史引杯劬荀里生言卓胥申大  
節殊辭山昭耿耿投韻合愉愉此道多翻覆披襟信有  
徒

楓湖傳座瓶蓮受月

庚寅

梧井隙窗受月憐嬌妖驀護玉瓶連絲扣秦女移心苦  
聲寂梁奴渴血鮮剛挺一枝禪偈簡孔藏千態劇偃緣  
帝師輸蠶西施臂應妬妃傾學士箋

丙子別歸答朱子擅白

燕臺買駿登隗骨越海回帆與燦鄰品卓眼空悲俗譽  
人奇學古陋居貧天開五色迷看日筆吐毫煙癩泣旻  
梁父吟成廬策獻肯疑道險樂埋輪

卽贈王八盟兄東發

莫謨愁沽酒鄰釀夜獨賒好彈馮煖缺憤發正平搗萬  
壑泣雲樹低橋窄漢榭明朝風土異起屨慎三巴

過宜言卷八

早四明叢書  
粉園刊本

寓新市題壁上書蘭

素壁幽蘭植揮毫錯畏噴扶葩橫倚劒出葉卓含珍清  
韻原殊俗芳顏豈媚人暫移九畹色此伴已經旬

春郊贈沈生無際

小築蕭疏野徑幽振衣更喜及春遊輕鞭選寄樊遲御  
歎鼓頻敲郭泰舟日落岫雲新柳綠氣蒸湖海碧山浮  
吳謳嬌媚聲疑絕流水潺湲戲白鷗

廣陵

吹簫明月夜何之畫舫漁歌想昔時行樂江河城郭改  
世情天地古今疑千年隋柳傷心碧一日邗溝覺後悲  
寥落行宮先寂寞黍離會見廣陵碑

淮陰侯墓

淮流不住水潯浚直入荒郊濺血痕一日大風歌猛士  
千年青鏡照黃昏神龍興盡怡然腐古樹參差任俗論  
心赤奉君生果幻孳孳牧豎裔王孫

乙酉歲同錢刑部義營撫螢

不教腐草泣餘照司馬攜來帝墮珠以燄止焚山地赤  
因風逐浪海天隅舍光點點千夫血灼火星星七月廬  
緊聚慢飛忙漏永隱懷綴衮愛君劬

同錢刑部戰舫窺虜

試劒赫周怒石尤帆戀汀纛煙參錯絕景物各相刑旗  
掛秦關縞鞍嗟蜀道鈴橫舟不耐寬批點獨醒醒

飲鍾副將夜營口拈四絕

金環鐵鞘足相拒吹角鳴鉦勢風雨無恙布帆衝浪出  
怪來卓帽身衣羽

日落旗飄色拂塢平沙列幕氣虓虎令嚴聲肅士銜枚

火燧帳前欲歌舞

臨江灑酒夜彭鼓綺筵燒燭月未午捋鬚橫梨口成吟  
自昔將軍不好武

出征歸馘仲山甫飲亦吸鯨手劈脯爛醉磨盾掃白綾  
不揮營麗擲詩譜

江中望月

戰骨何辭朽橫戈任世談不堪憑屋社遂夢負屐孩人  
樹百年澤魚泉萬壑洄隔江吳月慘孤小傍征桅

孤鴻曲

過宣言 卷八

四明叢書  
續圖刊本

君不聞孤鴻聲最悲求朋思主落花吹吹將一曲風中  
隱淮水北流何日回彈琴忍聽朝飛操孤鐙燼熄梅花  
早梁邊去燕不巢樓主人烏烏洞簫稀斗柄西移獨照  
君粵山倚角楚山雲冰天雪窖南來血寄與哀鴻驚枕  
聞

贈鄧父母二首

不盡封侯願敵荆觀光喜得慰生平才慚璞玉應難剖  
名附雲霄亦易成萬里長城資柱國千年黃石借談兵  
卽今文武稱爲憲況在宮牆學步情

共羨吳公奏治平  
塞帷期可頌專城  
望郎丰采嘗題柱  
循吏功名今勒銘  
化鱷夜遷蛟  
解穴甘棠春滿越  
山明謳歌已擁朝天路  
祝漫黃金賜壘行

除夕陪王廷評過友別歲次日立春分得雁足

爆竹忽禁煙  
翦新訣埋硯  
夜央星霜光侵鬢  
疑郵傳長年  
此刻燭迫促  
忙賓餞農奪絕  
麥禾卽今慶  
能面況復罹  
疾惲樽盞似  
荒宴俛彼雁  
離羣慎足擇  
水衍飛呼宿如  
慮霜冰貞盟  
踐秉性足神  
武陣成莫匹  
戰敢媒沼上  
寵榮驅自納  
罇詩畫頻沐  
浴忠節甘烹  
奠衮職以愛  
補

過宜言 卷八

四明叢書

約圖刊本

排空書其撰出必占兵氣  
嘹唳倚宮殿風和熱客來羞  
與同殺饌胡兮尙未柔故國  
急歸唁貞烈憑闥寄天田  
通婉變喜無行李瑣諸賈一  
勤倦曷使雞而鶻縱之亂  
壇墀萬命忍踟躕躡縛狂狷  
維天懲牖腐恩邀神骨鍊吞  
飢種桂薑潔白肅於練向不  
粉飾欺知交戒所銜蒸粉值  
煮桃莫學蝦蟆絹元正合四  
始翻令秉耒變賣  
獸赴東郊焚瘟信時諺

過宜言卷八

過宜言附錄

過宜著述攷

四書解

案解凡四十七篇  
即在過宜言中

對簿錄

句餘土音  
全祖望曰職方獄中自著對簿錄敘蒙難事甚詳案亦在過宜言中

初易

朋鶴草  
堂集

易史

過宜言  
夏與高且中曰平日曾謬著易史一部每交配一古人繫辭則用五經通銓云

操縵集

過宜言  
甬上續耆舊傳作操縵安絃譜全祖望曰職方精於音律嘗手訂操縵安絃譜

過宜言八卷

甬上續耆舊傳  
高字泰曰先生遺文爲其婿楊大介所彙錄爲十帙先生嘗自況

於周公之過不亦宜乎因即名爲過宜言  
有被先生指摘者竊毀其二今存八帙

過宜言附錄

四明叢書  
約園刊本

詩彙

案詩彙亦在  
過宜言中

泗水鼎樂府

句餘土音  
全祖望曰泗水鼎職方獄中所著樂府述蒙難事

昭代名賢集

東澗譽樵華公狀略云嘗歷選昭代名賢集殊黑圈別其人自一二圍益以四五

鄞縣志人物傳

華夏字吉甫一字默農世爲定海人祖徙郡城東遂家

焉生而穎異稍長讀書能強記聞古忠孝節烈事輒斂

容契其人數日不置

張孔式撰傳

爲諸生與王家勤齊名同

受業於倪元璐又同學於黃道周劉宗周

案全祖望子劉子祠堂配

享碑華夏王家勤皆由山陰陳堯年來戡山已而同受講堂歸而築鶴山講舍以昌明子劉子之教



知於新城黃端伯華亭陳子龍浙東所稱爲華王二子者也

全祖望撰華氏忠烈合狀

甲申難作號慟絕地取諸所爲文詣

文廟拜而火之肩小樓足不一下且狂且哭如不欲活及有告侍御陳良謨殉節訃至者乃急起草檄告同人暨諸鄉先達會於學宮爲位明倫堂東偏遠方赴弔者千計已復爲文祭之并爲立後福王監國夏以丙子副榜例成貢士

李文纘撰狀畧

乙酉六月浙東兵起首與董志寧

倡大議預於六狂生之目授兵部司務尋晉職方主事皆不受請以布衣從軍與太僕陳潛夫出戰牛頭灣彈

過宜言附錄

一四明叢書  
約圖刊本

從頭上過如雨不退

忠烈合狀

旋入錢肅樂幕復佐通判吳

某措餉弗殃貧民令樂輸而刻期調給俾江上士卒騰

飽

過宜言

顧夏雅素勁挺肅樂亦不能盡與之合遂謝去

又七月而江上潰時浙東未下者祇翁洲彈丸地而士

大夫以至軍民尙惓惓故國山寨四起皆以恢復爲辭

會肅樂航海入閩連下三十餘城閩告急於浙浙抽兵

應之夏曰此可乘之會矣丁亥乞師翁洲故總兵黃斌

卿猶豫不應夏憤責而歸未逾時慈之大俠以御史馮

京第海上往復書洩牽連夏捕之入獄家勤與董德欽

悉力營救

忠烈合狀

會通判楊日章

原作楊某今改補

亦爲言諸兵

道卒白而釋之出獄

張傳

夏不以爲懲謁御史李長祥於

東山長祥曰吾於會稽諸城邑俱有腹心一鼓可集但

欲得海師以鼓動聲勢夏曰海師不足恃也公何不

中土之師速舉長祥曰此閒人頗以海師爲望子其強

爲我行乃再乞師翁洲斌卿曰我軍弱中土之助我者

可得幾何夏曰布置已定發不待時將軍何庸以寡助

爲憂將軍之師入蛟關范公子元芝當以徐給事孚遠

柴樓之師會可得六百人將軍之師至鄞江楊推官文

過宜言附錄

三 四 明叢書

約園刊本

琦當以王職方翊大蘭之師會可得千人王評事家勤

當以施公子邦玠管江之師會可得三千人張屯田

錫當以大皎之師會可得四百人而屠駕部獻宸當以

城中海道麾下陳天寵仲謨二營之師爲內應可得千

人將軍之師至慈馮職方家禎當以其子弟親兵會可

得五百人將軍之師至姚李侍御長祥當已下紹興以

遲將軍其東山之寨當有使者來除道以俟而張都御

史煌言當以平岡之師會可得三百人將軍之師渡曹

江章都督欽臣以俾山之師會可得二千人將軍之師

急移小疊合李侍御軍西渡蒲山尙有石仲芳寨可得  
千人將軍以此眾長驅入杭百里之內牛酒日至何庸  
以寡助爲憂斌卿猶不信夏益恨而激之斌卿大怒奮  
拳擊之曰吾今聽子言儻李侍御爽約吾且取子肝以  
餉軍然斌卿特強許終無出師意夏歸乃令楊文琦往  
時馮京第在翁洲力勸斌卿文琦曰累失期事且壞今  
十一月四日直指使者至天台監司而下皆送於南渡  
可乘虛至也我當約諸道畢集以待將軍之樓船東山  
之兵亦以是日入越斌卿曰諾自夏偕文琦家勤諸人

過宜言附錄

四四明叢書

約園刊本

經營恢復事東西聯絡飛書發使日無寧晷至是以爲  
功有緒矣而謝三寶告變當三寶之欲殺六狂生以阻  
軍也自度不爲清議所容及丙戌再降益決裂刊揭自  
言其前此歸命之早而爲王之仁所脅今幸得反正見  
天有日然卒不見用乃益思所以徼功者廣行賄賂遂  
得反聞之力中途賺取夏所貽大關帛書盡得其詳由  
分守道陳謨以告之巡按秦世楨世楨乃詭期不出而  
密調慈水之兵以襲大關定海之兵以勦管江姚江之  
兵以搗東山三道之兵皆潰急捕夏得之屆期翁洲兵

入關直抵寧城東之三江口諸道兵無一至者海道孫枝秀嚴警以守陳仲二將不敢發斌卿知有備亦不敢攻而去世楨乃令知府韋克振大陳刑具訊夏究其黨與夏乃慷慨獨承曰心腹腎腸肝膽吾同謀也及問帛書所載楊王屠董諸人皆言其不預知府再拷之夏大呼曰太祖高皇帝造謀烈皇帝主兵安皇帝司餉其餘甲申乙酉殉節諸人范景文史可法而下皆同謀也知府三拷之終不屈而是日謝三賓亦爲人所告下獄初三賓欲害諸君子以求用不料枝秀之豔其富也欲并

過直言附錄

五四明徵諸

約圖刊本

殺之而取其室乃使人上書告之又使人密語夏曰謝氏汝冤家可力引之當爲汝報仇及共訊夏曰咄嗟此乃反面易行首先送款之人也而謂其不忘故國吾死不瞑矣三賓跪旁搏額謝曰長者長者夏在獄中鼓琴賦詩如平日自稱過宜居士或問之曰周公之過不亦宜乎何有於某戊子五月二日行刑巡按謂曰非不欲生汝奈國法何夏曰事成吾不汝置事敗汝亦不吾置也合至市卽盤坐大呼高皇帝三而受刑張絕命時有白光一縷冲天而去狀年五十九葬定海之雁宕鄉張

魯王還軍翁洲贈夏檢討門人私謚毅烈夏生平撰述

最多忠烈合狀其獄中所著對簿錄述蒙難事甚詳精於音

律手訂操縵安絃譜不知流落何所泗水鼎亦獄中所

著樂府句餘土音注乾隆四十一年詔入忠義祠勝朝殉節諸臣錄

夏從父明義字魯卿孝友仁厚事親必盡其誠兄弟既

歿獨營葬祖父母敬奉寡嫂族黨不能婚者多爲之聘

娶誨夏尤篤令一意攻古每夜半聞呬唔聲必欣然自

起慰以茗果後夏名馳四方皆明義有以成之也卒年

八十一聞夏子凜咫尺字儼思幼輒立志堅卓閉戶不問

過宜言附錄

六四明叢書  
約圖刊本

世事但講經授徒有師道門人日益進爲世所尊信云

林時對撰儼思小影記

鎮海縣志人物傳

華夏字吉甫別字嘿農其先定海人祖遷於鄞案張孔式撰傳

夏世爲定海人祖徙郡城東遂家焉生而穎異稍長讀書能強記聞古忠孝節烈事輒敘容契其人數日不置

父存義以好施罄其家夏少與王家勤齊名同受業於

倪元璐黃道周又同爲劉宗周高弟已而同受知於新

城黃端伯華亭陳子龍浙東所稱爲華王二子者也是

時夏雖諸生而謬謬有范滂陳東之風眾人資其清議

以爲月旦以恩貢入太學

案李文纘狀畧甲申難作夏號慟絕地取諸所爲文語

文廟拜而火之局小樓足不一下且狂且哭如不欲活及有告侍御陳良謨殉節計至者乃急起草檄告同人暨諸鄉先達會弔學宮爲位明倫堂東偏遠方赴書者千計已復爲文祭之并爲立後福王監國夏以丙子副榜例成

乙酉六月浙東兵起首與董志寧倡大義預於

貢士

案鄞縣志與董志寧王家勤張夢錫陸字六狂生之目

爍毛聚奎謀舉事當時所稱六狂生也

復奉錢肅樂書說定海總兵王之仁反正迨魯王監國

以倡義功授兵部司務晉職方主事皆不受自稱以布

衣從軍與太僕陳潛夫出戰牛頭灣彈從頭上過如雨

不退

案過宜言復佐通判吳某措餉弗殃貧民

旋入肅

令樂輸而刻期調給俾江上士卒騰飽

七四明叢書

樂幕顧夏雅素勁挺肅樂亦不能盡與之合遂謝去又

七月而江上潰時浙東未下者翁洲彈丸地而士大夫

以至軍民尙惓惓故國山寨四起皆以恢復爲辭夏知

人心未去會肅樂航海入閩連下三十餘城閩告急於

浙浙抽兵應之夏曰此可乘之機矣謀之益亟丁亥乞

師翁洲總兵黃斌卿猶豫不應夏憤責而歸未逾時慈

谿大俠以侍御馮京第海上往復書洩牽連夏捕之入

獄家勤與董德欽悉力營救出之夏不以爲懲謁御史

李長祥於東山長祥曰吾於會稽諸城俱有心腹一鼓

可集但欲得海師以鼓聲勢夏曰海師不足用也公何不以中土之師速舉長祥曰此閒人頗以海師爲望夏曰愚以爲海師必不可恃長祥曰子其強爲我行乃再乞師翁洲適京第方在翁洲力勸之斌卿曰我軍弱中土之助我者可得幾何夏曰布置已定發不待時將軍何庸以寡助爲憂將軍之師入蛟關范公子兆芝當以徐給事孚遠柴樓之師會可得六百人將軍之師至鄞江楊推官文琦當以王職方翊大蘭之師會可得千人王評事家勤當以施公子邦焮管江之師會可得三千

過宜言附錄

八四明叢書

約園刊本

人張屯田夢錫當以大皎之師會可得四百人而屠駕部獻宸當以城中海道麾下陳天寵仲謨二營之師爲內應可得千人將軍之師至慈谿馮職方家禎當以其子弟親兵會可得五百人將軍之師至姚江李侍御長祥當已下紹興以遲將軍其東山之寨當有使者來除道以俟而張都御史煌言當以平岡之師會可得三百人將軍之師渡曹江章都督欽臣以佞山之師會可得二千人將軍之師急移小疊合李侍御軍西渡蕭山尙有石仲芳寨可得千人將軍以此眾長驅入杭百里之

丙午酒日至何庸以寡助爲憂斌卿猶不信夏益恨而激之斌卿大怒奮拳擊之曰吾今聽若言僕李侍御爽約吾且取子肝以餉軍然斌卿特強許終無出師意夏歸又令楊文琦往翁洲京第等益勸斌卿文琦曰累失期事且壞今十一月四日直指使者之天台監司而下皆送於南渡可乘虛至也我當約諸道畢集以待將軍之樓船東山之兵亦以是日入越斌卿曰諾自夏偕文琦家勤諸人經營恢復事東西聯絡飛書發使日無寧晷嘔出血數石至是以爲功有緒矣而謝三賓告變當

過宜言附錄

九四明叢書

約圖刊本

乙酉冬三賓之阻肅樂起軍也自度不爲清議所容及再降於新朝益决裂刊揭自言其前此歸命之早而爲王之仁所脅今幸得反正見天有日然卒不見用乃益思所以徼功者廣行賄賂遂得反閒之力中途賺取夏所貽大蘭帛書盡得其詳由分守道陳某以告之巡按秦世楨世楨乃詭期不出而密調慈谿之兵以襲大蘭定海之兵以勦管江姚江之兵以搗東山三道之兵皆潰急捕夏得之屆期翁洲師入關直抵寧城東之三江口諸道兵無一至者海道孫枝秀嚴警陳仲二將軍不



得發斌卿知有備亦不敢攻而去世楨乃令知府韋克振大陳刑具訊夏究其黨與夏慷慨獨承曰心腹腎腸肝膽吾同謀也及問帛書所載楊王屠董諸人皆言其不預知府再拷之夏大呼曰太祖高皇帝造謀烈皇帝主兵安皇帝司餉其餘甲申乙酉殉節諸忠范景文史可法而下皆同謀也知府三拷之終不屈而是日謝三賓亦爲人所告下獄初三賓欲害五君子以求用於新朝不料枝秀之豔其富也欲并殺之而取其室乃使人上書告之又使人密語夏曰謝氏汝冤家可力引之當

過宜言附錄

十四明叢書

新圖刊本

爲汝報仇及供訊夏曰咄嗟此乃反面易行首先送款之人也而謂其不忘故國吾死不瞑矣三賓跪旁搏頰謝曰長者長者夏在獄中鼓琴賦詩如平日自稱過宜居士或問之曰周公之過不亦宜乎何有於某戊子五月二日行刑巡按謂曰非不欲生汝奈國法何夏曰事成吾不汝置事敗汝亦不吾置也絕命有白光一縷冲天而去

案張傳夏至市卽盤坐大呼高皇帝三魯王還而受刑年五十九葬定海之雁名鄉

軍翁洲贈夏檢討門人私謚毅烈夏平生撰述最多訛後散佚僅存過宜言八卷其獄中所訂操縵安絃譜泗

水鼎樂府對簿錄藏於高宇泰家今惟對簿錄尙有存者夏死時子凜咫尺方呱呱在抱妻陸氏於數日前密託夏友林時躍竊出匿之後竟育於林氏年二十始復姓云

全祖望撰華氏忠烈合狀

乾隆四十一年詔祀夏忠義祠

欽旌勝朝殉節

諸臣錄

### 鎮海縣志列女傳

陸氏名玉辰華夏妻夏爲魯王檢討死國難妻當徙邊或告陸陸指其子儼思曰此藐孤安託夏友林時躍者應聲攜以歸次日告者復視陸陸尙春曰老姑在不獲

### 過宜言附錄

十一 四明雜書

約稿刊本

終事矣以此充數日糧耳春畢結帨於梁引頸就縮身肥重帨絕時炎暑流汗浹衣乃坐而搖扇謂家人曰予且一涼尋復結帨而盡其絕命詞曰郎以扶義死妾敢忍辱生豈不念老姑懼玷妾苦貞欲死旋復止老姑雙淚零妾今隨郎去老姑長嗷晨羞與夕膳誰其爲經營何以展妾意殷粟尙盈盈勉持白石杵爲謀鑿與精妾已早絕粒臂力枯不勝縞衣汗浹背哭聲和登登老姑鑿妾意加餐日一升妾今隨郎去夢中還來寧

明史參周

容列女傳

句餘土音 咸豐五年題旌

過宜先生華公狀略

先生諱夏字吉甫別號默農系出南齊華孝子寶後宅錫之梅李宋紹興末來寓四明占籍施山施定山也故世爲定人祖□徒居郡城東遂家焉幼慧異言笑落落稍長喜觀書聞古忠孝烈節奇偉事輒斂容尤能粗了大義出就外傳嗜古弗輟塾鉢嚴制舉律酷詰無他獵懼妨闡羅寧俗皆然故古學久敗績失據間合燼思借一者未鼓羣駭嘿農子暉古淫特甚必濟其蔽肪罔汙爍罔眠臥饕餐醒謹一之於書塾師恚謝去而殖學日

過宜言附錄

十二四明叢書  
絲園刊本

阜漸有聲然試輒蹈人乃大嗤之後生腐儒至動引口實戒無若某之坐癩嘿農則灑灑屹屹剝秕蕘醉墳誥成一家言疑石鼓冢汲而樊紹述孫樵劉蛻之承下風也會臨川黃公端伯李寧極賞異揖庭跼國士教公故文中烏獲起進士爲名家峻冰檠不入一龍一水除葦十年所宦情風斷茲與送矜抱憐意氣自以爲相得晚嗣是名益立戰必斬燾例受餽西陵蒼雪吳會聞不郵而影子之役且雋偶乙一二字割於法寘副咸惋惻焉家逾墮落無能供太夫人脯糈藥餌物乃應禾中大姓

某太學聘偕之金陵每成均月且捉刀率出頭地目是  
益敬禮之然終已不得志號於詩託於山礮水激月崔  
風蘋賀囊嘔且滿遽歸侍菽飴維燕敘無何甲申難作  
崩慟已取諸所爲文詣文廟拜火之肩小樓足不下地  
且狂且哭如不欲活適有告吾鄞陳侍御殉節京邸訃  
至者乃蹶起草檄偕石雁霞舉泊用晦大告同人及諸  
鄉先達會弔學宮爲位明倫堂之東偏同盟畢至自遠  
方赴弔者千計已復瀝血爲文祭之義聲煜奕陳公故  
無子兄止一子幼外民詭爲公遺言欲以夫人之猶子

過宜言附錄

十三四明叢書

約園刊本

與甥並衰杖苦次拜客農正色白當事黜之陳祧賴以  
寧越若日撫臣士英奉福主帝於南畿因自相號召勤  
王其明年乙酉改元弘光是時徵才亟嘿農子念復仇  
冀奮椎博浪沙強起成貢士與幼安石雁並薦未幾江  
南不守帝出奔金陵大亂侍從皆不知帝所在各踉蹌  
歸里而曩受知之黃公不屈死於官農聞踊悼無筭復  
爲位哭諸寢長歌紀弔述哀酸咽不能竟讀始陳公有  
幼妾時從死而黃復有僕甚義竭貲購其主頭厚具衣  
冠殮之自備一本大署某公之僕名於上尋就書一時

忠臣節婦義僕先後曩纍悉入其筆事益奇文益肆騰  
蹕蹶徧紙爲之貴維時建酋已疾下淮徐薄蘇松勢逼  
臨安鎮東將軍國安率潰兵繇京口距萬松與浙撫秉  
貞再議迎敵芻秣衷甲俟會潞藩固不允妄意爲生靈  
請命於是郡邑守令爭賫璽綬望風納款恐後虜緹騎  
數輩遂乘傳至越及甬曰次馳赤城招諭所過矜耆餽  
牛酒投揭懼不得當嘿農子忿忿眦裂會幼安晦適過  
遂定議偕同盟輩謀起兵共推丁丑進士原任邢部司  
錢公肅樂爲盟主以閏夏十有二日昇至院迎萬歲亭

過宜春附錄

十四四明叢書

續編刊本

置廳事號吡羅拜不下數萬人聲振原野踴躍擊鼓自  
辰至晡不散錢公故病弱瘳擠喧沓久力疾不支退就  
寢凡部署區畫悉晦熹言等代仔晦亟引嘿農延入署  
兩人徹宵條列主次第播誥按行揮炳刷汗沔曙猶憶  
漏盡農枵甚左右進壺酒雪以盞鬻余兩人勉一引滿  
抵掌怒目疾書翊辰錢公建牙纛中外斬斬遂治兵蒐  
舊伍新籍立得千餘公委同義生欽熹赴蛟關約鎮夷  
王公之仁於望日視師復命晦宸煌馳告姚江孫熊兩  
公且約師期繇是幕職悉農勤掌諸簡賦策儲閱技擊

較裨貳佐錢公一乃心力矢天日維公亦篤任焉各義  
旅飛札往復旁午灑灑立應指切利害如然犀洞火比  
公出涖汎俾農協董寧義餉有所須牘多齋空頭簡預  
用印記若干通授農令得便宜發請忌者卒以是中之  
公不能察繇是拂衣謝事不言功敘亦弗及衰衣岌冠  
風議而已丙戌夏五錢江潰農適在家憤裂欲自裁太  
夫人泣止之因潛跡某山之麓踰頃薙髮令迫且徧責  
投誠狀農慷慨直敘前貢士履歷詞旨簡倨輸之府而  
身戴毘盧破縷疏屨忽忽恆若失人目爲癡其秋偕石  
雁過句章豫盟將溯翁次年丁亥春持晦函爲鎮南君  
介遂潛行主余弟南豐邸肆秦庭哭悲壯甚鎮南亦歛  
歔泣數行下左右感嘆莫能仰視因嚙指誓定期與句  
章內外舉且成矣有告變者僞憲急下慈闈城巨石支  
之大索有力者率厚賄立脫有凌某詞連嘿農竟械繫  
時爲四月日僞憲本無意入農但冀若囊得賂故屢恫  
喝鈕拳如聽酷拷然又復還寘禁如是數四農不爲動  
卒倦而釋之方下獄也眾洵洵謂禍出不測親故莫敢  
近獨幼安料饋藜藿日出禁毋少忌觀者髮悚舌咋

過宜言附錄

十五 四明叢書

繪圖刊本

若思則厚賙其家爲出錐獄吏得不憊凡在禁五旬二  
董君或日視其外或日給其內農出亦遂不謝云所知  
勸以宜坦白惊素農笑曰死生命耳若禍福誰能道諸  
終勿改頭陀白癡時原任醴臺李公將聲義塗山農密  
往謁是秋再從越報翁致兩郡剋日舉邀舟師倚之先  
紹紹敗李避入澥而我謀亦已著弗戢適僞按按寧鄞  
人謝三賓陰上其事十二月有二日密捕農再發重禁  
於是盟中悉匿翌兩晝澥師薄甬澥莫有應而舟亦遽  
及潮隙禍遂烈具詳其對簿錄中不悉載竟以戊子仲

過宜言附錄

十六四明叢書

約園刊本

夏之二與同義數君子被刑農北面號高皇帝者三嗚  
呼藿食謀之藿食死之英概義烈前無古後無今所稱  
求仁得仁者非歟或曰天道惟德是毗惟其願是貶其  
不然乎其不然乎嘿農子性篤孝亦克恭處友和以介  
無雜譖稍不合意望望去之嘗歷選昭代名賢集凡死  
義死諫者有所建白杖且戍者輒硃墨圍剗其人自一  
二圍有益以四五雖名宿巨公籍甚或微於品者實之  
劣者乙抹之無恕辭特慕于忠肅方正學楊忠愍數公  
願爲執鞭其素豎立然也每錄椒山先生語寘座右云

欲幹天下事當思如何下手如何收煞事成如何結果不成落何名目死生雖不計畢竟果不徒死否又云斂鋒蓄銳俟時可爲則轟烈一場勿徒盡其心不計事之成否人皆知致身爲忠不知爲天下愛其身忠之大者朝夕卽復數四擊缺唾盡忽浮白起舞頓足旁若無人者已而感涕妻子莫測其故又嘗誦元結語云人生不能師表朝廷卽當老死山谷嗚呼今竟何如耶下手畸歟收煞佻歟弗務結果先較名目豈嘿農心徒死乎畢竟否乎心果已盡乎抑未乎致身乎爲不愛其身乎天

過宜言附錄

十七四切叢書

約園刊本

耶人耶吾道非歟嗚呼自庸俗人觀身無半通之綬三寸之組家乏斗筭交游鮮氣力猶試輕羽燎於熾火之上焦沒焉耳胡事之集胡忠之爲無益徒敗乃事耳嗚呼何以爲嘿農解農亦安求解耶千鈞弩一發不中則折牙摧撞靡滅而已其亦安求解耶夫死刀鋸與死山谷等耳第次山藻盛譽於前椒山齋壯志於後孰師表孰轟列古今人同不同豈易足量農必有以自處矣農死旬後孺人陸淚乾繼血痛不自勝卒投繯下從雲嶠璫奏聞長子瞽亦旋自殺于是太夫人年耄矣僅杖而



起其子子子形影儻如之何嗚呼嘿農其胡以死哉天  
胡遽死嘿農哉吾友林子願能力恤下宮難與毋負所  
託林子可謂賢嘿農子可謂知人能取友矣所著詩文  
集樂府如干卷又感惻時變著山中百五韻自寫憂思  
君倩楊子晦遵力蒐遺軼某亦多所讐較藏之峯壁石  
匣傳之其人若楊子可不謂成先志之大哉農既定辟  
怡然自號過宜人客請其說徐曰元公弟二叔兄而過  
也宜今君而辱臣而死奚不宜之有亦奚過是諱嚙亦  
逾悲厥志矣某與嘿農子生死交也曷辭陋陋粗敘致

過宜言附錄

十四明叢書

續國刊本

其概作過宜先生狀畧文不表德庶採風者鑒焉東澗  
畧樵謹拜手撰

過宜先生華公傳

先生諱夏字吉甫別號嘿農南齊孝子寶後居無錫之  
梅李鄉宋紹興末來寓於定占籍施山故世爲定人祖  
徙郡城東遂家焉父二霍山人舉五子而先生居次生  
而穎異尤著孝友然於人寡言笑多落落不合稍長喜  
規書能強記古文詞聞古忠孝節烈事輒斂容仰契其  
人數日不置出就外傅塾師最以制義禁勿嗜古先生

潛自漁獵日阜有聲然試輒不利人多嗤之動引先生爲口實曰勿爲若等誤人也而先生守志益篤亦不顧若所言力購奇書無閒晨夕未有識之者會臨川黃公端伯李寧爲文中烏獲極賞異之先生與公遂以意氣期許恨相得之晚嗣是名益立所試皆前列受錄而西陵若雷吳會聞浸浸知有先生矣子闡幾得復失偶以一二字不合主考意竟置副車其分房爲錢塘令宋公某評語手筆恰與先生無二亦一奇也初父謝世後太夫人獨與先生俱僭極供奉殆後家逾墮落不得已就

過宜言附錄

九四明叢書  
約圖刊本

禾中大姓聘僭至金陵每成均月且捉刀多出頭地自是益敬禮焉第終不得一捧檄爲太夫人歡於是寄情於詩眺山玩水賀囊嘔滿矣無何甲申難作號痛絕地取諸所爲文詣文廟拜而火之扇小樓足不一下且狂且哭如不欲活及有告吾鄉陳侍御殉節訃至者乃急起草檄告同人暨諸鄉先達會弔學宮爲位明倫堂之東偏遠方赴弔者千計已復瀝血爲文祭之并爲作傳立後訖福主帝於南畿先生以丙子副卷例成貢士未幾江南失守各踉蹌歸里而昔所受知之黃公不屈死

於官先主聞之益踊悼無已復爲位哭諸寢長歌紀弔  
述哀酸咽不能竟讀此時清兵疾下勢逼臨安郡邑守  
令爭賞璽綬望風納款先生忿忿眦裂遂會同盟定議  
起兵共推丁丑進士刑部司錢公肅樂爲主以閏夏十  
有二日昇至院迎萬歲亭號吡羅拜不下數萬人聲震  
原野踴躍擊鼓自辰至晡不散錢公故病弱力不能支  
退就寢翊辰公建牙纛中外遂治兵舊伍新籍立得千  
餘卽命同事赴蛟川約定鎮王公之仁於望日誓師由  
是幕職悉出先生手佐錢公一乃心力公亦任之甚厚

過宜言附錄

三四明叢書

約園刊本

忌者偶中之公不能察先生遂拂衣起謝事第褒衣岌  
冠出入麾下聽事成而已丙戌夏五兵潰先生家居憤  
裂欲自裁太夫人止之因潛跡山麓踰頃薙髮令迫且  
徧責投誠狀先生慷慨直敘前貢士履歷詞旨簡倨輸  
之府而身戴毘盧破縷疏屨忽若失人多癡之其秋  
偕諸子過句章赴鎮南肆秦庭哭甚悲壯鎮南亦欷歔  
泣數行下左右感哽莫能仰視因嚙指示定師期謀且  
成矣有告變於兵道者急下慈闔城大索詞連先生竟  
械繫獄時爲丁亥之四月日親故洵洵懼禍出不測莫

敢近獨董幼安料饋囊糴日出入禁無少忌而府判楊者夙有憐才之目屢爲先生言諸兵道卒白而釋之出獄後人勸其宜坦易自適庶免賈禍先生笑曰死生命耳終勿改柯易葉如昔時會原任離使李某將聲義塗山先生密往謁約邀舟師爲犄角且曰直指行在某日卽空城無備事可成矣又以書達王樞部欲其先紹抵寧謀卒不成而謝太僕竟陰上其事十二月有二日密捕先生發重禁翌兩晝解師薄甬滸而舟遽及城直指尙未離寧大呼集兵舟師敗遁先生獄成兩番對簿總

過直言附錄

三十四明叢書  
約圖刊本

以恢復大明爲辭而語不一連同事府鞫厲聲呼夾夾至暈地先生卽舉范景文陳良謨黃端伯顧咸廷陳潛夫一班忠義爲布置卽於己名下大書忠義二字語益烈府爲之驚招定暗上諸院先生坐獄中以著述爲事詩古文詞日益以富大抵皆成仁取義之言也客有解之者曰聞院君憐翁當生矣先生叱之曰否否文信國坐臥燕樓十年便想黃冠歸故鄉則貪生之念一起後卽有許多苟且處吾惟時時打點一死則發不及覺時儘有好處吾意已定亦又何求先生固視死如歸非一

日也適道論取一千人再質同事若屠董諸人自謂可  
以得生先生笑曰此去當不免汝輩尙未知乎同事猶  
不之信及赴道聽鞠先生獨不屈道大聲曰汝知之乎  
先生曰知之素矣卽命去衣縛手先生遂向外從容而  
行至市僧卒曰相公須跽引領先生不爲動卒傷其足  
之大趾先生卽盤坐大呼高皇帝者三而受刑時戊子  
五月之二日也夫人陸氏袖首以歸并贖其身聯之色  
不爲變年五十有九具禮葬於定海之雁宕鄉初定案  
後先生自號過宜人遺有文集十卷名曰過宜言葬畢

過宜言附錄

三四明叢書  
約園刊本

夫人泣曰臣死君妻死夫古定禮也吾焉敢久稱未亡  
人以貽先君子羞隨卽盥沐拜廟與太夫人訣自縊於  
窗櫺長公名凜尺臥病半月夜夢先生叫之曰吾兒何  
自苦絕粒數日而逝次公名凜咫取時凜天顏咫尺之  
意先生赴義時僅十歲託諸其友字焉女二一適楊氏  
一適王氏太夫人歸養於倩君顧順昌數月旋逝嗚呼  
古之忠義者多矣或死於官守或死于言責斷未有尙  
在布衣而卽致身蒙難者先生之死胡爲哉先生之死  
蓋將以一絲繫鼎爲天下忠義倡也爲天下之不忠不

義者媿也嗚呼先生死而妻死夫子死父一門節烈彰  
彰如斯先生傳矣正學椒山不足過矣張孔式拜手撰  
華氏忠烈合狀

在昔文章家無合狀之體惟葉水心集嘗爲陳同甫王  
道甫作合志蓋出於史之合傳予因援其例於狀但古  
人於夫婦之閒未有不以婦統於夫者今雙舉之何也  
曰華夫人之烈非凡爲婦者所可同也作華氏忠烈合  
狀

檢討華公諱夏字吉甫別字嘿農浙之寧波府定海縣

過宜言附錄

三四明叢書  
續圖刊本

人也其後遷鄞少與同里王公家勤齊名同受業於始  
寧倪文正公已又同學於漳浦黃忠烈公已又同參戡  
山之席已而同受知於新城黃公端伯華亭陳公子龍  
浙東社盟所稱華王二子者是時檢討雖諸生而謬  
謂有范滂陳東之風浙東資其清議以爲月旦以恩貢  
入太學乙酉六月浙東兵起首與董公志寧倡大議預  
於六狂生之目其奉錢忠介公書入定海說王之仁使  
返旆幾陷虎穴夫已氏欲殺之而不克詳見予所作忠  
介神道碑已而論倡義功授兵部司務尋晉職方主事皆

不受請以布衣從軍悍帥枋成諸經畧皆不用然猶與陳太僕潛夫出戰牛頭灣彈從頭上過如雨不退檢討雅素勁挺忠介亦不能盡與之合遂謝去是爲乙酉之仲冬又七月而江上濱是時浙東未下者祇翁洲彈丸地顧浙東之學士大夫以至軍民尙惓惓故國山寨四起皆以恢復爲辭檢討謂人心未去也而錢忠介公航海入閩連下三十餘城閩人告急於浙浙抽兵應之浙之守備稍虛檢討曰此可乘之會矣謀之益急丁亥乞師翁洲翁之故總兵黃斌卿無遠畧猶豫不應檢討憤責而歸未逾時慈之大俠以馮侍御京第海上往復書洩牽連檢討捕之入獄或曰亦夫己氏所爲也囚中作生謝死謝懼械破械等詩家勤與董公德欽悉力營救出之檢討不以爲懲謁李侍御長祥於東山侍御曰吾於會稽諸城邑俱有腹心一鼓可集但欲得海師以鼓動聲勢檢討曰海師不足用也公何不竟以中土之師速舉侍御曰此聞人頗以海師爲望因其勢而用之耳檢討曰愚以爲海師必不可恃侍御曰子其強爲我行乃再乞師翁洲時馮侍御京第方在翁洲力勸斌卿斌

卿曰我軍弱中土之助我者可得幾何馮侍御曰布置已定發不待時將軍何庸以寡助爲憂將軍之師入蛟關范公子兆芝當以徐給事孚遠柴樓之師會可得六百人將軍之師至鄞江楊推官文琦當以王職方翊大蘭之師會可得千人王評事家勤當以施公子邦焮管江之師會可得三千人張屯田夢錫當以大皎之師會可得四百人而屠駕郤獻宸當以城中海道麾下陳天寵仲謨二營之師爲內應可得千人將軍之師至慈馮職方家禎當以其子弟親兵會可得五百人將軍之師

過宜言附錄

三五四明叢書  
列國刊本

至姚李侍御長祥當已下紹興以遲將軍其東山之寨當有使者來除道以俟而張都御史煌言當以平岡之師會可得三百人將軍之師渡曹江章都督欽臣以甬山之師會可得二千人將軍之師急移小臺合李侍御軍西渡蕭山尙有石仲芳寨可得千人將軍以此眾長驅入杭百里之內牛酒日至何庸以寡助爲憂斌卿猶不信檢討益恨而激之斌卿大怒奮拳擊之曰吾今聽子言儻侍御爽約吾且取子肝以餉軍然斌卿特強許終無出師意檢討歸乃復令楊公文琦往馮侍御等益



勸斌卿楊公曰累失期事且壞今十一月四日直指使者之天台監司而下皆送於南渡可乘虛至也我當約諸道畢集以待將軍之樓船東山之兵亦以是日入越斌卿曰諾自檢討偕楊王諸公經營恢復事東西聯絡飛書發使日無寧晷嘔出心血數石至是以爲功有緒矣而夫己氏又告變夫己氏之欲殺六狂生以阻軍也自度不爲清議所容及再降於新朝益決裂刊揭自言其前此歸命之早而爲王之仁所脅今幸得反正見天有日然卒不見用乃益思所以徼功者廣行賄賂遂得

過宜言附錄

三四明徵書  
約園刊本

反閒之力中途賺取檢討所貽大蘭帛書盡得其詳由分守道陳謨以告之直指秦世楨直指乃詭期不出而密調慈水之兵以襲大蘭定海之兵以勦管江姚江之兵以搗東山三道之兵皆潰急捕檢討得之屆期翁洲兵入關直指鄞城東之三江口諸道兵無一至者海道孫枝秀嚴警陳仲二將軍不敢發斌卿知有備亦不敢攻而去直指乃令知府大陳刑具訊檢討究其黨與檢討乃慷慨獨承曰心腹腎腸肝膽吾同謀也及問帛書所載楊王屠董諸人皆言其不預知府再拷之檢討大

呼曰太祖高皇帝造謀烈皇帝主兵安皇帝司餉其餘  
甲申乙酉殉節諸忠范公景文史公可法而下皆同謀  
也知府三拷之終不屈而是日也謝昌元亦爲人所告  
下獄初謝氏欲害五君子以求用於新朝不料枝秀之  
豔其富也欲并殺之而取其室乃使人上書告之又使  
人密語檢討曰謝氏汝冤家可力引之當爲汝報仇及  
共訊檢討曰咄嗟此乃反面易行首先送款之人也而  
謂其不忘故國吾死不瞑矣謝跪旁搏額謝曰長者長  
者檢討在獄中鼓琴賦詩如平日自稱過宜居士或問

過宜言附錄

正四明叢書

一約圖刊本

之曰周公之過不亦宜乎何有於某戊子五月初二日  
行刑直指謂曰非不欲生汝奈國法何檢討曰事成吾  
不汝置事敗汝亦不吾置也絕命有白光一縷冲天而  
去監國還軍翁州贈檢討門人私謚毅烈生平著述最  
多亂後散佚僅存過宜言八卷其獄中所訂操縵安絃譜泗  
水鼎樂府對簿錄藏於高武部隱學家今惟對簿錄尙  
有存者

檢討夫人陸氏有雋才而性貞且孝檢討被難夫人絕  
粒七日不死或曰有姑在何可死也乃日進一餐檢討

正命夫人親詣市初其首於屍負以歸既歿復絕粒其姑垂淚勸之復日進一餐已而有令徙諸家妻子於燕檢討之友高文學斗魁急過語曰夫人當自爲計夫人曰諾願得喪衣以見先夫子於地下斗魁卽以其妻所有子之次晨起對鏡歎曰天乎吾不得終孝養矣視其奩中尙有米親掃曰春之春畢跪於姑前曰婦不隨郎去恐終不得事姑也姑其強飯自愛以保天年語畢其姑哭夫人亦哭隣里聞者聚觀如堵牆皆失聲哭夫人徐起投繯堂中旣上而絕者再時方盛暑汗涔涔下鄰

適宜言附錄

天四明叢書  
約圖刊本

人或以楊梅一孟進曰願夫人嘗此而後死夫人亦渴甚啖之盡以巾拭汗復易纒而絕而檢討次子凜咫尺人於前數日密託檢討之友林評事時躍竊出匿之但以瘞兒聞其家莫有知者夫人之慷慨從容旣克從死又克保孤時人以爲巾幗中奇男子云其後凜也竟育於林氏年二十始復姓詳見予所作評事阡表有謝寅生者亦義士也素與檢討不相還往至是忽訊之獄中曰吾願以女配公子檢討許之寅生乃分以田宅而成立之謝氏之爲枝秀所陷也亟行賂於直指發其貪墨事

枝秀罷官謝亦多方下石以報之而刊揭自暴其前此告變之功并爲枝秀所陷之屈然卒不見用嗚呼皇朝應天順人同軌畢附檢討欲以精衛之力填闕海波亦何可得卽令是時所圖得遂浙河如破竹亦豈足延西崦之祚乃一擲不中至再至三卒以喪元可謂愚矣又沉重瞳受病一往疏防不密失身宵人抵隙竟漏多魚之師坐而受縛同盟駢首仇讐快心言之可謂浩歎者也然而欲存君臣之義於天地之間則小腆雖頑終賢於筐篚壺漿之輩至於身經百練終不爲繞指之柔皇

過宜言附錄

五十四明鼓書  
約圖刊本

朝殺其身未嘗不諒其心矣若乃夫人之凜然大節故國故家均爲有光而臨終妙用才反出檢討之上又一奇也彼反覆如夫已氏到今亦安在哉全祖望

過宜言附錄

過宜言八卷華氏所藏鈔本譌脫滋多按雪交亭正  
氣錄存對簿錄及文一首詩二首甬東正氣集存文  
六首蛟川先正文存存文十六首續甬上耆舊詩存  
詩三首蛟川詩繫存詩二首諸本可據以禛正者亦  
少又四明文徵存有石雁居士舉業敘言一首此冊  
未見不知何以遺之辛未九月江明校閱一過自記

四明叢書

四明叢書  
約園刊本

四明叢書

四明叢書  
約園刊本